

# WAN TUK

Namba 1674 NIUSPEPA BILONG YUMI OL PNG STRET!

Wan Wik, Ogas 24 - 30, 2006 K1.00 long  
Mosbi tasol - Ausait Mosbi K1.30



## 2-pela mun moa Gavman skruim Stet ov Imejensi long Sauten Hailans

### Tingting bilong pipel

GAVANA bilong Sauten Hailans provins na Praim Minista Gren Sief Sir Michael Somare wantaim ol arapela memba bilong palamen i gat tingting bilong ol long dispela Stet Ov Imejensi long Sauten Hailans tasol ol manmeri long provins yet i gat tingting bilong ol tu.

Hia em tingting bilong sampela long Mendi taun.



Pasto Joseph Joe

Pasto Joseph Joe bilong Yunaitet sios long Notiae seket i tok em i amamas long dispela stet ov imejensi.

"Bipo taun i no gutpela na ples i deti na bagarap. Nau mi amamas, ol ami na polis i kam na lukautim ples na em i gutpela tru."

I go moa long pes 3



Andrew Molen i raitem

PALAMEN long Tunde dispela wik i tok oraitim na senisim lo long surukim Stet ov Imejensi (SOE) long Sauten Hailans provins i go narapela tupela mun.

Ol i mekim dispela bihain long namba wan tupela ten wan (21) de bilong dispela SOE i pinis long Tunde dispela wik.

Gavana bilong SHP, Hami Yawari wantaim provinsal gavman bilong em i no moa holim pawa insait long provins. Em wanpela tasol i bin vot agensim dispela bil. 63 memba i bin tok oraitim.

Mista Yawari tok em i no laikim dispela SOE i go het narapela tupela mun na vot long Tunde

long surukim taim bilong en i go em i no stret aninit long mama lo bilong kantri.


"Dispela vot ol i mekim tete (Tunde) em i no stret aninit long mama lo bilong kantri.

"21 de bilong SOE i pinis long Mande, Ogas 21 tasol gavman i no bin pasim bil long dispela taim bilong wanem ol i nogat i nap namba," Mista Yawari tok.

Palamen i mas i gat moa long 55 memba i stap na vot long dispela bil bipo em i kamap lo tasol 38-pela memba tasol i kamap long palamen long Mande na ol i surukim i kam long Tunde we ol i pasim bil wantaim 63 vot.

"Dispela bil ol i pasim nau em i no stret aninit long mama lo bilong wanem em i abrusim 21-pela

Praim  
Minista  
i tok  
olsem...



- "Gavman i kamapim dispela stet ov imejensi long stretim lo na oda na kisim gutpela servis i go bek long provins."
- "Wanpela tingting bilong gavman tu em long holim na sasim ol lain husat i gat tingting nogut long bagarapim provins na ol pipol."



Gavana  
bilong SHP  
Hami Yawari  
i tok olsem...

- "Tingting bilong gavman long surukim SOE i go narapela tupela mun em ol i pilai politikis bilong wanem ileksen i kam klostu long neks yia tasol."
- "SOE i stap tasol nogat man bai putim han long ol oil na ges projek blo mi. Em ol samting bilong provins na bai stap."
- "Dispela SOE i bai pretim ol investa long kam insait long provins tasol mi sapota bilong ol projek na mi laik tokim ol investa long i noken pret."

de pinis, taim we 'National Gazette' i tokaut olsem SOE bai pinis," Mista Yawari tok.

Em i tok dispela i mekim SOE no wok moa na em i kisim bek pawa bilong em olsem gavana bilong provins na bai stat long wok ken.

Tasol long Mande taim lida bilong gavman bisnis, Patrick Pruaitch i askim long surukim bung i kam long Tunde, Praim Minista Gren Sief Sir Michael Somare i tok klia olsem ol i gat taim yet long vot long Tunde.

Em i tok, tok orait bilong SOE i go aut long 1st Ogas tasol wok tru i kirap long 2nd Ogas we i mekim olsem Tunde i makim stret 21-pela de we SOE bai pinis long SHP.

I go moa long pes 3

Winim  
tiket resis!

STARSHIP NA WANTOK NIUSPEPA WINIM TIKET RESIS!!  
LUKIM RESIS LONG PES 4 NA KISIM MOA SAVE LONG PILAI!!

Brian Bell Kampani igat ol kain kain masin blong wok didiman long Papua Niugini. Mipela igat fetilaisa marasin tu na ol seeds blong ol kaikai na kumu long gaden olsem kebis, letis, anian, brocoli, tomato na planti arapela moa.

Brian Bell Kampani luksave olsem wok didiman em bun blong ol bikipela lain pipol long asples PNG. Mipela helpim na strongim dispela wok didiman longpela taim tru ikam inap nau tu.

Mipla sapotim wok didiman long Papua Niugini long gro bikipela



### Nupela jet balus bilong Airlines PNG i statim ron



Andrew Molen i raitim

NUPELA Boeing 737 balus bilong Airlines PNG i kamap long PNG long wiken na long Mande dispela wik em i mekim fes ron bilong em i go long Brisbane, Australia.

Airlines PNG i tok ol i bilip dispela sevis bilong ol bai helpim ol kastoma bilong ol husat planti save laik long ron i

go i kam long Australia na PNG.

Dispela balus we ol i rentim long Oz Jet bilong Australia i gat olgeta bisnis klas sit na wantaim gutpela kaikai na sevis long balus taim em i ron.

Dispela em namba wan samting Airlines PNG i tok em i strongim bipo long em i lukluk long opim moa ron bilong balus i go long ol arapela provins.

Airlines PNG em i wanpela arapela balus kampani husat i wok long givim sevis long gutpela prais.

Planti manmeri husat i no inap bungim inap mani long baim balus tiket long namba wan bikpela balus kampani bilong kantri nau i wok long lukluk long Airlines PNG na ol nupela sevis bilong en i go olsem long ol provins.

### Noken daunim ol disebol

Mina Evara i raitim

YUMI mas senisim pasin na noken luk daun long ol disebol o ol turangu lain sapos yumi laik helpim ol.

Dispela em strongpela toktok bilong Fiona Cairns, wanpela meri Australia husat i wok olsem wanpela volantia wantaim Kallan Sevises bilong ol disebol long Goroka.

Em i bin toktok long Madang long wanpela konprens bilong ol disebol pipel we i kamap long Divain Wod Yunivesiti (DWU).

Mis Cairns husat em wanpela disebol meri em yet i tok olsem insait long 6-pela mun em stap na wok insait long kantri em lukim olsem ol pipel i save lukim ol disebol olsem ol trangu na luk

daun long ol.

Em tok dispela em i no gutpela na i no inap helpim ol dispela lain long sanap long strong bilong ol yet na mekim

**"Yumi mas senisim pasin na tingting long ol disebol sapos kantri bai go yet long developmen," Fiona Cairns**

samting long helpim ol yet na sindaun bilong ol insait long komyuniti.

Em tok long ples bilong em, ol i no save lukim ol disebol olsem ol trangu na planti long ol i sanap long strong bilong ol yet.

"Mi save wok long Maunten Sion long Goroka we mi wok long ai woksop long hap na mi lukim i gat planti ol aipas manmeri stap long hap.

Planti long ol i no yusim stik long wokabaut raun ol yet, i gat ol haus lain husat wokabaut wantaim ol. Dispela i no gutpela na i mas senis.

"Yumi mas larim ol wokabaut ol yet. Yes i tru ol bai bam na pundaun tasol ol man ol bai kiriap ken na wokabaut i go moa. Sapos yumi mekim ol olsem ol trangu na was tumas long ol bai ol nonap senis na kisim strong ol bai pas yet wantaim yumi" em tok

"Lek bilong mi i no gutpela tasol dispela no save pasim mi long mekim samting. Mi yet tu no save lukdaun long mi yet olsem wanpela trangu," em i tok.

Fiona i tok yumi mas senisim pasin na tingting long ol disebol sapos kantri bai go yet long developmen.

# Tred Yunien sapatim 'apim pe' singaut

Noreen Dada i raitim

apim minimum pe insait long kantri.

SEKETERI Jenerel bilong PNG Tred Yunien Kongres i welkamim singaut bilong wanpela memba bilong palamen long glasim na

John Paska i tokim Wantok dispela wik olsem em i taim dispela samting i kisim luksave bilong gavman na ol atoriti.

Mista Paska tok em i

sapatim singaut bilong Leba na Industri Rielsen Minista, Matthew Sulne long Fonde wik i go pinis long apim pe bilong ol lain husat i nogat inap skil tasol i mekim sampela wok.

"I gat kain olsem 300,000 pipel husat i wok long PNG.

Long dispela 300,000 pipel hap (150,000) em ol lain husat i save kisim minimum pe.

Dispela i ol lain husat i save wok olsem leba long ol plentesen, lain husat i save wok insait long ol stoa, wok long sip o bris, pat taim wok, kain olsem.

Long dispela taim, ol i wok long kisim K74 long wan wan potnait.

Bipo dispela senis long 2002 we i lukim ol kisim dispela K74, ol i wok long kisim K48 long wan wan potnait," Mista Paska i tok.

Mista Paska i tok long yia 1992, ol i bin holim namba wan hiaring bilong glasim na lukluk long sensisim minimum pe we em i tok dispela hiaring i tanim gut tru tingting bilong senisim minimum pe insait long kantri.

Dispela hiaring em gavman i sapos long kamapim bihain long tupela o tripela yia tasol

Mista Paska i tok nogat wanpela i bin kamap i go inap yia 2002.

"Long yia 2002 tasol, Gavman na Employees Federesen i givim tok orait long apim potnait pe long K48 i go long K74.

Mi laik strongim sait long apim potnait pe i go long K80 tasol dispela i stap long han bilong ol kampani na tu long gavman.

Sapos gavman i tingting strong long mekim wanpela disisen long senisim minimum pe, dispela disisen mas kam nau bipo 2007 nesenele ileksen," Mista Paska i tok.

### Nomane go pas long Chuave resis

Paulus Tali i raitim



MAN husat i bin kamapim ileksen kot agensim man i winim ileksen long Chuave sit, Jim Nomane nau i go pas long bai ileksen resis.


Wantok Niuspepa i bin stap lukluk long wok kaunim na i luk olsem bai kaunim bai pinis long tude na bai i gat deklaresen i go het.

Long kaun namba 19 long Trinde apinun, Mista Nomane i bin go pas wantaim 5932, siting memba David Ango i bin ron namba tu wantaim 5360 na narapela kendidet Timothy Kumane i bin ron namba tri wantaim 4856 vot.

PUTIM WAS: Ol polisman i sindaun was long kaunim bilong Chuave bai ileksen. Kaunim senta i stap long Kundiawa.

Kundiawa kaunting senta i lukim planti long ol kendidet i lusim resis bilong ol long raun 14 eliminesen.

Wantok i lukim olsem i nogat hevi tru i kamap long kaunim senta long Kundiawa. Ol polis i sanap gut na mekim wok bilong ol.



## COFFEE INDUSTRY CORPORATION LTD

WEEKLY MARKETING PRICES -Week ending 21/08/06.  
NOTE: All prices are quoted in Kina per kilogram.

	GREEN BEAN (Delivered-In-Store)				PARCHMENT (Factory Door)				CHERRY
	ARABICA				ROBUSTA	ARABICA		ROBUSTA	
	A	X	PSC-X	Y1	Robusta	Class 1	Class 2	Robusta	
KAINANTU	NB	NB	NB	NB	-	- to 3.60	3.20 to 3.40	-	- to 0.90
GOROKA	6.70 to 6.90	- to 6.30	- to 5.80	5.30 to 5.80	-	3.70 to 3.85	3.30 to 3.70	-	- to 1.00
KUNDIAWA	NB	NB	NB	NB	-	- to 3.80	NB	-	NB
MINI/BANZ	NB	NB	NB	NB	-	3.20 to 3.80	3.00 to 3.45	-	1.00 to 1.05
MT. HAGEN	NB	NB	NB	NB	-	3.45 to 3.50	3.10 to 3.40	-	- to 1.06
LAE	- to 6.70	- to 6.20	- to 5.45	- to 5.35	-	2.90 to 3.00	2.60 to 2.80	NB	-
AVERAGE	6.77	6.25	5.68	5.51	NB	3.44	3.13	NB	1.00

NQ: Nogat Prais. NB: I No Baim. NA: I No Gat.

Ol Arabica kopi prais i pinisim wik antap liklik long US\$2.36/kg bihain long em i go antap inap long 6 cents/kg taim robusta i go antap strong moa long \$52/ton (5.2 cents/kg) long dispela wik. Long bris bilong sip, net F.O.B avares prais bilong Y-Gred i pinis antap moa long K5.94/kg bihain long em i gro 24 toea long dispela wik. Averages DIS prais bilong Y-Gred i bin gro inap long mak bilong 16 toea i go sindaun long K5.51/kg na faktori dua prais pasmem i nogat senis long en na i sindaun long K3.44/kg.

Seri prais i stap wankain long K1 long wanpela kilogram long tripela wik i go pinis.

### Lukautim Kopi Na Kopi Bai Lukautim Yu

# Operesen kisim bek sampela samting pinis

Andrew Molen i raitim

OL sekyuriti fos long Sauten Hailans Provins i kisim bek tupela ten tri (23) kar bilong provinsel gavman pinis we ol man i kisim na yusim nating nating.

Tasol dispela ol kar i no stap insait long Mendi tasol, ol i stap olgeta hap long provins na sampela i stap long ol arapela provins tu.

"Wanpela bilong ol dispela kar i stap long Madang we ol i bin yusim long baim meri." SHP kontrola, Gari Baki tok. "Wok bilong mipela long hia em long lukautim ol samting bilong gavman na ol ples we i gat ol risos i stap. I no ol samting bilong gavman tasol, mipela bai lukautim tu ol samting bilong provinsel etministresen."

Ol i luksave pinis tu long ol haus bilong provinsel gavman we sampela man i go stap nating long en.

Mista Baki tok ol bai rausim ol lain na kisim bek dispela ol haus.

Long wankain taim bai ol mekim ol patrol i go namel long Hides na Porgera we ol bikpela pawa pailon o pos i sanap.

Ol i kisim ripot olsem sampela lain i wok long traim na bagarapim ol dispela pawa lain.

Stat long Fraide las wik moa long 700 polis, ami na Koreksenol Sevis (CS) opisa i go aut long wan wan hap bilong provins long mekim wok bilong ol.

Olgeta fos i kamap long Mendi tupela wik i go pinis we ol i putim hetkwata bilong operesen ol i kolim operesen intavensien (Operation Intervention) long 'Agiru Centre'.

Tasol nogat wanpela wok i bin kamap bilong wanem ol opisa i no kisim mani bilong ol long wok.

Las wik Fonde ol i kisim mani bilong ol na bihain long wanpela bung bilong kontrola Gari Baki wantaim palamen komiti bilong SOE long SHP, ol i salim ol yunit i go aut.

"Mipela i laik salim ol yunit bilong mipela i go aut hariap na mekim wok na nau olgeta samting i redi olsem na ol bai go aut long wan wan ples nau," Mista Baki tok.

Em i tok klia tu olsem dispela operesen em i no bilong lo na oda tasol long was long ol samting na helpim provins long kisim ol sevis i go bek long ol pipel.

"Ol bikhet pasin bai stap na mipela bai holim ol trabel lain tasol as tru bilong dispela operesen i kamap em long kisim sevis i go bek long ol pipel," Mista Baki tok.



STRETIM BEK PLES: Ples i bagarap tasol ol manmeri no giv ap yet. Kain ol wok olsem rausim pipia na stretim ol olupela flawa gaden long Mendi taun em sampela samting ol i mekim.

NAMBA BILONG OL MANMERI HUSAT I KISIM TAIM LONG BIKPELA HEVI BILONG NOGAT I NAP SEVIS NA HEVI BILONG LO NA ODA (RIPOT BILONG SHP TAS FOS)

" Lalibu/Pangia	-	50, 799
" Imbongu	-	60, 086
" Kagua/Erave	-	54, 515
" Komo/Magarima	-	64, 162
" Koroba/Kopiago	-	69, 575
" Mendi/Munihul	-	96, 413
" Nipa/Kutubu	-	98, 505
" Tari/Pori	-	52, 210
<b>Olgeta:</b>	<b>-</b>	<b>546, 265</b>

## Tupela mun moa

I kam long pes 1

Bilong wanem tok orait i kam aut long 1st Ogas tasol long 12:01 long biknait em taim we wok tru i kirap.

Long dispela taim i nap long 12:01 long Tunde nait em 21-pela de stret bilong SOE.

Bihain long dispela 21-pela de, palamen i mas vot ken long surukim taim bilong SOE i go yet.

Toksave long "National Gazette" i tok SOE long SHP i kirap long namba 1 de bilong mun Ogas, 2006.



Mathew Sera bilong Upper-Mendi i tok i gat as na SOE i kamap long provins.

"SOE long Sauten Hailans bai no i nap kamap nating tasol ol lida bilong provins i no gutpela. Ol lida bilong SHP i silip na i no mekim wok."

Bipo presiden bilong Erave LLG, Augustine Tipale i tok em i amamas tu long dispela SOE i kamap.

"Planti manmeri long provins olsem mi amamas long dispela SOE. Sapos gavman i gat i nap moni, em i mas surukim SOE i go bihain long ileksen neks yia. Em i mas stap 9-pela mun o moa."

"I gat planti pasin korapsen i kamap na mi no amamas long wok bilong gavana. Planti milien kina i save kam long oil na ges projek tasol nogat wanpela gutpela sevis i save kamap long provins."

## Dokta Marat wari long human rights

Andrew Molen i raitim

I GAT wari long pasin bilong brukim lo bilong humen raits i kamap long Sauten Hailans provins na singaut i go long kontrola bilong provins long lukaut long dispela.

Siaman bilong palamen komiti bilong stet ov imejensi long SHP, Dokta Allan Marat i autim dispela tingting long Mendi las wik Fonde taim ol i bung wantaim ol sekyuriti opisa na ol bikman bilong provins.

"Yupela i mas lukluk long dispela sapos ol opisa i krangi na abrusim dispela mak," Dokta Marat i tok.

Em i tok dispela em i wanpela bikpela operesen na nogut ol i belhat sampela taim na abrusim dispela mak.

"Yumi no laik bai olgeta hatwok bilong yumi long hia i bek paia

ken long yumi," Dokta Marat i tok.

"Yupela i mas lukluk gut long dispela," em i tok.

Deputi polis komisina na kontrola bilong SHP aninit long lo bilong SOE, Gari Baki tok ol i tingting long dispela na i toktok wantaim ol opisa bilong ol long en pinis.

"Mipela bai mekim save long husat ol opisa i brukim dispela lo," komisina Baki tok.

Long wankain memba bilong Bogenvil na komiti memba Leo Harnetts i tok i gat tupela samting long mekim long abrusim dispela kain hevi.

"Wanpela em yu mas soim rispek long ol pipel na manmeri stap long provins na narapela em long lukautim gut ol opisa bilong yu.

"Mekim ol i amamas bai ol i noken painim sans long autim belhevi bilong ol long ol arapela rot," em i tok.

# POSF

## TOKTOK SUPA

### Apdetim ol Rekot bilong ol Memba

WANPELA long ol bikpela wok POSF i gat em long lukautim stretim ol rekot bilong ol memba. Dispela wok em i bikpela moa bikos long bikpela namba bilong ol memba olsem ol tisa, ol polis, ol koreksenel sevis lain na ol helt wokmanmeri husat i wok long senisim ples bilong wok long ol kain kain hap long kantri olgeta taim.

Taim wanpela trense o senis long wok ples i kamap, dipatmen na memba yet i no save toksave long POSF long ol nupela ples bilong wok na ol arapela samting. Em nau wanpela rot long toktok long ol memba em POSF i save long en em ol dispela i stap insait long ol rekot we ol memba yet i raitim insait long Membasip Aplikesen Form ol i save stretim taim ol i statim kontribusen i go long Fan.

Dispela i save kamapim hevi taim POSF i laik givim aut ol stetmen na ol arapela memba infomesen bikos planti taim ol stetmen i save go long ol olupela pos opis bokis o ol pos opis bokis namba i pas pinis. Planti pas i save kam bek gen long POSF husat i mas salim i go long ples ol memba i wok long en tasol planti taim em i no save go painim memba.

Olsem na sapos yu wanpela POSF memba na yu no kisim yet enuel stetmen o ol arapela toksave long pos opis, yu mas ringim POSF na apdetim ol pesonel stori bilong yu.

**Ol Pesonel stori em:**

- Nem tru tru bilong yu (yu mas tokaut sapos yu yusim nem bilong yu o marit nem bilong yu).
- Stori bilong wok bilong yu.
- Nupela ples yu stap na wok long en, olsem pos opis na email adres na ol telepon na feks namba.

Bipo long yu givim wanpela Member Details Update Form pepa, yu mas sekim gut pastaim na kisim tok orait long Humen Risoses Dipatmen bilong bos bilong yu.

Plis tingim olsem POSF bai no inap senisim ol stori bilong ol memba. Bosman bilong ol memba yet i mas givim tok orait. Dispela em long daunim sans long ol arapela manmeri i mekim giaman toktok o stori long ol memba.

Ringim POSF Het Opis long Pot Mosbi o ol Rijinel Opis long kisim wanpela kopi bilong Member Detail Update Form.

Lukim moa toksave long Updetim ol Rekot bilong ol Memba neks wik Fonde.

Long moa toksave ringim:-  
 POSF Member Servicing - Ph: 309 5244 o  
 Fax: 321 4406  
 POSF Regional Offices: Lae 472 2272, Mt Hagen 542 1182, Rabaul 982 8900  
 Moa long Housing Advance long Fonde long wik i kam insait long Toktok Supa.

# Brisbane long K399

**KLOSTU PULAP NAU YU BUKIM SIT TU?**

**Airlines PNG**

COME FLY OUR WAY

**Bisnis klas bai yu stap isi na ekonomik klas Prais Mande na Trinde**

**Wan Wei** Bris - Pom 0730/1040  
 Wantaim ol takis na levi... Pom - Bris 1400/1710

321 3400 / 325 0555  
 Book online nau - [www.apng.com](http://www.apng.com)

(\*Limited Seats, Kambek fe i stap long klas sapos i gat sea na senis reit)  
 i stap long tok orait tasol

# WINIM TIKET!!

## Starships - Wantok Niuspepa winim tiket resis...

WETIM MI! MI WIN YA!



Wantok Niuspepa, niuspepa bilong yumi ol PNG stret i luksave long hevi bilong bikpela prais long ron long balus. Olsem na em i wok bung wantaim Rabaul Shipping long givim yupela ol rida bilong mipela gutpela sans long winim ol tiket long ron long ol sip bilong Star Ships PNG Limited.

Rabaul Shipping i gat 11-pela pasindia sip i save ron aninit long Starships (PNG). Ol dispela sip ol i save kolim ol "Queen" sip. Ol nem bilong ol sip bilong ol em: Alotau Queen, Atolls Queen, Buka Queen, Kavieng Queen, Kimbe Queen, Kokopo Queen, Madang Queen, Morobe Queen, Pomio Queen, Rabaul Queen na Solomon Queen. Planti long ol dispela sip i save karim kago tu.

Ol i save ron i go olsem long Alotau na ol ailan bilong Milen Be, Bialla, Buka, Kavieng, Kimbe, Lae, Pot Mosbi, Rabaul, Samarai, Wewak na Vanimo.

### LONG STAP INSAIT LONG RESIS...

Yu mas bekim stret ol dispela askim long Starships (PNG) Limited. Taim yu bekim pinis na yu ting em i stret, salim entri bilong yu i kam long Wantok Niuspepa na bai i gat wanpela bikpela dro long 14/ 09/ 06.

I gat tripela prais yu ken winim insait long dispela resis.

Namba 1 Prais: Wanpela Sekta Ron bilong Tupela Fes Klas ritin tiket.

Namba 2 Prais: Wanpela Sekta Ron bilong Wanpela Fes Klas ritin tiket.

Namba 3 Prais: Wanpela Sekta Ron bilong Wanpela Ekonomik Klas ritin tiket.

Olgeta dispela tiket em bilong ol ron long ol dispela sip tasol: Solomon Queen, Rabaul Queen, Madang Queen, Morobe Queen na Kimbe Queen. Ol arapela Queen sip bai nogat.

Sapos yu win, yu no inap long senisim tiket yu winim long kisim mani.

Sapos yu win, yu mas yusim ol tiket bipo long **Desemba 31, 2006.**

Sapos yu win, yu mas bihainim olgeta lo bilong Rabaul Shipping Ltd.

Starship-Wantok Niuspepa winim tiket resis

### OL ASKIM...

Askim #1: Givim nem bilong han kampani bilong Rabaul Shipping husat i save bosim ol sip bilong en? .....

Askim #2: Sapos yu win, bai yu ken yusim tiket bilong yu long wanem ol Queen Sip bilong Rabaul Shipping? .....

Askim #3: Ol "Queen Sip" bilong Rabaul Shipping i save ron i go long wanem ol ples? .....

Askim #4: Sapos yu winim tiket bilong ron long sip, bai yu go long wanem hap insait long PNG? .....

NEM: .....

ADRES: .....

TELEPON: .....

### YU MAS BIHAINIM OLGETA DISPELA SAMTING LONG STAP INSAIT LONG RESIS:

- Olgeta entri i mas kam long Wantok Niuspepa bipo long Fonde, Septemba 7, 2006.
- Dro bai kamap long Fonde Septemba 14 na ol nem bilong ol wina bai kamap insait long Wantok Niuspepa long Septemba 21, 2006.
- Salim i kam long Winim Tiket Resis  
P.O. Box 1982, Boroko NCD, Papua New Guinea
- Ol wanfamili bilong olgeta wokmanmeri bilong Rabaul Shipping na Starships Limited wantaim Wantok Niuspepa i no inap stap insait long dispela resis.

# Tripela mun kos long strongim bilip

RHEMA Skul ov Ministri bai kirapim tripela mun kos we bai lukluk long strongim bilip bilong ol Kristen na strongim wokabut bilong ol.

Dispela kos bai kamap long Nonga Yunaitet Sios long Rabaul na bai stat long 4 Septemba na bai pinis long laspela wik bilong mun Novemba.

Dairekta bilong Rhema Skul ov Ministri long Australia, Pasto Nigel Darch na meri bilong en

Magret, wantaim Pasto Tony Cook bilong Amerika na man husat i go pas long kirapim Rhema Ministri insait Amerika, Reveren Kenneth E. Heggim bai go pas long ronim kos.

Laip Senta Rhema Gold Coast long Australia i fanim dispela kos.

Siaman bilong Yunaitet Sios insait Nonga, Pasto Jeffrey Bellie i tok Rhema Skul i stap long kantri long laspela tripela yia nau na em namba wan taim

ol i ronim dispela kain kos insait long Is Nu Briten.

"Welkam toksave i go long olgeta sios long stap insait dispela kos we fi long stadi long san em K200 na long stadi long nait em K200 tu.

Kos i no long bringim aut ol gutpela Kristen husat i stap long wan wan sios tasol long helpim ol strongim Kisten bilip bilong ol wantaim God long wan wan sios bilong ol," Pasto Bellie i tok.



AMAMAS LONG SKUL: Sampela Bogenvil skul pikinini i redi long go insait long klasrum. Nau ol i ken amamas skul bikos ples i wok long kamap orait gut.

## Bogenvil lukluk long opim Aropa ples balus

NAMEL long pinis bilong dispela yia na nupela yia 2007, ol balus bai pundaun long Aropa ples balus long Bogenvil.

Bipo long Bogenvil hevi, Aropa i bin wanpela intenesenel ples balus we i save wokim ron i go long Honiara long Solomon Ailans na em bin rot we planti lain i bin save bihainim long go olsem long ol arapela Saut Pasifik kantri na wol.

Wantok i kisim ripot olsem ol toktok i go het long kisim ol balus i pundaun gem long Aropa ples balus na ol arapela liklik ples balus olsem Arawa, Wakunai, Buin na Tonu.

Ol ripot i tok ol papagraun bilong Ariopa i laikim balus sevis i kirap bek gem long Aropa.

Ripot i tok ol toktok i go het nau long kisim PNG Airlines i wokim ron bilong em long Aropa ples balus na dairek i go na i kam long Brisben na Bogenvil.

Sivil Aviesen Ejensi bai sekim ples balus pastaim bipo dispela samting i go het, tasol Wantok i no bin inap long tok-tok wantaim CAA long kisim ol toktok bilong em.

## ABG gat Red Cross opis

BIHAIN long olgeta hevi na bikpela birua we Atonomes Bogenvil Gavman (ABG) i bungim, rijen i nau gat Red Cross opis bilong em yet long Buka.

ABG Presiden na Petron bilong Red Cross Bogenvil, Joseph Kabui i tok em i amamas long lukim Red Cross opis i kirap we em i tok ol i givim bikpela helpim long ron bilong birua long ailan.

Bogenvil Intrim Brens bilong Red Cross i opim nupela opis bilong ol long Fraide las wik we i bungim bikpela amamas long ol non gavman ogenaissen komyuniti.

Man husat i givim ke not toktok, Pramerit Industri Seif Eksekutiv Seketeri, Patrick Koles autim amamas long en i go long Red Cross PNG long we em i tok opis bai helpim tru ol pipel.

## K720,000 long helpim Lorengau Jenerel Haus sik

HELT Minista Sir Peter Barter i bekim singaut bilong Lorengau Jenerel Haus sik long givim fan long stretim haus sik.

Sir Peter i givim tok orait long givim K720,000 i go long mekim wok mentenens na senisim olpela masin na samting long haus sik.

Provinsel Etmnistreta Wep Kanawi i tok Lorengau Jenerel Haus sik i nogut tru na i stap wantaim nogat wok mentenens long laspela 17 pela krismas.

Mista Kanawi i tok wok long stretim haus sik bai stat taim ol i kisim fan.

# Baki tok klia

Timon Henry i raitim

MOA long eit handret tausen polis, ami na woda i kam long Mendi long wik i go pinis.

Insait long dispela mas o bung bilong ol, Kontrola bilong Stet Ov Emejensi na Deputi Polis Komisina Gari Baki i tok long bung long Mommers ovol olsem ol pipel bilong Sauten Hailans provins mas wok bung wantaim mipela ol polis na ami na bai gutpela sindaun long komyuniti i ken kamap.

Kontrola Baki i mekim dispela toktok namel long ol pipel olsem, stet of imejensi i no bilong mipela ol polis, ami na woda.

Em i kam long stretim wanem hevi yu gat long hia insait long dispela provins. Kontrola Baki i askim ol pipel bilong Sauten Hailans provins olsem mipela kam long mekim tripela wok long mekim long provins.

• SEKIM gavman i yusim mani bilong ol pipel na givim aut besik sevis long ol pipel o nogat;

• PAINIM aut we ol wok i ron gut long etministresen insait long SHP; • RAUSIM ol gan we nau i stap insait long wan wan distrik.



REDI: (l-r) Dokta Allan Marat Rabaul MP na saiman bilong Stet ov imejensi komiti na kontrola bilong Stet ov Imejensi Gari Baki i redi long mekim wok.

Olsem na em i wokim ol wan wan lida insait long distrik long wok bung wantaim na long daunim ol hevi.

Insait long taun tu em i singaut i go long ol husat yu wanpela pablik seven i stap nating long wanem hap long arapela provins long kam bek long provins bilong yu na mekim wok long wanem hap yu wok long en.

Em i tok sapos yu wanpela tisa, dokta o nes bilong wanwan distrik i mas i go bek hariap bipo long ol wok man bilong gavman kam long hap bilong eria bilong yu.

Moa yet em i tok i no gutpela long yu manmeri na kristen long holim ol gan na mekim

pasin nogut. Insait long dispela tripela mun olgeta gan i mas kam insait long ol han bilong ol polis wantaim bilong ol propeti bilong stet. Nogut ol polis na ami bai mekim save long ol.

Kontrola Baki i tok mining bilong Stet Ov Imejensi em bilong stretim gut sindaun bilong ol pipel na i no bilong ronim ol pipel, olsem na ol pipel mas kam aut na salim wanem kaikai o ken kam ron long maket o long taun. Na tu ol polis bai putim tambu long salim buai insait long provins long taim stet ov imejensi sapos ol polis na ami i painimaut. Orait bikipela hevi bai ol i kisim.

Em apil long ol pipel bilong Sauten Hailans

# Powi gat plen bilong provins

Andrew Molen i raitim

TUPELA wik bilong stet ov imejensi (SOE) long Sauten Hailans i pinis nau na Provinsal edministreta i redim ol plen long kirapim bek provins bilong em.

Mista William Powi tok em i wokbung wantaim ol distrik etministreta na ol opisa bilong em long kisim bek gutpela sevis i go bek long ol pipol.

Em tok em i laik mekim wok nau taim SOE i stap na ol polis na ami stap na lukautim ples.

"Nau taim dispela sekyuriti plen i stap yet mipela i mas wok long kisim ol gutpela sevis i kam bek long provins," Mista Powi tok. Mista Powi bai makim wanpela menesmen tim o grup we ol sinia distrik etministreta bai stap insait long en long lukluk long dispela ol wok.

"Mi gat strongpela bilip olsem olgeta wok bai go orait na ol sevis bai go bek ken long provins," Mista Powi tok.

Sampela ol bikipela samting o infrastraksa etministreta i tok ol




Foto: ANDREW MOLEN

RONIM PROVINS: Mista Powi gat plen i stap redi pinis long kirapim bek sevis long Sauten Hailans provins.

bai lukluk long en hariap em ol rot, bris, haus sik na ples balus.

Ol rot long Mendi na planti hap insait long provins i bagarap olgeta na wanpela rot we wok i stap long en nau em rot long Mendi go long Nipa we ADB i putim mani long en.

Nau yet ples balus long Mendi nogat banis. "Narapela samting mipela bai lukluk long en tu em Redio Sauten Hailans. "Em i no wok long las 9-pela mun," Mista Powi tok. Em i tok redio SHP em

i wanpela rot we ol i save kisim toktok i go long ol pipol insait long provins. "Mipela i mas i gat K8 milien tu long lukim ol skul i op i go i nap long pinis bilong yia," Mista Powi tok. Narapela wari bilong edministreta em long lukluk long ol ges na arapela projek insait long provins.

Mista Powi tok ol i kamapim ol progrem long lukluk long dispela hevi wantaim ol meri, sios na ol yut. "Dispela olgeta samting i stap insait long baset."

# Mendi Meya tok tenkyu

Timon Henry i raitim

MENDI Eben Taun Atoriti Lod Meya bilong Mendi i autim bikipela tok tenkyu long gavman bilong Gren Sif Se Michael Somare long luksave long wanem ol hevi bilong ol pipel long Sauten Hailans provins.

Lod Meya Karabus Tali i tokim Wantok Niuspepa olsem, ol pipel bilong SHP i bin stap long tudak na nau em i taim bilong kisim lait. Sauten Hailans

Provinsal Gavman i no bin luksave long ol kain kain nid bilong ol pipel na planti long ol i kisim bagarap nau na ol pipel i amamas tru long wok bung wantaim ol polis, ami na ol woda long strongim bek ol sevis olsem rot, bris na helt na tu long autim ples klia ol hevi insait long provins.

Em i tok strong olsem planti pipel i no laikim paul pasin i kam gen long taun nau olsem na em i tok tenkyu i go long Kontrola, Gari Baki long gutpela tok em i

bin mekim long wik i go pinis.

Kontrola Baki i bin tok olsem em i laik sapotim tingting na plen bilong em long daunim ol hevi na bringim gut sindaun long ples na komyuniti olsem na em i singaut i go long ol pipel bilong Mendi Sentrel long noken bikhet na mekim nabaut.

Stap isi long wanem hap yu stap long en na rispektim yu yet na arapela pipel tu wantaim na bai gutpela sindaun i ken kamap.

# Olgeta kar mas gat insurens pepa

Peter Sowaip Pia i raitim

MASKI liklik o bikipela kar, olgeta i mas rejista long ol insurens kampani bipo long ol i ron long pablik rot, Enga Len Trensport Bod Sief Tokas Theo Takori i tok.

Mista Takori i mekim dispela toktok taim planti PMV o pablik moto viakel i wok long kisim bagarap na ol i nogat insurens pepa.

Em i tok opis bilong em na polis i bin sasim planti kar i nogat rejistresen na insurens

pepa tasol ol i ron i go kam long pablik rot.

Sampela long ol i bin kamapim birua na kilim ol pasindia na tu ol man i sanap long sait bilong rot.

Em i tok ol PMV, praivet kar na gavman kar husat i nogat pepa em i brukim mama lo bilong Lens Trensport Bot bilong kantri.

Long wankain taim, Mista Takori i tok sapos wanpela kar i bungim birua long rot na kilim ol manmeri, lain bilong ol noken tingting long

kilim papa bilong kar o draiva.

Dispela em bikos em i eksiden o birua nating tasol na ol i nogat rait long mekim nabaut. Strepela rot em long ol i kisim kompensesen long insurens kampani.

Mista Takori i tok planti hap long Hailans haiwe ol man nating na lain kisim bagarap long kar save kilim draiva na bos kru tasol em i no stret.

Em i tok lo i mas mekimsave na i no man nating long ples o haiwe.



## TRANSPARENCY INTERNATIONAL (PNG) INC.

A national chapter of Transparency International - the coalition against corruption  
5<sup>th</sup> Floor Mogoru Moto Building, Champion Parade  
P.O. Box 591 Port Moresby, NCD Phone 320 2188 Fax 320 2189  
Email: [communications.tipng@daltron.com.pg](mailto:communications.tipng@daltron.com.pg)  
Website: [www.transparencypng.org.pg](http://www.transparencypng.org.pg)

MEDIA COUNCIL OF PAPUA NEW GUINEA  
P.O. Box 135, Port Moresby, NCD Phone 325 4890/323 3265  
Fax 321 0336  
Monian House, Level 1, Suite 2, Boroko  
Email: [jhkili@mediacouncil.org.pg](mailto:jhkili@mediacouncil.org.pg)

## CCAC Rijinel Bung, Momase

Komyuniti Koalisen Agensim Korapsen (CCAC) bai holim CCAC Rijinel Bung, Momase, long Fraide, Septemba 8, 2006, 8 kilok moning i go inap 5 kilok long apinun.

Dispela bung bai kamap long Sir Ignatius Kilage Indoor Stadium long Lae, Morobe Provins. Sampela ol samting dispela bung bai paitim tok long en em;

- Ileksen na ol wok bilong ileksen
- Strongim politikel pati sistem
- Sapotim tingting we moa meri i mas bosim ol pablik opis
- Wok bung wantaim na sapotim rait bilong ol kendidet husat i bihainim stretpela rot na winim ileksen
- Stretim rot bilong Indipenden Komisn Agensim Korapsen (ICAC); na
- Kempen agensim ol lo we i ken daunim stretpela pasin bilong pablik long PNG

Olgeta i welkam long kamap long dispela bung

Transperensi Intenesenel PNG (TI PNG) na Midia Kaunsil bilong PNG (MC PNG) i wok bung long go pas long CCAC.



**IMEJENSI (SAUTEN HAILANS PROVINS)  
(GENERAL PROVISIONS) ACT 2006**

**OL IMEJENSI ODA**

Mi yet Gari L. Baki, DPS, OBE, O.St J, Deputi Komisina bilong Polis na Kontrola bilong imejensi i kamap insait long Sauten Hailans Provins, bihainim ol pawa mi holim aninit long seksen 6(1) bilong Imejensi (Sauten Hailans Provins) (General Provisions) Act, 2006 na olgeta arapela pawa mi holim i mekim ol dispela oda:-

**Namba 1:** Em i tambu tru long mekim, salim, tilim na baim bia insait long olgeta hap long Sauten Hailans Provins. Tok orait tasol bai go long -

- (a) ol hotel na motel i gat laisens; na
- (b) ol klab, we ol bai mas wok bisnis namel long 9 kilok moning i go inap 5 kilok apinun tasol long olgeta de bilong wok bisnis.

**Namba 2:** Olgeta ron bilong balus i go insait na i go aut long provins bai pundaun na kirap long tupela ples balus tasol em Mendi na Moro.

**Namba 3:** Olgeta ron bilong kar i go insait na i go aut long provins i mas ron bihainim bikpela hanbruk bilong rot long Togoba insait long Westen Hailans Provins tasol.

**Namba 4:** Olgeta wokabaut na ron bilong ol pipel, ol kar, ol enimal na ol samting long ol rot insait long Sauten Hailans em ol Sekyuriti Fos bai i mas sekim ol.

**Namba 5:** I gat tambu long ol kain kain kibung o miting. (ol sios sevis, matmat na spots pilai tasol i orait). Kontrola tasol i ken givim tok orait long ol bung i kamap.

**Namba 6:** Olgeta komplek o belwari bilong pablik i mas i go

long opis bilong Etmnistretiv Sekreteri bilong Dipatmen bilong Sauten Hailans bai i kam long mi.

**Namba 7:** Olgeta komyuniti sindaun o pati i kamap insait long ol banis na haus i mas pinis bipo long 8 kilok olgeta nait.

**Namba 8:** I gat bikpela tambu i stap insait long olgeta hap long provins we bai i ron i go inap pinis bilong imejensi. Dispela tambu em i stap agensim karim bilong ol bunara, naip na tamiok o ol arapela samting we man i ken yusim long bagarapim arapela. Em i tambu tru long karim ol dispela samting long pablik ples.

**Namba 9:** Olgeta samting bilong gavman, em graun, ol kar na haus we i stap nau wantaim husat manmeri insait long ples stet ov imejensi i kamap long en na i nogat luksave aninit long lo o i nogat gutpela as long ol i holim bai i mas i go bek long Kontrola bilong imejensi. Sapos nogat, wok bai go het long kisim bek olgeta dispela samting bilong gavman.

**Namba 10:** Gateway Sevis Stesin long Mendi bai givim mi piul o bensin na olgeta arapela samting bilong ol kar we ol memba bilong Difens Fos na Royal Papua Niugini Konstabulari i yusim long halivim mi long mekim wok bilong mi long dispela taim bilong imejensi.

**De ol dispela samting i kisim tok orait em namba 14 de bilong mun Ogas, 2006.**

**GARI L. BAKI, DPS, OBE, O.St. J**

Deputi Komisina bilong Polis

Kontrola

IMEJENSI (SAUTEN HAILANS PROVINS)  
(GENERAL PROVISIONS) ACT 2006

**TOK ORAIT**

Mi yet, Gari. L. Baki DPS, OBE, O.St. J, Deputi Komisina bilong Polis na Kontrola bilong imejensi i kamap insait long Sauten Hailans Provins, aninit long Seksen 5(l) i givim tok orait long olgeta memba bilong Royal Papua Niugini Konstabulari na ol memba bilong Papua Niugini Difens Fos we Komanda bilong Difens Fos i salim ol i go long Imejensi (Sauten Hailans Provins) bihainim Defence Force Act, 2006, long halivim mi long mekim wok bilong mi aninit long Imejensi (Sauten Hailans Provins) (General Provisions) Ekt 2006.

**De ol dispela samting i kisim tok orait em namba 1 de bilong mun Ogas, 2006.**

**Gari. L. Baki, DPS, OBE, O.St.J**

Deputi Komisina bilong Polis

Kontrola

IMEJENSI (SAUTEN HAILANS PROVINS)  
(GENERAL PROVISIONS) ACT 2006

**TOK ORAIT**

Mi yet, Gari. L. Baki DPS, OBE, O.St. J, Deputi Komisina bilong Polis na Kontrola bilong imejensi i kamap insait long Sauten Hailans Provins, aninit long seksen 4(1)(c) na seksen 5(l) i givim tok orait long Chief Superintendent Norman Kambo bilong Royal Papua Niugini Konstabulari na Colonel B. Oala bilong Papua Niugini Difens Fos, long halivim mi long mekim wok bilong mi aninit long Imejensi (Sauten Hailans Provins) (General Provisions) Act, 2006, olsem ol Asisten Kontrola i bosim ol Lo na Oda Operesen na ol Militari o Ami Operesens.

**De ol dispela samting i kisim tok orait em namba 14 de bilong mun Ogas, 2006.**

**Gari. L. Baki, DPS, OBE, O.St.J**

Deputi Komisina bilong Polis

Kontrola

# Singaut long gavman i strongim PNG Indonesia boda was

**Veronica Hatutasi i-raitim**

**SINGAUT** i go long PNG Difens Fos Komanda, Polis bos na Praim Minista long karimaut wok painim long PNG Indonesia boda sapot long Sandaun bilong dau-

nim ol trabel i kamap long hap.

Bipo Sandaun Gavana John Tekwie i singaut long Ami Komanda Komodo Peter Ilau, polis bos Sam Inguba, Praim Minista na Foren Afeas Minista Sir Michael Somare glasim na

strongim sekyuriti na wokman sapot long Vanimo na Wutung we bai redi long stopim ol hevi taim ol i kamap long boda eria namel long Indonesia na PNG.

Mista Tekwie i amamas long ol polis na ami i go insait na stopim ol fisaman bilong

Indonesia i bin kalapim bodamak na painim pis na ol abus bilong solwara long hapsait bilong PNG. Mista Tekwie i singaut tu long ol pipel bilong Sandaun long sapotim wok bilong ol PNG polis na ami i wok long boda eria

Long wankain taim tu,

Mista Tekwie i singaut long gavman bilong Indonesia long tok sori long PNG long ol fisamen bilong em i brukim bodamak na kam insait long banis bilong yumi na hevi i kamap.

Taim em i wokim dispela singaut em i tok tu olsem gavman bilong

Indonesia i mas givim mekim save long ol papa bilong ol bisnis we i bin larim ol fisaman i abrusim bodamak na hevi long ol PNG ami i sut long ol i bin kamap.

Mista Tekwie i tok pasin ol fisaman bilong Indonesia i save abrusim boda na kam

insait painim pis long PNG i no nupela samting.

Long sait bilong ol fisaman bilong Indonesia i kalapim bodamak na painim pis long hapsait bilong PNG, Mista Tekwie i tok dispela i wok long kamap long planti yia nau.

## Winge laik kamapim risos senta

**Paul Fuzo i raitim**

**WINGE** ples insait long Maprik Distrik bilong Is Sepik Provins i bin holim wanpela bikpela kruset long Julai 27, 2006 wei i bin pulim moa long 5000 bilip manmeri.

Long wankain taim Mista Wongen i no amamas long ol politikel lida we ol i bin askim ol tasol ol i no bin kamap long stap insait long opisel opening bilong dispela Kruset.

Dispela em bikos olsem ol lida i mas kamap long luksave long wanem samting em ol liklik manmeri long ples i laik traim kamapim long helpim sindaun bilong ol long ples.

Em i tok tru dispela

em i self-help tasol pipel i nidim tu liklik gavman sapot na luksave.

Mista Wongen i givim bikpela tok tenkyu igo long olgeta manmeri na pikinini husai i bin givim helpim long donesen na kamap bilong dispela Self-Help Malti Risos Senta.

Asembli of God (AOG) Winge sios i bin go pas long kamapim dispela kruset we i sanap antap long bikpela tok "Milenium Stratijik Developmen Iven na i lukim ges spika Evanjelis Tim Mall bilong Australia i bin kamap long autim tok.

I gat tri as tingting we Winge AOG sios i sut long kamapim insait long kruset. "Nambawan em sios nau i mas lukluk

long nupela visen bilong gro insait long nupela milenium, na namba tu em sios i laik bungim mani long kamapim wanpela Self-Help Muli Risos Senta. Siaman na man i go pas long dispela Risos Senta Projek, Wongen i tok

AOG Winge brens sios i traim long kamapim K100,000 long sanapim dispela Risos Senta.

Taim dispela Risos Senta i sanap, em bai helpim Komyuniti na District long sapotim ol kain project olsem HIV/AIDS na yusim krangi strongpela dring long kisim bagarap, hevi bilong ol mama na pikinini, literesi na yut. na planti ol narapela aweanes program.

## Stopim buai: Kulunga

**Bustin Anzu i raitim**

**PASIN** bilong kaikai buai taim i stap long yunifom i save kamapim planti tingting bilong pablik olsem ol i nogat luksave long lo, Deputi Komisina bilong polis (etministresen) Tom Kulunga i tok.

Olsem na em i askim olgeta polisman na meri husat i save kaikai buai long onaim yunifom ol i werim na noken kajkai taim ol i stap long yunifom.

Em i mekim dispela toktok bihain long bungim olgeta bikbos bilong polis long Momase rijen las wiken long Lae.


"Em i no gutpela pasin taim pablik i lukim ol polisman meri i kaikai buai

taim ol i stap long dispela yunifom bilong gavman.

I no gutpela long lukim ol i patrol o stap long duti kaunta wantaim buai. Dispela i no gutpela tumas na mipela mas stopim dispela.

"Sapos wanpela bilong ol i kaikai buai long taim bilong patrol o stap long duti kaunta, ol supavaisa mas sasim ol o mekim save long ol. Dispela bai mekim ol i mas senisim pasin," em i tok.

Em i tok tu olsem polis Komisina Sam Inguba i mekim planti ol gutpela samting insait long polis fos, aninit long dispela gavman, tasol wanpela samting ol i mas senisim em dispela pasin bilong kaikai buai taim i stap long yunifom.



## ENROL NAU

Ilektorel Komisin nau i wok long karimaut nupela Enrolmen Rejistresen bilong 2007 Nesenel Ileksen bilong olgeta provins. Ilektorel Rol bilong 2002 mipela i lusim pinis. Em i min olsem mipela bai no inap yusim neks yia.

Yu bai Vot insait long 2007 Nesenel Ileksen sapos nem bilong yu i STAP insait long Ilektorel Rol

Sapos yu gat 18 krismas o moa long 18 krismas na nem bilong yu I **NO STAP** long Ilektorel Roll, yu **MAS** go lukim Provinsel Ileksen Menesa o Distrik Opis klostu long yu long stretim wanpela Enrolmen Fom pepa **NAU**.

Tingim!!! Dispela ekksesais I **NO** bilong **APDETIM** o stretim 2002 Ilektorel rol. Em i wanpela nupela enrolmen program bilong wanpela **NUPELA ILEKTOREL ROL BILONG 2007**.

Sapos Ilektorel Rol i stret, em bai givim strongpela bilip na tingting long olgeta manmeri olsem ol Ileksen insait long PNG i Fri na i Stret.

TINGIMI!!! ENROLMEN EM OLGETA MANMERI I MAS MEKIM na VOT BILONG YU EM I BIKPELA SAMTING

Tok Orait i kam long Ilektorel Komisina **ANDREW S. TRAWEN, MBE**




**NOW AVAILABLE FOR IMMEDIATE DELIVERY**

- ✓ Bigger 3.0 litre Diesel
- ✓ Standard LWB 15 seater
- ✓ Hi-Roof LWB 16 seater
- ✓ Airconditioning - Optional
- ✓ Power Steering
- ✓ Stability & Comfort



Your First Choice

### PNG's Most Popular Bus


Port Moresby.. Ph 3229400	Goroka..... Ph 7321844	Wewak.... Ph 8562255
Lae ..... Ph 4781800	Mt. Hagen.. Ph 5421888	Vanimo... Ph 8571254
Kokopo..... Ph 9829100	Kimbe..... Ph 9835155	Tabubil... Ph 5489060
Madang..... Ph 8522188	Lihir..... Ph 9864099	Porgera.. Ph 5479367
Kavieng..... Ph 9842788	Buka..... Ph 9739915	Alotau.... Ph 6410100

www.elamotors.com.pg



Quality System  
Quality Endorsed Company

# JUST TO A BABY



*Do you know your HIV status?  
If you're pregnant and have HIV/AIDS,  
you can reduce the possibility that your child  
will contract the disease.*

*If you know that you are HIV-positive,  
ask your HIV/AIDS counsellor about  
medication for decreasing the risk  
of passing it on to your child.*

YOUR HEALTH COUNSELLOR IS HERE TO HELP YOU AND TO PROVIDE YOU  
WITH MORE INFORMATION ON HOW YOU CAN BEST PROTECT  
AND CARE FOR YOUR BABY.

HIV/AIDS

# THERE IS HOPE



Produced by  
National Catholic Family Life Apostolate  
P.O. Box 592  
Goroka, EHP  
Ph/Fax: 732 1356

National Catholic HIV/AIDS Secretariat  
P.O. Box 393  
Waglan, NCD  
Ph/Fax 323 9218  
email: nchs@online.net.pg



# Goilala man Erima maket pas long infomol sekta

## kisim hevi nating



KISIM PEN NATING: Mista Taia i kisim pen nating bilong wanem ol birua i paol long em.

Andrew Molen i raitim

WANPELA man bilong Goilala long Sentrel provins klostu i lusim laip bilong em bihain long ol paitman bilong hailens i ting em i birua na i katim em.

Mista Benjamin Taia, wanpela papa graun husat i kam daun long Pot Mosbi long mekim sampela wok bilong em i bungim dispela hevi las wik Fonde.

"Mi sanap long bas stop i stap na ol i kam ronim ol manmeri nating, taim ol i lukim mi ol i ronim mi go na taim ol i holim mi, ol i katim mi wantaim bus naip," Mista Taia i tok.

Em i lusim 4-pela pinga long lephan bilong em na i gat wanpela kat antap long sem han klostu long solda.

Dispela birua i kamap bihain long bikpela hevi kamap namel long ol Hagen na ol Tari we i lukim ol bas na teksi sevis i stop.

Mista Taia i tok em i no save ol man ya bilong we tasol em i ting ol i bilong Hagen.

"Mi ting ol bilong Hagen bilong wanem lukluk bilong mi olsem wanpela Tari na ol i mas paul long dispela," em i tok.

Em i tok bihain ol i askim em bilong we na taim em i tok em bilong Goilala, ol i tok sore.

"Mi singaut nau long Gavana bilong Sentral provins, Alphonse Moroi long lukluk long dispela hevi bilong wanem olgeta taim mipela ol Goilala tasol i save bungim-hevi," Mista Taia i tok.

## Hevi bilong Tari na Hagen long Pot Mosbi

Andrew Molen i raitim

WANPELA bikpela hevi kamap namel long tupela grup bilong hailens rjen tasol dispela i kamapim hevi long ol arapela pipol tru las wik.

Bikpela hevi namel long ol Tari pipel bilong Sauten Hailans na ol Hagen bilong Westen Hailans i mekim ol bas na teksi no ron na planti lain i kisim taim.

Ol bas i stop ron long las wik Fonde na long dispela taim i nap long Mande ol manmeri wokbaut long lek i go long wok, maket stua na ol arapela raun bilong ol.

Sampela man i kisim sans long dispela na i sasim ol manmeri K1 na K2 long kisim ol i go long ples ol i laik i go long en.

Dispela hevi kamap bihain long wanpela man Tari na 3-pela Hagen i dai. Planti ol skul i pas, na long las wiken, planti ol gem tu i no kamap.

Polis i bung wantaim ol dispela tupela grup bilong ol pipol na i wok long toktok tasol ol i painim yet ol lain i kilim ol dispela lain.

Stat long Mande dispela wik tasol ol bas na teksi stat long ron ken na planti samting i go bek nomol.

Long wankain taim siti menesa, Peter Loko i singaut long ol manmeri long Pot Mosbi siti na ol lain i stap insait long ol dispela hevi long stap isi na stre-tim samting long gutpela rot.

Andrew Molen i raitim

I NOGAT moa maket bai kamap long Erima we ol manmeri save salim buai na ol arapela liklik samting.

Siti Menesa Peter Loko i tok dispela hap em i nogat tok orait olsem i wanpela hap bilong mekim infomol sekta maket.

Em i tok as bilong dispela em bilong wanem maket long dispela hap i save pasim rot bilong ol man na kar i go i kam

long hap.

Mista Loko i singaut long ol lain i save stap na maket long hap long tingim sefti bilong olgeta manmeri husat i save raun olsem long hap na i mas stop long maket.

"Salim buai na ol arapela samting long ples bilong putim kar long Gordons maket tu em i tambu.

"Ol lain bilong salim buai long Erima na Gordons i mas go long Tokarara na salim buai long hap," Mista Loko i tok.

Em i tok em i laik ol lain bilong maket i luksave long astingting bilong dispela toktok em i mekim.

"Mi no stopim yupela long maket tasol yupela i mas i go maket long ples we mipela i makim bilong yupela," Mista Loko i tok.

"Sefti na helt bilong olgeta em i bikpela samting.

"Yumi mas wokbung wan-taim long dispela," em i tok.

Bihain long ol hevi kamap las wik, Mista Loko i gat

strongpela tingting na i askim ol polis long lukluk long dispela toktok em i putim.

Polis i amamas long lukluk long dispela na polis komanda bilong NCD/Sentrol, Tony Wagambie tok las wik long redio olsem ol bai was long nogat man i maket long dispela ol hap gen.

"Mi singaut tu long ol komyuniti lida, ol kausela, sios lida na ol arapela long helpim na lukim olsem dispela toktok i karim kaikai.



### INDIPENDEN STET BILONG PAPUA NIUGINI POLIS FOS EKT 1998

#### MAKIM LONG WOK 2006

Mi yet, Gari L. Baki DPS, OBE, O.St.J, Ekting Komisina bilong Polis wantaim ol pawa mi kisim aninit long seksen 16(1), Seksen 153 (1), Seksen 124 na 125 bilong Polis Ekt, 1998 long mekim wok insait long Imejensi (Sauten Hailans Provins) (Difens Fos) Ekt, 2006 i givim nem Spesol Konstabil na ol pawa na wok bilong ol memba bilong Royal Papua Niugini Konstabulari long ol dispela memba bilong Papua Niugini Difens Fos.

Nau ol i kisim dispela makim bilong mekim wok bilong Polis, ol bai karim luksave olsem ol memba bilong Royal Papua Niugini Konstabulari i halivim long ol polis operesen wok insait long Sauten Hailans Provins inap long taim dispela Stet Ov Imejensi i ron na i go inap em i pinis.

Tok orait i kamap long dispela namba 9 de bilong mun Ogas, 2006

Gari L. Baki, DPS, OBE, O.St.J  
Ekting Komisina bilong Polis  
Kontrola

NAMBA	SVE NAMBA	RENK	NEM	YUNIT	NAMBA	SVE NAMBA	RENK	NEM	YUNIT
1	86426	COL	V.OALA	HQPNGDF	40	811910	L/CPL	B.MUA	MBA
2	89031	LT.COL	W.MAUTU	PNGDA	41	811130	L/CPL	A.B.LEVI	MBA
3	88640	MAJ	G.DIMUGU	HQPNGDF	42	812480	L/CPL	M.BALAGAWI	HQPNGDF
4	810265	MAJ	J.MANUAI	HQPNGDF	43	88927	L/CPL	A.SAUL	2RPIR
5	89836	MAJ	V.GABINA	PNGDA	44	810267	L/CPL	P.BANUK	2RPIR
6	811442	CAPT	W.R.ANDREWS	ENGR BN	45	811810	L/CPL	O.IPAKO	2RPIR
7	812626	CAPT	E.KOROI	HQPNGDF	46	811918	L/CPL	J.KEMBA	2RPIR
8	812722	CAPT	N.PEKIMA	HQPNGDF	47	811945	L/CPL	G.MOYAU	2RPIR
9	812652	2LT	R.POKA	2RPIR	48	812012	L/CPL	A.KABINATA	2RPIR
10	88476	SGT	P.FIRAGI	ENGR BN	49	812058	L/CPL	P.TOSIBWEMA	2RPIR
11	89525	SGT	P.DENTON	ATW	50	812409	L/CPL	I.BUBIAG	1RPIR
12	89735	SGT	B.KO-OU	2RPIR	51	810536	PTE	H.HAIHE	MBA
13	89866	SGT	M.CHAPAU	ENGR BN	52	89000	PTE	A.TAMBE	MBA
14	89240	SGT	K.AII	MBA	53	811702	PTE	P.KARAHURE	HQPNGDF
15	89881	SGT	I.MANUTA	MBA	54	811705	PTE	G.MAINO	ENGR BN
16	89488	SGT	A.SITAPAI	1RPIR	55	811867	PTE	S.M.UMION	1RPIR
17	810309	SGT	P.HAREI	PNGDA	56	812078	PTE	R.JOEL	MBA
18	811187	SGT	D.BARNABAS	HQPNGDF	57	812119	PTE	A.JOHN	MBA
19	89491	CPL	R.TARA	ENGR BN	58	811999	PTE	M.MAI	2RPIR
20	89604	CPL	A.BAHEFA	ENGR BN	59	812359	PTE	T.BIPI	2RPIR
21	89845	CPL	F.POMINIS	ENGR BN	60	812418	PTE	R.TAILE	2RPIR
22	810745	CPL	C.BUDIARA	PNGDA	61	812079	PTE	I.NASON	2RPIR
23	810842	CPL	R.HARO	HQPNGDF	62	812317	PTE	T.TOSIWELU	2RPIR
24	811261	CPL	D.ANDAGAMA	1RPIR	63	811087	PTE	E.BOAS	2RPIR
25	811784	CPL	G.ANTE	HQPNGDF	64	812230	PTE	N.KAUNG	2RPIR
26	811661	CPL	J.AWAGI	MBA	65	812377	PTE	N.AMENE	2RPIR
27	811101	CPL	A.SARUFA	HQPNGDF	66	812068	PTE	J.TAUBAPUN	2RPIR
28	811174	CPL	A.TAUKA	HQPNGDF	67	812478	PTE	R.KAPA	2RPIR
29	811191	CPL	L.KILOL	HQPNGDF	68	812189	PTE	H.WANDIPE	2RPIR
30	819501	CPL	S.KIMBA	2RPIR	69	811255	PTE	S.WARIA	2RPIR
31	811115	CPL	P.MAI	2RPIR	70	812248	PTE	R.KAVIAGU	2RPIR
32	811060	CPL	K.MARTIN	2RPIR	71	812044	PTE	N.D.KAII	2RPIR
33	811136	CPL	R.STEVEN	2RPIR	72	812330	PTE	S.JAMES	2RPIR
34	811259	CPL	J.RASA	2RPIR	73	812140	PTE	D.OPO	2RPIR
35	88747	CPL	M.KENUARA	2RPIR	74	812396	PTE	A.AMOGLI	2RPIR
36	89972	L/CPL	J.PETER	ATW	75	810924	PTE	F.MOMEN	2RPIR
37	810071	L/CPL	R.TAU	HQPNGDF	76	812083	PTE	J.TOROVA	2RPIR
38	810818	L/CPL	I.NILTANDE	HQPNGDF	77	812069	PTE	L.BOLOM	2RPIR
39	811827	L/CPL	G.W.WAIMI	MBA	78	812019	PTE	M.TUTAI	2RPIR

# STORI TASOL



wantaim

## FR. PAUL LIWUN, SVD

### Mi bringim Jisas i go long John

NEM bilong em Marie, wanpela sumatin meri na em bilong wanpela kolis husat i save mekim wok bilong sioslong peris bilong en. Olgeta Sande, bihain long namba wan misa, em i save bringim Santu Komunio i go long lapun mañ John.

Taim Marie i bihainim misa long haus lotu; John i save bihainim long redio tasol, bikos ol i save putim dispela misa long redio. Olsem na olgeta Sande taim Marie i kamap long haus bilong en, Jon i stap antap long wilsia bilong en, redi gut pinis long welkamim Marie, husat i bringim Jisas long Santu Komunio long em.

Pastaim, Marie i ritim Gutnius long Jon na autim tok skul (homili) bilong Pater long John. Na bihain Marie i wokim prea - Papa bilong Mipela - wantaim John. Taim prea i pinis, Marie bai kisim, Hostia na hapim long fran ai bilong John na i tok: "Dispela em i Jisas Kraus, Lem bilong God. Em i tekewe sin bilong olgeta manmeri. Yumi amamas, God i singautim yumi long kaikai bilong em". Wantaim bikpela luksave John i bekim: "Lord, mi no inap bai Yu kam insait long haus bilong mi, yu tok tasol na sol bilong mi bai orait".

Marie i givim Santu Komyunio long John, na liklik taim tupela i wokim prea long sarap na Marie bai wokim prea olsem: "God, Papa bilong mipela, Bodi bilong Jisas, Jon i bin kisim nau, bai bringim helt long bodi na sol bilong em.

Bihain long liklik lotu, tupela bai wokim stori liklik na Marie i holim pasim John na tok gutbai wantaim promis long wokim prea bilong helpim ol arapela.

Dispela liklik stori bilong Marie na John em i skulim yumi long wanpela strongpela bilip long Jisas, husat i bin tok olsem: "Mi yet, bret i gat laip i lusim heven... na husat i kaikai bodi bilong mi na dringim blut bilong mi stap insait long mi na mi stap insait long en. (John: 6; 51-58)

Marie na John, i soim strongpela bilip long tok bilong Jisas. Marie i soim long bringim Jisas i go long Jon, na Jon i soim long kisim Jisas long santu komunio wantaim bikpela rispek. Tupela i wokim prea wantaim, bipo na bihain long kisim komyunio. Kisim Bodi na Blut bilong Jisas long santu Komunio, em i ekspersiens bilong bilip olsem na i mas kamap wantaim prea.

Jisas singautim yumi long luksave gut long LAIK PASIN bilong Kristen manmeri. Gutpela poroman i kamap namel long Marie na John - em i wanpela gutpela skul na i mas stap insait long laip bilong Kristen manmeri.

Planti bilong yumi save bungim Jisas long santu Komunio. Pawa bilong Komunio (Jisas) i save helpim yumi long soim LAIK PASIN bilong yumi i go long narapela manmeri i nidim helpim bilong yumi o nogat? Bikos, Santu Komunio yum i no mekim yumi stap klostu wantaim Jisas tasol, nogati! Em i mas mekim yumi i stap klostu wantaim narapela manmeri tu.

OL STORI LONG KONPRENS BILONG OL KATOLIK SIOS KOMUNIKESAN NA MIDIA WOKLAIN I BIN KAMAP LONG ADELAIDE, SAUT AUSTRALIA WANTAIM VERONICA HATUTASI.

# Ol Edita i gat bikpela wok

BIKPELA wok i stap long han bilong ol Nius Edita insait long ol niuspepa na ol arapela nius midia, Phil Gardner em Edita bilong Sunday Mail long Adelaide, Saut Australia i bin tokim Australalasia Katolik Pres Asosiesen (ACPA) anuel bung bilong ol.

Mista Gardner i bin wokim dispela toktok long 60 pipel i wok long midia na komyunikesen bilong Katolik Sios long Australia, Nu Silan na PNG husat i bin bung long tripela de long Adelaide long toktok long samting i karamapim wok bilong ol, long strongim wok pren na netwok na serim ol wok kamap, ol gutpela samting na ol wari na hevi wantaim.

Toktok bilong em aninit long dispela het tok, "Making ethical decisions in the media", i bin kamapim planti tingting long sait bilong

### ...Sios komyunikesen i gro strong

ranim ol stori na piksa we i ken kamapim hevi long sait bilong moral o stretpela pasin, stori we bai autim tok tru, stori na piksa bai kamapim hevi na luksave midia i gat luksave taim em i putim aut stori o piksa long niuspepa bilong em.

Planti ol lain i bin stap long konperens em ol Edita, Pablik Rilesens opisa na niuslain long ol Katolik niuspepa, megasin, jenel na ol Katolik edukesen na peris an daiosis niusleta na bulletin insait long ol Katolik daiosis long Australia na Nu Silan.

Sampela long ol niuspepa em long "Catholic Weekly" bilong Sidni, "Catholic Observer" bilong Bathurst daiosis long Nu Saut Wels, "Southern Cross" bilong Adelaide daiosis, ol ol megasin olsem "The Marist

Messenger" bilong Nu Silan, "The Echo" "The Kairos Catholic Journal" bilong Sidni daiosis, "The Swag", "The Horizon" The Salesian Bullëtin" na planti moa.

Taim Mista Gardner i luksave olsem Katolik komyunikesen i bikpela samting na em i gat ol kain han, em bin tok ol Edita i karim bikpela wok long han bilong ol.

"Desk bilong Edita em olgeta disisen na ol samting i sut long pepa i pundaun long em. Edita yet i glasim na skelim ol stori na piksa long sait bilong tok tru (truth and accuracy), mesej we stori o piksa i laik autim long en, noken wansait, ansa long pablik na em i karim nius long em," Mista Gardner i bin tok.

Mista Gardner i bin toktok tu rot we em olsem edita i save glasim na skelim ol

stori na piksa na putim long fran pes na ol arapela eria insait long niuspepa.


Bikpela diskasen i bin kamap long pait i kamap nau namel long Israel na Hezbola na ol kain piksa we ol niuspepa i putim long fran pes bikos piksa i gat pawa na olsem tasol stori, em i ken kamapim gutpela samting o em i ken kamapim hevi.

Mak bilong ol lain i stap insait long ACPA bung i wok long gro

olgeta yia na dispela i soim olsem komyunikesen insait long sios i wok long gro, konperens i bin luksave olsem.

Konperens i bin harim tu olsem sios long Australia i gat bikpela mak long ol wok manmeri aninit long em bihain tasol long gavman.

Sampela ol arapela eria we konperens i bin lukluk long ol em, Sios na komyuniti na Risk Menesmen insait long Sios.



## FR LOLLINGTON WIAM

### Graun em bikpela samting long laip bilong yumi

TUDE i gat bikpela hevi na kros pait i save kamap long graun. Sapos gavman na yumi papa graun i sindaun na glasim gut bai yumi lukim wanem wok graun i save mekim na wanem rot em i save helpim laip bilong ol pipel long dispela kantri.

Yumi go bek long buk stat 2: 2-18 na lukim wok God i mekim long graun na kamapim planti samting antap long en. Tasol bai mi stori long 4 o 5-pela bikpela samting.


1. Graun save helpim yumi long kain kain rot.
2. Diwai i save mekim graun i kamap gutpela na helpim man long haus paia na ol narapela moa.
3. Em wara i save mekim graun i wet na pleim bikpela pat long laip bilong man.
4. Em gol em hait samting em i putim ananit long graun o long wara.

Dispela em mani na em i save paulim planti manmeri na sindaun i bagarap na grun tu i save bagarap. Antap long ol dispela em man. Man God i kamapim em long graun na em i putim em bek long graun long lukautim gut. Em i no tok long yu bagarapim. Nogat. Em tok yu lukautim graun na olgeta samting i stap antap long en. Taim man i no bihainim tok bilong God, bikpela i tokim em gen long hatwok, swet na blut i kamap na taifim bun long graun na kaikai bai kamap. Em nau yumi i ken lukim olsem graun em i bikpela samting long laip bilong man. Emi save helpim yumi long kain kain rot.

Long Westen wol save em i sid na mani em i gaden kaikai bilong ol. Yumi PNG i gat liklik na i save bihainim ol western wol tasol. Stil ol i save kisim kaikai long graun na bikpela namba bilong ol manmeri long dispela kantri, laip bilong ol i stap long graun tasol.

Graun i stap, kaikai i stap na manmeri i stap. Long wanem ol manmeri i groim na kisim kaikai antap long graun stret na dispela i soim klia tru olsem graun em i gat veliu long laip.

Sapos gavman na kampani i laik developim wanpela bikpela samting, ol i mas sidaun na glasim gut pastaim wantaim papa graun na bihain kamapim ol wok long wanem laip bilong ol manmeri bilong dispela kantri i stap long graun tasol. Namba tu em diwai na namba 4 em gol. Dispela tupela samting i save paulim planti papa graun na ol i no save tingting long laip bihain. Yumi i noken tok yesa kwik taim long gavman na kampani laik kamapim ol wok. Yumi mas tingting gut pastaim long wanem laip bilong ol pipel dispela kantri i stap long graun tasol.



SIOS MIDIA BUNG: Ol Katolik midia na komyunikesen lain bilong Australia, Nu Silan na PNG long ACPA bung.

## Komyunikesen kamapim senis long komyuniti

### ...Nupela teknoloji i bikpela samting

BIKPELA wok we Katolik midia na komyunikesen i wokim em long karim ol toktok long ol komyuniti long helpim senis insait long sosel, spirituel na pasin na fisikel sait bilong pipel.

Long taim bilong serim ol tingting long Australalasia Katolik Pres Asosiesen (ACPA) konperens long Adelaide, Saut Australia, planti ol Katolik komyuniketa i bin tok Katolik komyunikesen i kamap moa olsem "komyunien" o bungim ol pipel i kam wantaim long sea na mekim wok.

Grup i bin lukim tu olsem "modern technology" o nupela rot long yusim ol masin olsem ol kompyuta long komyuniket, i bikpela samting

we sios tu i go insait long em nau long strongim ol wok bilong em na netwok long ol rot olsem niuspepa, redio na websait.

Ol bin tok ol bai helpim wanpela narapela long mekim wok bilong ol long ol dispela rot.

Long wankain taim tu, dispela ol Katolik komyuniketa i bin amamas na tok ol i redi long helpim Sosel Komyunikesen bilong Katolik Sios opis long PNG na Wantok long sait bilong trening na netwok long ol eria we ol i laikim long en.

Grup i bin lukim olsem Caritas Australia em Katolik Sosel Apostulet i wok long givim bikpela helpim long Katolik komyuniti long PNG.

## Ol Simbu Katolik mama i bung

Aaron Gunbi i raitim

MOA long 100 Katolik meri bilong 10-pela ples insait long Simbu Daiosis i bung long Kerowagi, long beten, bungim tingting na save na helpim wanpela na narapela long wok bilong ol insait long famili, long komyuniti na long sios.

Ol mama i bung long 5-pela de stat long Fonde Ogas 10 inap long de namba 15 na pinis wantaim Misa lotu we Pater Anton Bal em Vika Jenerel bilong Kundiawa Daiosis i go pas.

Dispela i bung wantaim wanpela bikpela pestode bilong Katolik Sios em Asensio o "God i Brigim Maria Mama bilong Jisas i

go long heven na em i bikpela de bilong ol Katolik mama long PNG na Solomon Allan.

Ol mama i bin lain long wokim kaikai olsem pinat bata na jem na tu ol i lainim long wokim sop.

Ol tu i bin kisim sampela skul na stia tingting long 'Famili Laip' em bilong sindaun gut bilong famsili na we mama i gat bikpela wok long mekim, na tu wanem gutpela pasin long man bilong ol na ol bai lukautim gut famili na komyuniti.

Ol tu i gat ritrit long beten na sanap long pulim win long singaut bilong God long ol long mekim wok bilong ol insait long famili na long komyuniti.



# PNG i mas etresim "Gender Equality"

Veronica Hatutasi i raitim

I GAT bikpela nid long PNG i givim luksave long "gender equality" o givim wankain luksave long ol meri na man wantaim long daunim sik AIDS.

Bessie Maruia em wangepa long ol 20 pipel husat i kam bek tasol long namba 16 Wol AIDS bung long Toronto, Kanada i tok.

Mis Maruia i wok olsem trening opisa wantaim Nesenel AIDS Kaunsel HIV-AIDS Sapot progrem long Pot Mosbi.

Taim Ms Maruia i bin lukim dispela bung olsem sans long sea na lukim na harim wanem samting ol arapela kantri i wokim long daunim sik AIDS long ol wan wan kantri bilong ol na wol, em bin tok i gat bikpela nit o wok i stap long PNG strongim wok bilong daunim sik AIDS na tu, long ol politisen i sapotim strong dispela wok.

"Epidemik o sik AIDS i go bikpela long PNG bai go nogot moa sapos i nogat wankain luksave long meri na man.

"Aweanes i bikpela samting na yumi i mas etresim "gender equality" bikos dispela tasol bai kisim PNG i go fowed," Ms Maruia i tok.

Planti long ol arapela lain long grup i kam bek long Kanada AIDS bung i bin amamas long sea, lukim na lainim planti samting insait long ol woksop wantaim samting olsem 25,000 pipel long olgeta hap bilong wol i bin stap long konperens. Minista bilong

## ...Lainim planti samting long AIDS bung



Foto: Nicky Bernard

**WANKAIN LUKSAVE:** Bessie Maruia wantaim wangepa long ol lain ol bin go long Kanada AIDS bung wantaim bihain long toktok wantaim ol niuslain long Jackson VIP rum.

Komyuniti Developmen Dame Carol Kidu PNG i stap pas long wok bilong daunim sik AIDS long Pasifik rijen, tasol em i noken slek long wok bikos sik AIDS i no wok long go daun long kantri (PNG).

Em bin tok em i hat long skelim ron bilong sik AIDS wantaim ol kantri long Afrika bikos nogat planti lain i save long PNG na mak long sik long hia.

Maski sik AIDS i bikpela long Afrika, Dame Carol i tok long sampela long ol nau, mak long sik i wok long go daun na dispela i no

kamap yet long PNG.

Olsem na em i tok, PNG i noken slek.

Em i tok long PNG, 2 pesen long 5 milien ova pipel i gat binatang bilong AIDS na dispela i mak long 40,000 samting.

Long wankain taim tu, wangepa long ol lain i makim Nesenel AIDS Kaunsel long bung i bin tok seveilens o ripot sistem bilong NAC i no wok gut tumas long ol i autim ol trupela namba bilong ol lain i gat sik AIDS long PNG na mak i go antap moa yet.

# Siti Kaunsel mas gat ol PMV

Veronica Hatutasi i raitim

**SINGAUT** nau i go long Nesenel Kapital Distrik Komisn Siti Kaunsel long baim ol pablik bas na bosim insait long Pot Mosbi siti na long ol arapela bik taun long kantri.

Planti papamama na ol skul insait long NCD i gat strongpela tingting long dispela bikos ol PMV bas long siti na ol taun i stap long han bilong ol praivet bisnis lain o wan wan man na i no gutpela.

Taim hevi i kamap we i sut long ol wanpinis i dai insait long siti na taun, ol bas i no save ron. Em nau ol sumatin i no save go long skul na dispela i kamapim hevi long skul bilong ol.

Long wankain taim, planti wok manmeri tu i no save go long wok na dispela i kamapim moa hevi long sindaun bilong ol.

Stat yet long las wik

## ...Sumatin, woklain na pablik karim bikpela hevi

Trinde i kam inap long dispela wik Tunde, ol PMV bas long Mosbi i no bin ron bikos long hevi namel long ol Tari pipel bilong Sauten Hailans na Hagen pipel bilong Westen Hailans provins we ol i bin killim dai wangepa bilong ol. Na ol bin go het na wokim bekim bek pasin.

Wangepa Sekonderi skul tisa insait long siti we i no laikim bai nem bilong em i kamap i wari long skul bilong ol sumatin na tok em i taim, nau long gavman na Siti Kaunsel long baim ol PMV bas na i no inap long kamapim hevi long ol skul sumatin na pablik i save yusim PMV long go kam long skul na wok taim ol wanpinis trabel i kamap long siti

na taun.

"I gutpela long gavman i baim ol PMV bas. Em i ken stat wantaim liklik, olsem baim tupela pastaim na insait long 10-pela krismas, bildim ap ol PMV bas bilong em," tisa i tok.

Planti papamama na ol wok manmeri i gat wankain tingting tu na i moabeta long gavman i lukluk long dispela kwiktaim.

Planti hai skul na sekonderi skul i wari bikos ol bikpela tes bilong ol Gret 10 na 12 bai kamap long neks wik na wik antap.

Taim ol PMV bas long siti i no wok, planti sumatin i no bin go skul. Sampela sumatin i bin go tasol ol tisa i wok long salim ol i go bek long belotaim bilong givim ol taim long wok-about i go bek long haus bilong ol.

Gordons Sekonderi skul i bin wok long givim ol Gret 10 na 12 sumatin skul wok long mekim long haus.

# Simbai vokesenel greduesen go gut

Veronica Hatutasi i raitim

**BIKPELA** luksave i go long 15-pela sumatin husat i bin greduet long Simbai Angliken Vokesenel Trening skul long Madang long gutpela wok kamap ol bin mekim long tu na haf yia skul bilong ol.

Ges Spika na Angliken bisop bilong Aipo rijen, Bisop Nathan Ingen i givim luksave taim em i amamas long ol sumatin ya long greduesen taim

bilong ol i no long taim i go pinis.

Em i tok wok bilong ol sumatin i gutpela tru na long wankain taim tu, em i bin tok tenkyu long ol papamama long gutpela sapot bilong ol long skul na ol pikinini bilong ol.


Long dispela vokesenel skul, ol sumatin i lainim wok kapenta na bilda, wokim ol fenitsa olsem sia, tebol, skul desk na moa. Ol sumatin meri tu i lainim long kuk, somap na moa.

Angliken Sios i bin

statim skul long kisim ol lain sumatin bilong Simbai eria husat i no kisim ofa long ol hai na teseri skul tasol nau ol pikinini bilong ol arapela ples olsem Ramu, Kobun, Aradep na Jimi. Bihain long greduesen, ol bin opim wangepa wara saplai projek long skul.

Ol bin salim ol askim i go long ol provinsel na nesenel lida long kamap long dispela greduesen na opim bilong wara saplai, tasol nogat wangepa i bin kamap.

# Resis long Raitim stori i op



**PROMOTIM RAITING:** Dokta Jacob Simet i strongim wok bilong kalsa na raitim ol stori.

Noreen Dada i raitim

I GAT sampela wari long we wok long raitim ol buk na wok we ol pipel i ken rit long amamasim laik bilong ol i no kisim gutpela luksave na yumi mas lukluk long stretim dispela.

Dispela em toktok bilong Eksekutiv Dairekta bilong Nesenel Kalsarel Komisn (NCC), Dokta Jacob Simet taim em i lonsim namba tu

Nesenel Litretsa Resis insait Pot Mosbi long las wik Fonde.

Dokta Simet i tok bikpela wok long mekim nau em long promotim pasin long raitim ol buk na ol sotpela stori we ol pipel i ken ritim long pinicim laik bilong ol.

"I bin gat wari we i kam long Yunivesiti ov Papua Niugini na tu long pablik olsem i nogat planti samting olsem ol buk o stori ol man i ken rit long ama-

masim laik bilong ol we ol PNG pipel yet i raitim.

Dispela resis i kirap long lukautim bikpela askim bilong ol raita long promotim skil bilong ol olsem raita na long promotim kalsa bilong ol long wan kain taim," Dokta Simet i tok.

Ron bilong namba wan Nesenel Litretsa resis i kirapim bikpela sapot las yia we i lukim moa long 376 pipel i

rait i kam long wan wan hap resis.

Ol eria bilong resis long ol em long raitim novel (buk), sotpela stori, tumbuna stori, poem, raitim pepa long wangepa bikpela toktok, raitim piksa pilai na raitim ol sing sing.

Resis bai ron long laspela foapela mun bilong dispela yia i go pinis long mun Februari long yia 2007.



**GREDUET:** Sumatin Philip Vi i kisim Setifiket na prais long han bilong Rijinel bisop bilong Angliken Sios, Bisop Nathan.

**Cambridge International College**  
ACCREDITED TRAINING FOR YOUR CAREER SUCCESS

Diplomas, Advanced, Honours, Graduate

- Accounts, Finance, Business, Management
- Personnel, Marketing, Computers, Insurance
- English, Purchasing Secretary, Leadership
- Tourism, Hotels, Stores, Advertising, Office

Baccalaureate, BBA, BCom, BMA, MBA

- Business Administration, Marketing, Strategy
- Human Resource, Finance, Commerce
- Organizational Management, Executive

Fees include all Training Materials, Guidance, Tests, Revision, Examination, Marking, Award.  
Diploma Fees: £150 or US\$300 or AUS\$350

For a FREE Prospectus, write, fax, or email:  
**CAMBRIDGE INTERNATIONAL COLLEGE**  
Box 1378, So'ton, SO17 3WX, Britain  
Email: info@cambridgegetraining.com  
Web: www.cambridgecollege.co.uk

ODCC ACCREDITED AWARD  
ASET ACCREDITED AWARD  
Papua New Guinea National Training Council Approved Training Provider

# Ol Papua mas strong long PMV

**Dia Edita,**  
Mi yet mi wanpela mangi Manus na mi stap long Godens longpela taim nau. Long Mosbi yet mi stap wanpela ten siks (16) kris-mas olgeta.

Mi gat liklik wari bilong mi na mi laik autim bai pablik long Mosbi i luksave.

Yumi mas bung wantaim na askim NCDC long baim ol PMV bas bilong ol na mekim mani bilong ol yet na katim sampela takis i kam daun.

Mi lukim ol Kange i straik na ol bas i no ron na Mosbi siti i kisim taim tru. Ol pikinini i pasim skul na wan wan opis man i no go wok. Sampela stua i no mekim mani tu bikos wanpela lain tasol i mekim na olgeta pablik i kisim taim.

Olsem na mi tok ol NCDC i mas kisim sampela pablik trenspot. Ol arapela lain olsem ol Papua tu i mas salensim ol Hagen. Ol Papua i mas strong na mekim PMV long taunt tu. I no long haiwe bilong ol tasol. Ol mas traim na ronim long taun bikos em i asples bilong ol.

Mi lukim famili bilong mi i wokabaut, mi lukim planti ol arapela manmeri i wokabaut na mi belwari long ol.

Em tasol liklik toktok bilong mi. Yu husat manmeri i stap long Mosbi siti i laik bekim, orait. Rait i kam long Wantok. Bai mi lukluk i stap.

**NICKY BERNARD  
GODENS  
NCD**

# Ol manmeri long imigresen i save wok tu o nogat?

**Dia Edita**  
WANPELA man long turisim opis i bin laik ring i go long imigresen opis long stretim sampela hevi bilong em long sampela taim i go pinis long hia tasol long Mosbi.

Na em i bin ring i go tasol telepon bilong ol i ring na ring i go inap em i enges. Nogat man i kisim telepon bihain long faipela taim em i ring.

Yupela manmeri long imigresen opis i save go wok tu o nogat. Ol

meri long fran desk i silip o wanem.

Taim bilong wok em taim bilong wok. Noken raun nating nating na stori nabaut.

Turangu man i bin kam tokim mi long dispela na mi bin traim tu long dispela na wankain samting i kamap. Wanem kain sevis yu wok long givim long ol pipel bilong mipela.

**PNG SITISEN  
MOSBI  
PNG**

# Pait bilong Tari na Hagen kamapim bikpela hevi

**Dia Edita**  
MI LAIK tok long dispela tok belhat bilong mi long olgeta man Tari na Hagen.

Kain straik bilong yupela i karim kam bikpela hevi insait long siti na mi no wanbel liklik long dispela.

Planti bilong yupela i save draivim 25 sita bas na taim dispela hevi long namel bilong ol Tari na Hagen i kamap planti ol bas i straik. Planti manmeri long siti i kisim taim na planti bilong ol painim rot long go long wok o go raun mekim wok bilong ol.

Yumi no stap long ples na yumi bosim ol hap we yumi wok long stap long en. I gat kain kain man husat i stap long siti na ol i holim kain kain wok. Na planti bilong ol i save kisim bas long go wok. Las wik olgeta kisim taim na olgeta manmeri long siti i wokabaut long wanem ol bas i straik long hevi bilong ol yet.

Na long dispela ol narapela man bilong narapela hap tu olsem long Sentral i no mekim ol bas raun bilong ol bikos ol Tari o Hagen i stopim ol long noken ron. Em i no hevi bilong yupela na ol no bilong Hailans.


Ol turangu bisnis bilong wanpela de i bagarap long dispela hevi tasol.

Yupela i no bos na yupela noken ting olsem yu ken mekim ol samting long laik bilong yupela. Ol tu man.

Plis mipela i laikim bai yupela i stat wok na maski long kain straik nabaut. Ating sapos ol bikman i sindaun na stretim hevi bai nogat birua i kamap long namel bilong yupela.

Plis rait tasol i kam long Wantok sapos yu ting yu sapotim mi.

**MANUGI HAI  
POT MOSBI SITI  
NCD**



# NCD i mekim gutpela wok long Pot Mosbi siti

**Dia Edita**  
MI LAIK tok tenkyu long Siti Menesa long wanem samting em i wok long kamap long nau long siti. Long taim ol kisim ol yut na ol manmeri long ol setelmen long siti, ples i luk klin moa.

Mosbi luk olsem Australia na em i luk

nais stret. Em i no olsem bipo we planti pipia na bua spet i save stap nabaut long olgeta hap.

Ronim strong dispela wok bikos yu mekim ples i luk olsem siti nau. Tenkyu long ol yut long bung wantaim long lukautim gut Mosbi. Mipela i luksave long wok yu wok long mekim

long en.  
**WAS MERI  
POT MOSBI  
NCD**

# Mosbi i no bilong ol Hagen na Tari

**Dia Edita,**  
MI no bilong Mosbi, tasol mi gat luksave olsem dispela ples em i ples we i gat ol manmeri i kam long kain ples insait long PNG.

Mi no wanbel tru long ol lain Hagen na Tari husat i rausim ol bas na teksi bilong ol long rot. Em i givim bikpela hevi tru long mipela ol pipel i nogat kar bilong mipela yet.

Las wik i kam inap nau, mi lukim planti wokmanmeri i painim kain kain rot long go long wok ples bilong ol. Dispela i no stret.

Bilong wanem na olgeta pipel bilong Mosbi bai karim hevi taim tupela lain tasol i belhat na kilim ol yet i go kam i stap?

Mosbi i no bilong ol Hagen o Tari tasol. Mi yet mi save olsem mi no save bikhet na go painim birua nabaut. Bilong wanem na bai mi belwari long ol Hagen o Tari i dai?

Tru tumas, sapos mi gat wanpela PMV bas, mi no inap bisi long wanpela Hagen o Tari husat i laik stopim mi long ronim bas bilong mi.

Mi no holim bainat na sutim kilim i dai ol wanlain bilong ol. Bilong wanem na bai mi kra? Nogat tru.

Ol dispela lain olgeta taim yet bai ol i karim hevi i kam long mipela ol arapela lain. Na ol i bungim birua long wanem as tru? Ol i bungim birua long kain longlong pasin bilong ol yet.

Ating i mobeta yumi rausim wok bilong bosim PMV long wan wan manmeri na givim i go long NCDC tasol. Sapos NCD i lukautim, bai pipel i no inap wokabaut sapos birua i kamap long ol longlong lain olsem.

**TONNY ALPERT  
KIMBE  
WES NU BRITEN PROVINS**

# Noken kalap long bas o teksi bilong ol Hagen na Tari

**Dia Edita,**  
DISPELA hevi bilong bas na teksi i kamap na mi no go kwik long wok. Mi pret nogut bos i katim pe bilong mi, pikinini bilong mi i no go skul na sindaun bilong em i no orait tumas.

Na nau mi inap pinis. Mi laik singaut long olgeta pablik manmeri insait long Mosbi siti long noken kalap long wanpela bas o teksi bilong ol Hagen o Tari. Nau yet mipela i mas soim ol dispela lain olsem mipela i no nidim ol ros bas na teksi bilong ol.

Mi stat wokabaut las wik na mi pilim olsem bodi bilong mi i no hevi moa. Ating sapos mi wokabaut bai mi stap helti. Taim mi save kalap long bas, man. Nus i save pas long smuk, lek bilong mi save ret long spet buai, klos i save bagarap long ol ros ain bilong sit na sampela ol boskru

na draiva i no save sop em wanem samting.

Sapos olgeta manmeri insait long Mosbi siti i pasim tok na strongim tingting na abrusim ol bas bilong Hagen na Tari, ating em bai skulim ol gut olsem ol i no bosim Mosbi.

NCDC tu i mas lukluk long dispela hevi na traim kamapim ol sevis olsem ol tren o ol trem o ol dispela kain kar i save ron long wala. Rausim PMV sevis long han bilong ol hap sens lain husat i save painim indai long pasin bilong ol yet.

Mi no kilim wanpela Tari o Hagen. Wai na bai mi karim hevi bilong ol.

**STRONG HET  
GEREHU  
NCD**

# KCPNA winmani we?

**Dia Edita**  
WATPO tru na mipela i no save kisim bikpela mani long dispela kampani KCPNA. Olgeta potrait mipela i save kisim K121 tasol. Dispela kampani em wanpela milien kina kampani na em i no save peim mipela gut. Mipela ol brikleyas wantaim ol kapentas i save kisim wankain pei. Na tu i nogat pinis pei na liv pei bihain long hamas krismas mipela i wok wantaim kampani. Em wanem kain nau ya. Planti ol arapela kampani save luksave long ol dispela na ol nogat.

Mipela i save mekim traipela wok na kamapim bikpela bilding tasol kampani i no save mekim gut long mipela na em o no save luksave long dispela

Tenkyu Wantok long autim dispela. Mi rait tasol long ol pablik i ken ritim.

# Yumi bai go we bihain taim?

**Dia Edita**  
MI LAIK toktok long sampela wari bilong mi wantaim ol manmeri bilong PNG.

Mi wanpela papa-graun man long hia tasol long Sentral tasol mi no inap tokaut long ples we mi stap bikos planti man i laik baim graun bilong mi long ol i bai statim bisnis bilong ol.

Yumi gat planti sam-

ing we ol waitman i kam na gris long en. Ol kain samting olsem ol i kam gris long ol papa-graun na statim ol bisnis bilong ol. Na turangu yumi ol as ples lain i givim ol graun long ol na nau yumi lus nating long wanem, populesen bilong yumi i go antap na planti bilong yumi wok long painim ples long sindaun. Olsem na planti setel-

men i wok long kamap we ol manmeri long narapela hap wok long kam na stap long en.

Bai yumi mekim wanem long dispela. Planti kros long graun wok long kamap bikos ol manmeri i no harim toktok gut bipo na ol i ai op tasol long hamas mani ol i givim long ol.

Yumi mas lukautim gut ol samting bilong kantri long kamapim ol

samting we yumi bai benefit long bihain taim.

Maski long ai op tasol long mani ol givim long yu. Lukautim gut ol samting bilong yumi bikos em bilong ol pikinini na ol bubu bilong yumi PNG.

**PAPA GRAUN  
MOSBI  
NCD**



Yu laik autim tingting bilong yu - Salim wanpela pas, i kam long Edita long

Ol Pas i go long Edita  
P. O. Box 1982 BOROKO NCD

Sapos yu save long email, yu ken salim pas bilong yu i kam long: [editorial@wantok.com.pg](mailto:editorial@wantok.com.pg)

Yu mas raitim tru tru nem, telepon namba na pos opis bokis bilong yu. Sapos nogat, mipela i no inap putim pas bilong yu insait long pepa.

Wantok i gat rait long katim o stretim ol pas bai em i bihainim olgeta lo bilong niuspepa.



**WANTOK**  
**KOMENTRI**

**Bas na teksi hevi mas opim ai bilong gavman**

BIKSITI bilong yumi i bin bungim hevi long wik i go pinis taim ol Hagen i rausim ol-bas na teksi bilong ol.

Ol skul sumatin, wokmanmeri na bisnis i no bin sindaun gut.

Planti wokmanmeri i no inap go long wok, planti skul i pas na ol manmeri i go bek long wokabaut i go kam.

I tru dispela hevi i bin kamap em i bin bagarapim tru bel bilong ol Hagen na Tari, tasol em i rabis pasin tru long ol i givim hevi long olgeta arapela manmeri bilong ol arapela ples i stap insait long Mosbi siti.

Pasin bilong haus kraim em i samting yumi karim long ol tumbuna i kam inap nau. Tasol tude, ol kain hevi olsem i save kalapim pasin tumbuna na pulim ol arapela samting olsem bas na teksi sevis tu.

Dispela kain pasin nau i noken abrus long ai bilong ol bikmanmeri long gavman na long Nesenel Kapitel Distrik Komisn (NCDC).

Hammas krismas i lus pinis we i gat ol saveman i wok long tokim gavman olsem ol dispela 25 sita bas bai no inap gutpela long pablik trenspot sistem bilong kain ples olsem Mosbi.

Nau dispela ol PMV sevis i stap long han bilong wan wan ol lain tasol. Olsem na taim hevi i kamap, olgeta manmeri bai kisim taim.

Taim bilong lap na bihainim tasol i pinis. Nau yumi mas lukim senis i kamap long dispela bikpela hap bilong stap sindaun insait long siti. Sapos trenspot sistem i nogat, bai sindaun bilong pipel tu bai bagarap.

Dispela hevi i no bilong Mosbi tasol. Sapos kantri bilong yumi i ron gut, bai wan wan long ol liklik taun bai gro yet. Olgeta ol dispela ples bai mas i gat gutpel trenspot sistem i stap. Sapos nogat, bai yumi olgeta i painim rot nau.

Planti long Mosbi i wok strongim lek i stap. Sapos yumi olgeta long siti i nogat wok, ating bai orait. Tasol wok i mekim na planti pipel bilong Mosbi i stap hia.

Gavman, NCDC na ol bikpela bisnis nau i mas bungim het na stretim dispela hevi olgeta.

Sapos ol Hagen i ting ol i holim Mosbi long han bilong ol, rausim PMV sevis na NCDC tasol bai holim. Sapos i gat planti ros bas na teksi, rausim long han bilong pablik na NCDC tasol bai lukautim.

Olgeta ol dispela senis i mas kamap tude yet. Tumora bai leit pinis.

**NCDC mas lukluk long trenspot sevis**

HAGEN straik bas i stop, Pot Mosbi kisim taim. Nogat wok nogat skul. Em wanpela ples klia singsing wanpela biknem musik man K Dumen i bin singim pinis na yumi olgeta i save.



Tasol bipo em ol bas bilong Hagen i save straik bikos long hevi bilong bas fea. Ol bas i laikim bas fea i mas go antap. Olsem na tude yumi peim bas long 70 toea we bipo i bin stap long 50 toea. Em ol bas i straik na dispela senis i kamap.

Tasol i nogat samting i rong long dispela kain straik bilong ol bas bikos taim prais bilong disel i go antap o prais bilong taia na ol spea pat bilong kar i go antap, orait ol bas tu i mas apim pmv fea long kisim mani bilong peim ol dispela samting we prais i go antap long en.

Tude em prais bilong planti samting i wok long go antap. Olsem na i nogat rong long ol bas i apim prais bilong pmv

em samting bilong arapela provins na i no bilong ol Papua.

Ating i moa gutpela tu long Nesenel Kapitel Distrik Komisn (NCDC) i lukluk na baim bas bilong ol skul pikinini long siti. Dispela bai i ken kisim ol skul pikinini tasol long olgeta de na ol bai peim stret taim bas i kisim ol i go long skul bilong ol.

Dispela mani i ken go long peim draiva na boskru na lukautim mentenens bilong bas. Sapos i gat bikpela win mani orait putim i go long skul program o projek bilong NCDC.

Yumi mas painim sampela rot nau long noken mekim ol pipel na ol skul pikinini i kisim taim olsem gen long bihain taim. Em wok bilong NCDC long mekim dispela samting long stopim kain hevi long bihain taim. Sapos hevi olsem i kamap, em samting bilong ol na bas o trenspot sevis i mas

ron yet.

Em i no nupela samting bikos kain trenspot hevi olsem i save kamap long planti hap bilong PNG na tu long planti hap bilong wol o arapela kantri. Olsem na yumi i no nuupela long dispela. Olsem na sampela gutpela plening i mas kamap nau long sait bilong stretim gut rot trenspot sistem insait long Pot Mosbi na kantri bilong yumi olgeta.

Wanpela gutpela piksa em Morobe Provinsel Gavman i mekim long Lae siti we em i baim wanpela bikpela trak na i save karim ol manmeri long Lae taun i go olsem long Seksen Seven na Bumayong sait na tu long hap bilong Situm. Dispela em wanpela gutpela sevis tru long sevim ol pipel bilong dispela sait we ol bas sevis i no save go long en tumas. Olsem na em i no hatwok. NCDC inap mekim wankain olsem tu long ol pipel bilong Pot Mosbi.

**Grismani na korapsen bilong yu yet i bagarapim yu**

LONG taim bilong ileksen, ol bikman bilong yumi yet i save grisim ol manmeri long ples long ol i mas votim ol.

Ol dispela manmeri we ol i laik sanap long ileksen ol i save givim mani na ol samting long ol ples lain o ol bai karim ol manmeri raun long kar na giaman promisim ol long mekim gutpela rot, skul, o haus sik o givim ol kar, bot na ol kain kain samting sapos ol i votim ol.

Tasol ol waitman na ol arapela ausait lain wantaim ol kampani bilong ol i save grisim ol man pastaim long ol meri. Ol i save grisim ol man tasol long mani, wok, bia, pamuk na kain kain samting. Taim ol i save grisim ol man tasol em i save mekim ol man pilim ol i antap moa long ol meri na ol i bos bilong ol meri. Tasol taim ol i larim ol ausait lain i grisim ol, ol i no save kamap bos. Nogat tru. Ol i save kamap kago boi o wok boi bilong ol ausait lain na ol kampani



bilong ol save grisim ol yangpela manmeri bilong yumi long bia, simuk, kago, kaikai na dring, pokis, danis na ol kain kain samting.

Olsem na nau planti ol yangpela i no sindaun gut long graun bilong ol na bihainim ol gutpela kastom na pasin bilong tumbuna. Ol i laik go long taun na bihainim ol giaman gris bilong ol ausait lain na ol kampani bilong ol tasol. Sapos ol yangpela manmeri i no luksave long samting we bikman o tumbuna i bin givim long yumi olsem graun na wok na kaikai bilong ples em bai isi tru long kampani long kam na stilim olgeta graun na bai yumi kamap olsem ol wok boi bilong ol tasol.

Ol ausait lain i save tok gris olsem taim yumi kisim ol pasin bilong ol, olsem skul, lotu na wok mani bilong ol bai sindaun bilong yumi senis i go gutpela. Olsem bai yumi gat planti mani, laip bai isi, bai yumi silip long bikpela haus kapa na bai yumi gat kar na ol arapela samting tu. Tasol taim yumi kisim kago sistem bilong ol waitman na yumi lusim ol tumbuna pasin bilong yumi, yumi no save yumi wok long go long go long we stret. Kago sistem bilong ol waitman i gat traipela nogut sait bilong em we ol i no save tokaut long en. Na we ol i no save solim tumas ol piksa na buk bilong ol. Nogut sait bilong kago sistem em bilong ol liklik lain tasol ol i save gat olgeta samting na ol i save stap gut na planti biklain i nogat samting na ol i save hangre. Planti long ol dispela tarangu lain ol i save silip long rot na kaikai long dram pipla long ol arapela kantri.

Long gris pasin bikpela

samting yumi mas luksave long en, em sapos wanpela man i wok long yusim gris pasin long traun long kisim wanpela samting long yumi, em i minim olsem dispela samting em i laikim i no bilong halivim yumi, em bilong halivim em tasol tok piksa em i olsem, sapos wanpela kampani kam na laik baim graun bilong yu long kamapim wanpela gol main bilong em, em bai grisim yu long planti tausen kina. Ol gol main i save kamapim planti milien kina long olgeta yia na traipela hap bilong dispela mani ol kampani i save salim go bek long kantri bilong ol. Taim kampani i pinis, planti mani tru i stap long beng bilong ol tasol yumi pinisim pinis liklik hap mani we ol i bin grisim yumi long en na bus graun na solwara bilong yumi bagarap pinis.

Sori tru PNG, pasin braiberi na korapsen i bagarapim kantri bilong yumi.

**WANTOK**

Published Weekly, Thursday, for Word Publishing Company, Ltd.  
P.O. Box 1982, Boroko, NCD  
Papua New Guinea  
Telephone: (675) 325 2500  
Fax: (675) 325 2579  
Email: editorial@wantok.com.pg  
Pe bilong wanpela yia  
52 niuspepa

<b>Ples:</b>	<b>Air:</b>
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

A/General Manager  
Elizabeth Konga

Editor  
Neville Choi

Published at  
Section 58, Allotment 3  
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

# DWU i amamasim 10pela krismas

## Toktok bilong Presiden

**DIVINE Word University (DWU) i gro go bikpela tru long sait bilong namba bilong ol sumatin, strong bilong ol skul progrem, save na strong long givim sevis long komyuniti insait long tenpela krismas i go pinis.**

Tude Mi laik autim bikpela tok tenkyu long sapot bilong yupela na wokbung long mekim Divain Wod Yunivesiti i kamap wanpela gutpela komyuniti long stap long en, long wok, skul na mekim wok risets tu.

Wanpela kar i save ron long wil, tasol yunivesiti i save ron long strong bilong ol pipel. Gutpela o nogut bilong en i bihainim strong bilong ol wokmanmeri bilong en, ol sumatin bilong en, ol dona ejensi na ol patna bilong en long sait bilong developmen.

Namba wan bikpela wok risets i no



inap i gat strong sapos i nogat ol gutpela leksera o tisa long tanim dispela wok risets i go kamap samting yu ken skulim i go long ol sumatin.

Sumatin i gat namba long save bai no inap long develop na gro inap wanpela arapela i redi long askim em long lainim nupela samting.

Yunivesiti we i mekim strongpela

wok risets na givim namba wan trening bilong ol wokmanmeri bilong em i wok long go het wantaim strong i go long bihainim taim. Yunivesiti we ol wokmanmeri na ol sumatin i gat luksave long God na strong bilong ol arapela bai go pas long ol arapela yet.

Gutpela wok bung wantaim ol dona na patna, wanpela gutpela pasin poroman wantaim ol papama na sumatin na makim ol wok bihainim strong bilong en em ol bikpela samting tu.

Tude, long makim maus bilong DWU Kaunsil, mi laik tok tenkyu long olgeta wan wan man na meri husat i mekim Divain Wod Yunivesiti i sanap wantaim ol dispela strong.

Moa yet, DWU i sanap gut tru long i gat ol strongpela wokmanmeri. Mi yusim dispela hap toktok 'loyal' o pasin bilong strongim tingting bihainim laik na luksave bilong arapela bihainim strong bilong en. Wol tude i

no save givim luksave long pasin bilong loyalty na wok strong.

Gutpela pasin na stendat o mak bilong strong i no moa gat inap luksave. Tasol dispela tupela samting i gat strong tude wankain olsem ol i bin i gat planti tausien krismas i go pinis.

Luksave olsem toktok bilong man i gat strong na ona em i wanpela bikpela samting yet; em i makim olsem em i redi long mekim wok em i kisim pe long mekim.

Mipela i kisim bikpela blesing tru wantaim ol wokmanmeri we strong bilong ol na luksave ol i save givim long ol arapela na long God i gutpela long yusim strong bilong ol long helpim ol arapela.

Long hamas krismas i go pinis, DWU i bungim planti salens. Ol hevi bilong mipela i bin bung i stap insait long tenpela krismas i go pinis.

Mipela i nogat banis long ol hevi, tasol tru tumas, mipela i wok lukau-

tim gut stori bilong mipela. Mipela bai no inap long mekim kamap olgeta wok bilong mipela sapos ol dona wantaim ol arapela lain olsem ol patna long developmen, ol papama, ol wokmanmeri na ol sumatin, mi mas tingim tu ol lain husat bai wok bung wantaim mipela long bihainim taim.

DWU i nidim ol dona na patna long developmen long mekim gutpela wokabaut i go long bihainim taim. Long makim DWU Kaunsil, Ol wokmanmeri na ol sumatin, mi laik salim bikpela tok tenkyu na luksave long yupela long sapot na halvim yupela i givim. Mi lukluk i go het long wankain wokbung bilong yupela long bihainim taim.

**Fr. Jan Czuba  
President  
Divine Word University**

## Toktok bilong Sir Julius Chan "Lidasip na gutpela gavenens."

10-pela yia i go pinis long 10 Ogas 1996, mi bin kamap long hia long makim 100 yia bilong ol misineri bilong Divine Word long PNG. Mi ken tingim sampela man long dispela taim olsem Asbisop Noser na Pater McVannay i statim wok bilong ol wantaim bikpela tingting long kamapim bikpela skul.

I nap long 1968 Divine Word hai skul i kamap na i go kamap olsem wanpela bilong ol top 10 pesen bilong ol hai skul insait long PNG. Long 1979 em i kamap olsem Divine Word Institut-Em i kisim moa long 34-pela yia bipo mi kam na tokaut long en olsem yunivesiti -we Pater Jan Czuba husat i gat rekot long sait bilong akaunting, jenolisem, humen risos menesmen, turisem, stadi bilong ol meri na sosol welfea stadi i go pas long en.

Revren Presiden, long dispela taim i nap nau yu i nap stop long mekim gutpela wokdispela namba 10 anivesari i soim tru hatwok bilong kain ol wokman na meri olsem yu, insait long dispela 10-pela yia yu skulim olgeta manmeri husat i kam insait long dua bilong skul long gutpela save na pasin.

Dispela 10-pela yia i nogat wanpela nem nogut i kamap long skul o ol sumatin bilong yu. Ol sumatin i lainim long soim respek long skul bilong ol na ol lain i skulim ol. Mi save yu save kisim ol pasin tumbuna na putim i go insait long skul bilong ol sumatin na dispela em i wanpela bikpela strong bilong dispela yunivesiti.

Insait long 10-pela yia, yu ron na winim lewa bilong ol arapela-yu bihainim het tok bilong yu.

Long wankain taim Nesanel Eksekutiv kaunsil i tokaut tu long arapela 4-pela yunivesiti aninit long edukesen rifom bilong gavman na nesanel 5-yia edukesen plen. Dispela i lukim tu ol elementri skul, top-ap na ol hai skul i kamap sekenderi skul wantaim gred 11 na 12. Dispela olgeta i apim levul bilong edukesen na i mekim i gat bikpela askim bilong ol yunivesiti. Las 10-pela yia i mas kamap olsem wanpela taim bilong lukluk strong long edukesen. I mas i gat wanpela gutpela lukluk long haia edukesen na wanem hap yumi laik go. Mi harim olsem sampela moa institusen i toktok long ol i laik kamap yunivesiti. Ol poro mi laik tok olsem sampela taim planti em i no gutpela tumas. Nau i mas i gat gutpela lukluk long dispela na wok i mas kamap long givim gutpela kwaliti edukesen na noken wari long kamapim planti yunivesiti tumas.

I laikim bai yunivesiti bilong yu i mekim yet gutpela wok long skulim ol sumatin long gut-

pela pasin na kisim gutpela save na mekim ol i gat bilip long ol yet bipo ol i go insait long wol bilong yumi we i gat planti salens.

Yumi mas lukluk go bek long bihainim na i go pas long lukim ol hevi stap insait long wanwan sosaiti bilong yumi na sapos yu kamap wanpela lida bilong yumi bai yu luksave gut long wok bilong lukautim ol samting, gutpela pasin na akauntabiliti. Sampela ol het tok long midia olsem oposisen lida i tok gavman i nogat kontrol moa, las wik praim minista i makim wanpela jas bilong Australia, Warwick Andrew long mekim wok painim aut long dipatmen bilong Tresari na Fainens; I gat planti moa toktok bilong korapsen i stap na dispela i mekim mi laik toktok liklik long lidasip na gutpela gavenens wantaim yupela. Painim hat long harim dispela ol samting. Dispela i soim olsem yumi save lukim ol namba tu na namba tri samting olsem i gutpela na i save kamap olgeta de. Dispela yunivesiti mas givim taim long lukluk na skulim ol sumatin long ol hevi bilong gavman na pablik sevis na traim painim sampela rot we bai nap long helpim na daunim ol dispela hevi.

Planti mani bilong pablik i save go long baim ol pablik sevens na ol dispela moni save kam long takis bilong ol arapela manmeri long gutpela pasin bilong ol arapela kantri na long ol dinau we yumi mas baim i go bek bihainim.

Long stat yet i kam nau, pablik sevis i save kaikaim bikpela moni bilong komyuniti na sapos em i laik bekim dispela em i mas soim o givim bek gutpela sevis i go long komyuniti.

Ol pablik sevens i stap long wanpela posisen we ol save kisim gutpela pe na planti arapela samting tu. Ol i mas bekim ol dispela gutpela samting wantaim gutpela wok bilong givim sevis long ol pipol-pasin bilong sidaan tasol long opis na raitim pas em i no gutpela. Ol i mas i gat tingting na kirapim ol wok.

Long Papua Niugini, gavman em i wanpela bikpela bisnis. Olgeta developmen wok i save ron bihainim strong bilong pablik sevis husat i sapos long wok bihainim plen na tingting bilong gavman. Wok bilong ol pablik sevis bilong ol gavman em long kamapim na givim sevis long kain kain manmeri.

Planti toktok i save kamap long ol politisen, ol pablik na ol pablik sevens olsem sistem bilong sevis yumi kisim long taim bilong independens em i no i nap long yumi. Yumi no olsem ol arapela developmen kantri bilong wanem yumi amamas long kisim wanpela sistem we i bagarapim yumi na yumi tingting tumas long sampela ol bikpela samting we

yumi yet i no i nap long kisim. Yumi bin kisim wanpela etministresen ogenaisesen we i kamap bikpela tumas na i kos moa long kantri long holim na ronim.

Planti bilong mipela i ting olsem i nogat moa samting long mekim long dispela tasol mipela i no luksave olsem bikpela wok tru i kirap nau tasol. Dispela i soim olsem independens de i makim gutpela taim na planti gutpela samting bai kamap long laip. Mipela i pilim olsem mipela i no i nap na mipela i painim ol arapela long putim hevi long ol. Em i olsem wanpela sik we ol pelapa koloni save putim hevi bilong ol long ol lain i lukautim ol bipo.

Bai yumi no i nap kisim wanpela gutpela samting sapos yumi lukluk i go bek long bipo; bai yumi westim bikpela taim na strong nating long dispela we yumi nap yusim long traim hat na painim sampela rot long mekim ol sistem bilong yumi wok gut moa-dispela bai mekim gutpela wokbung namel long yupela yet, gavman na ol arapela ejensi we i develop yet long traim na kamapim wanpela astingting na gutpela wokbung we bai bihainim het tok bilong yupela bilong 2006.

Lusim dispela ples nogut, yumi lukluk long narapela wankain samting. Nau i nogat i nap gutpela pasin bilong harim na bihainim tok long olgeta levul bilong sosaieti na pablik sevis. Namba bilong ol ripot bilong ol lain i paulim mani bilong pablik i wok long go antap hariap tru. Em bai gutpela long save hamas moni tru bilong pablik i lus pinis long olgeta yia i kam. Em i mas abrusim K100 milien pinis. Tasol i gat wanpela moa samting nogut i stap na em i winim pasin bilong stilim na paolim moni. Dispela em pasin bilong yusim pawa bilong ol krangki na i nogat tingting bilong harim na bihainim stretpela pasin.

Sampela tok piksa bilong dispela em i olsem wanpela pablik opisa husat i kam long wok let o i no kam long wok liklik; o em i brukim na tromoi wanpela pas o paolim wanpela pepa bilong wanem strongpela wok tumas na em i no i nap long mekim. Wanpela pablik opisa o minista husat i paolim asset bilong gavman na yusim long laik bilong em yet-ol dispela liklik samting tasol bungim olgeta na em i ken bagarap tingting bilong man na kantri.

I nogat wanpela skul o kolis bai nap long trenim ol manmeri long pasin bilong harim tok na bihainim, dispela i stap insait long wanwan manmeri. Yu no i nap long skulim ol manmeri long pasin bilong tok tru. Tasol yu ken kamapim ol strongpela lo long mekim save long ol lain i mekim ol liklik asua bai ol i ken tingting planti long ol samting ol mekim. Kain pasin bilong harim na bihainim na tok tru i mas i stap wantaim ol lida. Ol lida i noken putim ol yet antap long dispela pasin we em i kamap wantaim ol we komyuniti makim. Wanpela lida i mas was long pasin bilong em na tu pasin bilong ol arapela lida i wokbung

wantaim em. Dispela i save go nogut taim ol lida i save mekim ol samting we em yet i laikim na i lus tingting long ol pipol.

Mi no ting yumi bungim yet ol dispela salens long ol yia i kam. Tingting bilong yumi no strong tumas, planti tiam yumi no laik helpim. Yumi yet i pundaun sot long mak yumi laikim. Yumi yet i mas kisim hevi long i nogat gutpela wok, tingting na pasin i kam.

Ol bai lukluk long olgeta ogenaisesen olsem Divine Word University long wok bilong em, wanem samting em i kamap na wankain samting bai ol i painim long ol manmeri go aut long em. Gutpela wok na gutpela lida em i wanpela samting we i save kamapim gutpela edministresen wantaim pasin bilong tok tru, dispela em i bikpela samting tru. Divine Word University i mas i stap long namel bilong eksen-noken pret long kamap ples klia, noken longlong, opim wing na palai go painim nupela wol. Sapos yu stap long wanpela hap bai yu no i nap go wanpela hap.

Ol hevi we yumi na Pasifik i bungim nau i ken abrus sapos yumi lukluk gut long wanem samting yumi laik kamap bihainim taim na wok strong wantaim long mekim ol dispela i kamap. Yumi kisim pinis dispela "Pasifik Plen" bilong kantri na rijen bilong yumi. Nau yumi mas bihainim. Olgeta samting ol pipol bilong Pasifik i laikim i mas i stap long namel stret bilong dispela plen. Mi tromoi wankain salens pinis long ol arapela yunivesiti olsem University of Vudal we ol bai senisim nem bilong em i go PNG University of Natural Resources and Environment we i mekim em i laik kirapim progrem bilong ol sumatin bilong ol liklik Pasifik kantri olsem i stap nau long University of South Pacific.

Yumi mas luksave olsem long dispela wol we planti samting i kamap na i senis hariap, bai gat planti salens i kamap. Tasol wantaim gutpela wokbung na plening em bai helpim yumi long bungim ol dispela salens.

Ol samting insait long toktok bilong mi hia tete em mi kisim long ol sampela toktok mi mekim bipo. Mi sore long lukim olsem planti ol samting mi toktok long en long 1970's i stap wankain yet na nau mi toktok long en ken long 21st sensri. Kantri bilong yumi mas luksave olsem sapos yumi laik kamap bikpela yumi mas i gat tingting bilong holim pas na lukautim gut ol samting. Yumi mas save olsem taim yumi stretim wanpela, sampela moa strongpela na bikpela bai kamap na yumi mas i gat strong long sanap na salensim ol. Singapore i bin mekim dispela na em i win. Wantaim ol gutpela tingting na mak i stap long bihainim we i stat long ol gutpela edukesen institusen olsem Divine Word University, yumi tu i nap long mekim.

Nau mi laik tok amamas ken long yupela long dispela namba 10 bonde bilong yupela. Bai yupela i wok strong yet na strongim moa ol wokbung yupela i kamapim wantaim ol arapela long ol yia i go pinis na long ol yia i kam.

D I V I N E W O R D U N I V E R S I T Y M A D A N G



*Celebrating*  
**10**  
**YEARS**  
**AS A**  
**UNIVERSITY**

1996 - 2006

*Celebrations from*  
**17th - 21st of August 2006**



**TOK PISIN NEWS**  
from Radio Australia

radioaustralia.net.au

Harim TOK PISIN long  
Radio Australia  
**101.9FM**  
Port Moresby

**Tok Pisin Service**  
6am - 7am 6000; 7240(KHZ)  
7pm - 9pm 5995; 6020; 9710; 1280(KHZ)

PASIFIK NIUS

# PNG i laik wok hat long kilim sik AIDS

LAIN bilong Papua Niugini i go stap insait long Intanesenel AIDS konpres long Kanada, i bin kam bek long ples wantaim bikpela tingting long strongim moa wok bilong ol long kilim dispela sik.

Tupela ten ol lain i bin stap namel long 25 tausen pipel bilong olgeta kona bilong wol i go stap long dispela konpres em AIDS sosaiti konpres i bin rereim.

Minista bilong Komyuniti Developmen na Welpe bilong Papua Niugini, Dem Carol Kidu i bin go olsem memba bilong Komonwel Palamen Asosiesen.


Em i bin tok insait long niuspepa olsem em i bin mekim tok promis long halivim na tu bilong lukim olsem Solomon Ailans palamentari delegesen bai i ken go long PNG long wanpela raun bilong ol na kisim moa save long ol samting ol i lainim long dispela konpres.

Em i tok PNG i bikpela moa long ol arapela Pasifik kantri na i mas serim ol dispela save bilong em wantaim ol arapela, olsem ol i ken apim na stretim gut wok bilong ol long pait agensim HIV/AIDS.

Ol arapela pipel em ol i bin go stap long dispela kibung i bin toktok long nid bilong Papua Niugini long mekim ol samting long ol pikinini em ol i no save long rot bilong halivim ol yet, kain tingting nogut namel long ol man na meri, na strongpela bilip i kam long ol politisen long pusim kantri strong long pait bilong em agensim dispela sik.

## WIN LONG KRISMAS:

Dispela man bilong ples Puerto Rico long Sentral Amerika, nem bilong em Emiliano Mercado Del Toro em i winim olgeta arapela manmeri long wol long krismas bilong em tasol. Emiliano i komim gras bilong em long haus bilong em long taun Isabela. Em i kisim luksave olsem man i win long krismas insait long Guinness Buk ov Wol Rekots we i save mak' 1 ol man, meri na samting i win insait long wol. Mama i bin karim em long Ogas 21, 1891. Em i bin redi long pait long wol woa 1 long 1918 na woa i bin pinis. Em i marit tripela taim tasol em i nogat pikinini. (AP Foto i kam long AAP Images/Javier Gonzalez).



# Bai i nonap gat gutpela sidaun long Midel Is

OL I bin tokim Yunaitet Nesens Sekyuriti Kaunsel olsem bai ol i no inap gat gutpela sidaun long Midel Is inap taim i gat gutpela rot i stap long kamapim tupela kantri stret, wantaim Israel na indipenden Palestain kantri. Insait long wanpela longpela

ripot i toktok long ol samting bilong las 12-pela mun insait long Midel Is, Anda Sekreteri Jeneral bilong Yunaitet Nesens, Ibrahim Gambari, i bin lukim olsem ol wok bilong kamapim gutpela sidaun i bin isi tru, na ol wok bisnis sekyuriti na sidaun bilong pipel i stat long i go

bagarap. Em i tok dispela em i soim tru long keis bilong ol dispela pipel i stap aninit long lukaut bilong Palestain olsem na i mas i gat nid nau bilong wanpela tingting ol i tok orait, orait long en bilong tupela stet i mas kamap.



**NOGAT MOA:** Wanpela man Lebanis i holim wanpela kopi bilong Koran, buk santu bilong lotu Islam. Em i painim insait long ol haus ol pait bom bilong Israel i bin bagarapim. (AP Foto i kam long AAP Images/Letteris Pitarakis)



**EGENSIM AIDS:** Ledi Kidu i sidaun skelim tingting wantaim sampela long ol lain we i bin stap long AIDS konpres long Kanada.

## RAMSI i mas mekim moa

GAVMAN bilong Solomon Ailans i bin tokim Rijinel Asisten Misin long Solomon Ailans (RAMSI) long i mas mekim moa wok long halivim rijen.

Ol dispela tingting ol i bin kamapim long taim bilong ol toktok namel long gavman na RAMSI long Honiara long dispela wik.

Insait tu long ol dispela toktok em long rot bilong invest long viles, bilong mekim laip i moa gutpela na mekim pipel i tingting long mekim samting long halivim ol yet na kantri wantaim.

Sekreteri i go long Praim Minista, Dokta John Roughan i bin tok ol inap mekim dispela yusim gavman na ol lain NGO.

Dokta Roughan i bin tok em i wok long tokim ol pipel olsem Solomon Ailans em i kantri wantaim planti ol viles.

Em i tok stat yet long 1976, gro bilong namba bilong ol pipel bilong taun i bin i go antap liklik makim olsem 12 i go inap long 15 pesen, we em i tok gutpela.

## 20 tausen bai vot long Honiara kaunsel

SAMTING olsem 20 tausen pipel em ol i rejista pinis wantaim Honiara Siti Kaunsel bai i go long ileksen dispela wik long makim ol nupela kaunsel.

Solomon Ailans Brodkasting Koporesen i bin tok dispela eleksen em i wanpela tingting bilong gavman long i gat atoriti em ol pipel yet i makim long lukautim ol wok bilong Honiara siti.

Em bai kisim ol wok bilong Honiara Siti Atoriti, em i wok long mekim wok nau, wanpela bodi bilong ol opisel em Minsita bilong Hom Afes yet i bin makim ol.

Minista i kirapim dispela Honiara City Competent Atoriti bihain long i bin pasim olpela siti kaunsel long i no save mekim gut wok bilong en.

Samting olsem 8-pela ten kendidet bai resis long 12-pela wod insait long siti.

Long wankain taim, wanpela bipo politisen, Billy Gatu, i bin tok ol pipel long Honiara em ol bai i go vout, i mas lus tingting long pasin bilong makim wantok bilong ol yet long ileksen.

**PacificBEAT**

Listen to Radio Australia  
**101.9FM Port Moresby**

4, 5, 6am & 4pm, 5pm  
including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



# Ol setelmen meri greduet long laip skil trening

Noreen Dada i raitim

**FAIPELA** ten na foapela (54) meri long ol setelmen eria insait Pot Mosbi i kisim bikpela helpim long ol laip skil we i kam long Salvation Ami.

Dispela faipela ten fo (54) meri i greduet wantaim setifiket bilong ol we ol i yusim tripela wik long lainim helt na wei long lukautim bodi, HIV/AIDS aweanes na long somapim ol klos.

Meri husat i go pas long ronim dispela trening em Kepten Ivene Yandarare husat i tok dispela laspela tripela wik i bin gutpela tru.

"Mi laik tokim yupela meri olsem i gat hop long laip bilong yupela na noken ting yupela meri nating," Misis Yandarare i tok.

Teritri Seketeri bilong Wimens Ministri Kenel

## ...Salvesen Ami helpim



**AMAMAS LONG LAINIM:** Ol setelmen meri i winim skul long Helt, Haijin, HIV/AIDS na Somap kos we Salvesen Ami i mekim.

(Colonel) Jan Condon i strongim ol meri long kisim dispela trening ol i kisim long helpim ol yet na famili bilong ol.

"Sapos kain sans olsem dispela i kamap gen, kisim dispela sans na go het long lainim ol nupela samting.

Wanem samting yu mekim wantaim wanem samting yu lainim em bikpela samting tru. Yusim ol skil yupela

lainim bikos em i nogut sapos ol lain i givim spon-sa long dispela kain trening na yupela i no yusim," Kenel Condon i tok.

Planti bilong ol meri husat i kisim dispela trening i ol yangpela meri husat i kam long ol setelmen olsem Sabama, Kila Kila, Kaugere, Morata na ol arapela hap long Mosbi.

Dispela trening kamap long Don Bosco skul long Is Boroko.

Bikpela mani mak long karim aut dispela trening i sanap long K84,000 we bikpela spon-sa em haus-ing kampani bilong Australia, Glenn Morrison.

Long dispela taim yet, Salvation Ami i go pas long ronim narapela wok-sop long literesi skil (trening long rit na rait) na ol i tok moa trening bai kamap long taim i kam bihain.

Lo bilong Lukautim ol Meri



Skruiim tok tambuim pasin paitim meri

Taim kot i stat, majistret bai askim man bilong yu olsem dispela toktok i stap long samons i tru o nogat.

Sapos man i tok em i tru mejistret bai inap long mekim oda bilong Gut Bihevia Bon wan tu tasol. Sapos em i namba wan taim yu kotim man bilong yu, sampela mejistret i save isi liklik. Sapos yu pilim olsem wanpela strongpela tok lukaut tasol bai i no inap long stopim man long pait, tokim stret mejistret bipo long em i autim tingting bilong en.

Moa long neks wik...

Sotpela tok lukaut Skruim tok long sik kensa

Ol meri husat i no stap insait dispela krismas grup tasol i gat histri bilong ol meri insait famili bilong ol husat i gat kensa bilong susu, i mas toktok wantaim dokta bilong ol sapos ol i mas kisim tes bilong memogrem.

Planti pipel i save lukim famili dokta bilong ol pastaim husat i save karim aut tes long yu.

Dokta bilong yu i ken salim yu go long bikpela haus sik long mekim moa tes o long wanpela dokta husat i save lukluk long sik kensa.

Moa long neks wik...

## Raun lukim ol meri na pikinini



**SOIM WOK:** Ol meri i bin greduet long laip skil kos we Salvesen Ami i bin ranim i amamas long soim wok ol yet i mekim.




Foto: Nicky Bernard

**GREDUSEN:** Bikmeri long Salvesen Ami i go pas long kwaia singsing bilong meri grup husat i bin winim skul bilong ol las wik Fraide bihain long ol i pinisim laip skil trening bilong ol.



**HOM BEIS KEA:** Em ol lain meri husat i save givim Hom Beis Kea i bin sindaun long helt na AIDS kos na i kisim ol Setifiket bilong ol.



**REDI:** Tupela yangpela meri Bogenvil i laik redi long go long ples taim Wantok i bungim ol.

## Meri grup long helpim kirapim aweanes

Noreen Dada i raitim

**SOROPTOMIST** Intenesenel (SI), wanpela meri grup insait long kantri i kisim sapot bilong het bilong Konsalitiv Implimentesen Monitaring Kaunsel (CIMC) long kirapim aweanes agensim pasin paitim meri.

Long liklik taim i go pinis, Nesenel Projek Kodineta bilong CIMC Famili Seksuel Vailens Eksen Komiti (FSVAC), Ume Wainette i bin autim wari bilong en olsem i nogat klia wok bilong FSVAC insait Morobe na Wes Nu Briten.

Mis Wainette husat i bung wantaim SI memba long Lae i tok em i bikpela

samting long kirapim rot long provinsel level we i ken lukim aweanes bilong pait agensim ol meri i ken go het.

"Mipela bai i no inap kamapim wanpela win long tupela o tripela yia i kam bihain sapos mipela i gat ol patna i stap long provinsel level long helpim mipela," Mis Wainette i tok.

Em i tok Morobe i wanpela provins we FSVAC i no wok gut we i gat interim komiti tasol em i luk olsem em i no stap raun.

Em i go het long strongim ol memba bilong SI long kamap grup husat bai go pas insait long provins long ronim olgeta program long sait bilong famili na seksel vailens.

## Sista Aloisi i kisim luksave long ol wanwok

**WOK** bilong sios i bikpela samting na planti meri long wol i givim taim na laip bilong ol long dispela olsem ol Katolik Sister.

Sister Maria Aloisia Alathamalefao, DMI, bilong liklik ples Taalu long Not Malaita, Solomon Ailans i no bin save long Bikpela taim em i bihainim kandere man na meri bilong em na em i kamap Katolik. Ol Maris misinari Sister long Makira, Solomon Ailan i bin skulim em tasol em bin joinim kongriksen bilong Daughters of Mary long 1947.

Long 1974, Sister Aloisia i bin kisim luksave long Kwin long sevis bilong em i go long sios na edukesen long Solomon Ailans.

Sister Aloisia i bin dai long Jun las yia bihain



**WANWOK SOIM LUKSAVE NA SAPOT:** Poto bilong Sister Aloisia bipo em i dai las yia wantaim ol Sister long komyniti bilong em long Solomon Ailan.

Foto: Echo Megesin

long em i abrusim 95 em i stap laip, krismas.


Katolik Sios long Solomon Ailan na DMI kongriksen bilong em na ol pren na wantok i amamas long bikpela na gutpela wok Sister Aloisia i bin mekim taim meri i wok insait long sios na ol ruel komyniti helt na edukesen we inap long kisim sampela kain luksave, tasol nogat lain long givim sapot dispela.

**YUMIFM Redio Program**

**Program bilong Wanwan De - Mande - Fraide**

6am - 10am - Sankamap show - Host: Kas.T  
 6:15am - Komuniti Notis Bod  
 6:30am - Nius Hettains / Bondei grittings  
 STOP & SHOP GES FAIA KOMPETISEN  
 6:45am - Niuspepa Hettains  
 7:00am - Major Nius Bulletin - YUMIFM Nius Senta  
 7:15am - Powerhaus Hit prediksiken  
 7:30am - STOP & SHOP GES FAIA KOMPETISEN  
 8:00am - Major Nius Bulletin - YUMIFM Nius Senta  
 8:15am - YUMIFM Bisnis / Market Ripot  
 8:30am - STOP & SHOP GES FAIA KOMPETISEN  
 9:00am - Nius Bulletin - YUMIFM Nius Senta  
 9:15am - Luksave long Komuniti (Redio Pilal)  
 9:30am - STOP & SHOP GES FAIA KOMPETISEN  
 9:45am - YUMI PAINIM WOK Segment  
 10:00am - Nius - YUMIFM Nius Senta  
 10am - 2pm - Monin Trek na Belo Pack -  
 10:10am - Lukatim yu yet - Helt toktok - RH Hyper Mart  
 10:15am - Powerhaus Hit Prediksiken  
 10:45am - YUMI PAINIM WOK Segment  
 11:00am - Nius - YUMIFM Nius Senta  
 11:10am - Cont'd - Lukauti yu yet - Helt toktok  
 11:30am - Nius Hettains b'long Belo Taim  
 12:00pm - Major Nius Bulletin - YUMIFM Nius Senta  
 12:10pm - ESI COOK RICE Belo taim Dedikese  
 12:15pm - Komuniti Notis Bod  
 12:20pm - cont'd ESI COOK Belo taim dedikese  
 1:00pm - Nius - YUMIFM Nius Senta  
 1:10pm - cont'd ESI COOK RICE Belo taim dedikese  
 1:15pm - Powerhaus Hit Prediksiken  
 2:00pm - Major Nius Bulletin - YUMIFM NIUS SENTA  
 2pm - 6pm - Avinun Draiv Taim - Host: UNCLE ET  
 2:00pm - 4:00pm (Tunde / Fondei) TOKAUT TOKSTRET  
 2:45pm - YUMI PAINIM WOK Segment  
 3:00pm - Nius - YUMIFM Nius Senta  
 3:10pm - Avinun cruz  
 4:00pm - NIUS - YUMIFM Senta  
 4:10pm - SAUT B'long UNCLE ET - foapela singsing  
 4:30pm - Nius Hettains  
 4:45pm - YUMI PANIM WOK Segment  
 5:00pm - Nius - YUMIFM Nius Senta  
 5:10pm - 6:00pm - FLAME KULCHA (1 hr)  
 6:00pm - MAJOR NIUS BULLETIN - YUMIFM NIUS Senta  
 6pm - 00am - NAIT BEAT - Host: ANGRA KENNEDY  
 6:10pm - 7:00pm Mon kamap sho  
 6:15pm - Powerhaus Hit Prediksiken  
 6:45pm - Komuniti Notis Bod (Toksave wantaim Vaviessie)  
 7:00pm - 9:00pm - COCA COLA GARAMUT  
 9:00pm - 00am - Nait Beat - Isi Cruz long nait  
 00am - 6am - BRUKIM TULAIT SHOW  
 00:00 - Early Monin Taim Cruz (ol lain brukim tulait So)

**Oi Entateinmen Poto wantaim Wantok Ripota Veronica Hatutasi long Australia las wik taim em i go long Katolik Midia Konperens. Oi Poto: Fr Geoff Lee.**




**PENFOL WAIN:** Raun long Penfol Magil Estate long Adelaide, we i save mekim biknem na olpela nem wan long Australia olsem Penfol, Granger na Shiraz. Papa bilong Penfol wain kampani i bin statim bisnis long 1893 na famili yet i ranim kampani. Oi i save mekim wok long kamapim wain long dispela esteit long han tasol, olsem long taim bipo. Long piksa em ol sela we ol i save storim ol wain.

**TARONGA ZOO:** Nau mi slip ya tasol lukaut sapos mi kirap! Tru tru laip laion em wampela long ol handret kain kain animel i liklik na bikpela, ol pisin, snek, ol lisat, ol pis, torosel an ol arapela animel bilong solwara, ol jiraf, monki, laion na planti moa em ol i lukautim long Taronga zoo long Sidni, Australia o bikpela hap ples ol i save lukautim ol kain kain animel long em. Long ol wiken, zoo i save pulap tru long ol famili i raun amamasim ol pikinini bilong ol.



**SKAI ATVATAISING:** I gat ol kain rot long etvatasing olsem dispela i soim liklik balus i wokim skai etvatasing long pefum bilong ol man long Not Sidni.



**AWOTS NAIT:** (L-R) Janette Mentha bilong Kairos Katolik megesin husat i bin stretim wokabaut bilong ripota i go long Australia Katolik Sios midia konperens i ktsim wampela luksave awot long pepa bilong em i wokim gut.

**SP WIKLI HIT HIT PARADE YUMIFM**

Sarere 26/08/2006

- |       |                   |                               |
|-------|-------------------|-------------------------------|
| 1     | Hem Stret         | Sharzy ft Anslom & Fedyz      |
| 2(4)  | Buka Meri         | Sharzy                        |
| 3     | Tehine Moana      | Nahorau                       |
| 4     | Iwalingoto        | Junior Insects                |
| 5     | Raingal           | Mistops of DOY Is             |
| 6     | Smile             | Nokondi                       |
| 7     | KBC               | Sparqs                        |
| 8     | Rainy Lae         | Sharzy ft Anslom,Saba,Hausbol |
| 9     | Sia Hai O         | Basil Blitz Greg              |
| 10    | Milomilo          | Kekene                        |
| 11    | My Lady           | Sparqs                        |
| 12    | World war II      | Psycho Band                   |
| 13    | Sori Uwaho Namomu | Murphy                        |
| 14(4) | Come Back         | Leftovers                     |
| 15    | Feeling           | Murphy                        |
| 16    | Gutsomi           | Leftovers                     |
| 17    | Stailim Stailim   | Murphy                        |
| 18    | Ipa Hupi          | Sounds of Hela                |
| 19(6) | Maten Kandiek     | Twin Hok of Kavieng           |
| 20    | Meri Papua        | Saba                          |

**RADIO AUSTRALIA - TOK PISIN PROGRAM HARIM LONG: 101.9 FM**

Radio Australia Tok Pisin Program - MANDE

**Morning - Nait**

6AM Slesen Op - Nius Hettain - Musik na ol intaviu  
 6:30AM Nius na Karent Afes  
 7AM Slesen Pas  
 7PM Slesen Op  
 7:01PM Oi Hettain na Program Priviu  
 7:15PM Musik na Chit-Chat  
 7:30PM Nius na Karent Afes  
 8PM Spots  
 8:15PM Musik/Spots  
 8:30PM NIUS  
 8:40PM Spots Riplei  
 8:55PM Musik  
 9PM Slesen Pas

**TUNDE Morning - Nait**

6AM Slesen Op - Nius Hettain - Musik na ol intaviu  
 6:30AM Nius na Karent Afes  
 7AM Slesen Pas  
 7PM Slesen Op  
 7:01PM Oi Hettain na Program Priviu  
 7:15PM Musik na Chit-Chat  
 7:30PM Nius na Karent Afes  
 8PM Marna Graun  
 8:15PM Musik/Spots  
 8:30PM NIUS  
 8:40PM Helt Riplei  
 8:55PM Musik  
 9PM Slesen Pas

**TRINDE Morning - Nait**

6AM Slesen Op - Nius Hettain - Musik na ol intaviu  
 6:30AM Nius na Karent Afes  
 7AM Slesen Pas  
 7PM Slesen Op  
 7:01PM Oi Hettain na Program Priviu  
 7:15PM Musik na Chit-Chat  
 7:30PM Nius na Karent Afes  
 8PM Focus  
 8:15PM Musik/Spots  
 8:30PM NIUS  
 8:40PM Marna Graun Riplei  
 8:55PM Musik  
 9PM Slesen Pas

**FONDE Morning - Nait**

6AM Slesen Op - Nius Hettain - Musik na ol intaviu  
 6:30AM Nius na Karent Afes  
 7AM Slesen Pas  
 7PM Slesen Op  
 7:01PM Oi Hettain na Program Priviu  
 7:15PM Musik na Chit-Chat  
 7:30PM Nius na Karent Afes  
 8PM Youth  
 8:15PM Musik/Spots  
 8:30PM NIUS  
 8:40PM Focus Riplei  
 8:55PM Musik  
 9PM Slesen Pas

**FRAIDE Morning - Nait**

6AM Slesen Op - Nius Hettain - Musik na ol intaviu  
 6:30AM Nius na Karent Afes  
 7AM Slesen Pas  
 7PM Slesen Op  
 7:01PM Oi Hettain na Program Priviu  
 7:15PM Musik na Chit-Chat  
 7:30PM Nius na Karent Afes  
 8PM Wantok  
 8:15PM Musik  
 8:30PM NIUS  
 8:40PM Youth Riplei  
 8:55PM Musik  
 9PM Slesen Pas

**SARERE Nait**

7PM Slesen op - Oi Nius Hettain/Program Priviu  
 7:05PM Musik na Chit Chat  
 7:30PM Nius  
 7:40PM Wantok  
 8PM Lokal Ben  
 8:30PM Nius  
 8:40PM Musik/Chit Chat  
 9PM Slesen Pas

**SANDE Nait**

7PM Slesen op - Oi Nius Hettain/Program Priviu  
 7:05PM Musik na Chit Chat  
 7:30PM Nius  
 7:40PM Famili Blong Serah (Redio Plei)  
 8PM Lukluk Bek Long Wik  
 8:30PM Nius  
 8:40PM Musik/Chit Chat  
 9PM Slesen Pas

**TV GAID**

**FONDE OGAS 24, 2006**

5.29AM STATION OPEN  
 5.30AM G JOYCE MEYER  
 Religious programme  
 6.00AM G TODAY  
 9.00AM G CREFFLO DOLLAR  
 Religious Program

**CLASSROOM BROADCAST**

9.30AM Mathematics - Grade 8  
 10.20AM Science - Grade 8  
 11:10AM Social Science - Grade 7  
 12:45PM Personal Development - Grade 6  
 1.15PM Making A Living - Grade 7  
 2.00PM Assessing & Reporting Achievement of Outcome (DEPI)

2.59PM STATION RE-OPEN

**KIDS KONA**

3.00PM G LIGHTS, CAMERA, WIGGLES  
 3.30PM G HI-5  
 4.00PM G Y  
 4.30PM G THE SHAK  
 4.57PM G EMTV TOK SAVE  
 5.00PM G HOT SOURCE  
 5.29PM G EMTV NEWS UPDATE  
 5.30PM G BERT'S FAMILY FEUD  
 6:00PM G NATIONAL EMTV NEWS

6.30PM G A CURRENT AFFAIR  
 6.59PM G NEWS UPDATE IN TOK PISIN  
 7.00PM G TEMPTATION:  
 7.30PM G CHM SUPERSOUND  
 7.57PM G EMTV TOK SAVE  
 8.30AM G SPORT SCENE  
 9.30PM M THE FOOTY SHOW  
 11.00PM M THE AFL FOOTY SHOW  
 00.30AM G EMTV NEWS REPLAY  
 1.00AM MTV PRIME TIME LINE UP

**FRAIDE OGAS 25, 2006**

5.27AM STATION OPEN  
 5.30AM G JOYCE MEYER  
 6.00AM G TODAY  
 9.00AM G CREFFLO DOLLAR

**CLASSROOM BROADCAST**

9.30AM Mathematics - Grade 8  
 10.20AM Science - Grade 8  
 11:10AM Social Science - Grade 7  
 12:45PM Personal Development - Grade 6  
 1.15PM Making A Living - Grade 7  
 2.00PM Assessing & Reporting Achievement of Outcome (DEPI)  
 2.59PM STATION RE-OPEN

**KIDS KONA**

3.00PM G THE EGGS  
 3.30PM G HI-5  
 4.00PM G Y  
 4.30PM G THE SHAK  
 4.57PM G EMTV TOK SAVE  
 5.00PM G HOT SOURCE  
 5.29PM G EMTV NEWS UPDATE  
 5.30PM G BERT'S FAMILY FEUD  
 6.00PM G NATIONAL EMTV NEWS  
 6.30PM G A CURRENT AFFAIR  
 6.59PM G NEWS UPDATE IN TOK PISIN  
 7.00PM G TEMPTATION:  
 7.30PM G ICC CRICKET WORLD  
 7.57PM G EMTV TOK SAVE  
 8.00PM G TOK PIKSA  
 8.30PM G FRIDAY NIGHT FOOTBALL

Round #25 - Manly Sea Eagles v Bulldogs @ Brookvale Oval.  
 11.00PM G FRIDAY NIGHT AFL  
 Round #22 - Western Bulldogs v St Kilda @ Telstra Dome @ AAMI Stadium  
 2.00AM G EMTV NEWS REPLAY  
 2.30AM EMTV PRIME TIME LINE UP

**SARERE OGAS 26, 2006**

7.59AM STATION OPEN  
 8.00AM G PLANET FANTA  
 9.30AM G HOT SOURCE  
 10.00AM PG SO FRESH  
 11.30AM G CHM SUPERSOUND  
 12.30PM G TALK TO THE ANIMALS  
 1.00PM G GARDENING GURUS  
 1.30PM PG ENCORE PRESENTATION:  
 TOVILL & DEAN DANCING ON ICE  
 3.30PM G SPEED MACHINE:  
 BLACK & DUSTY  
 4.30PM G THE BOAT SHOW  
 5.00PM G ESCAPE WITH ET  
 5.30PM G FISHING NORTH  
 AUSTRALIA: Peron Islands, Part II  
 6.00PM G NATIONAL EMTV NEWS  
 6.30PM G AUSTRALIA'S FUNNIEST  
 HOME VIDEO SHOW  
 7.30PM G TOTAL RUGBY  
 7.57PM G EMTV TOK SAVE  
 8.00PM G SOUTH PACIFIC MUSIC  
 9.00PM M CSI MIAMI  
 10.00PM M CSI MIAMI  
 11.00PM G EMTV NEWS REPLAY  
 11.30PM PG KING OF QUEENS

12midnight G TRI-NATIONS SERIES  
 SOUTH AFRICA v NEW ZEALAND  
 Live from South Africa.  
 2.00AM EMTV PRIME TIME LINE UP

**SANDE OGAS 27, 2006**

7.29AM STATION OPEN  
 7.30AM G BUSINESS SUCCESS  
 8.00AM G BUSINESS SUNDAY  
 9.00AM G SUNDAY  
 11.00PM G NRL FOOTY SHOW  
 12NOON G SUNDAY ROAST  
 1.00PM G AFL  
 4.00PM G SUNDAY FOOTBALL

EMTV brings you Sunday Football, Round 25 - Parramatta Eels v Brisbane Broncos @ Parramatta Stadium. Join your expert commentary team including Ray Warren, Peter Sterling, Phil Gould, Matty Johns and sideline commentary from Andrew Voss.

6:00PM G NATIONAL EMTV NEWS  
 6:30PM G 7TH HEAVEN  
 7:30PM G 60 MINUTES  
 8:27PM G EMTV TOK SAVE  
 8:30PM PG SUNDAY NIGHT MOVIE:  
 THE MISSING

## TORO



## BIABIA



## KANAGE



**WIKI**

Pait wantaim ol Tari na Westen Hailens i mekim na planti ol inosen manmeri na pikinini i kisim bikpela taim tru long kisim PMV bas na teks. Nau ol wanwan PMV i raun, tasol ol i sasim ol manmeri long wan kina taim yu kalap. Polis i tok husat PMV i mekim dispela pasim bai em i kisim bikpela sas tru sapos boskru i sasim ol manmeri long wan kina. Gutpela tru Seaman bilong NCDC Peter Loko i putim tok olsem ol PMV na teks operetas mas stat wok nau. Sapos nogat, em bai

rausim ol PMV na teks operesen laisens bilong ol.

Toktok moa long dispela birua, ating nau NCDC mas tekova long trenspot sistem bilong Mosbi siti. Inap em inap! Baim ol PMV mas long olgeta rut bilong siti na ranim. Moni i go bek long NCDC long lukautim siti.

Tokwin i draiv pas na lukim nara-pela brata husat i stap tripela haus i go antap i wokbaut i go long haus bilong em long Waigani draiv. Em i go kamap long haus long 7kilok apinun na tokwin i askim em long tingting bilong em long ol PMV i straik na ol manmeri

meri i wokbaut. Brata em amamas tasol na tok, "Gutpela na ol Hagen i straik na PMV i stop!". Yumi sampela mas wokbaut na lus weit liklik tu yah! Planti lem-fleps i pulap long yum!...Naiswan ankol!

Poro i pilai snuka na las bai i lep long em i sinkim isi tru. Tasol nogat, em misim bai na olgeta arapela pilaia i paol long em. Ol i askim, Olsem wahem na yu misim bai? Sieh! Mi laik sut tasol ai bilong mi i ketsim tebol weta i nil daun long kisim tin ken long plua na han bilong i paol na mi sut krangi.

**Wantok Tasol..**

## PAINIM NEM INSAIT

M	A	N	U	S	N	A	L	I	A	H	N	E	T	S	E	W
Y	A	M	U	K	S	I	N	O	L	A	R	T	E	K	E	D
I	S	D	E	A	R	N	E	L	A	R	T	N	E	S	P	C
S	R	E	A	E	I	S	S	E	P	I	K	F	T	A	O	N
N	S	B	V	N	C	L	Q	O	I	R	N	E	V	I	K	E
U	N	O	W	R	G	I	A	R	W	P	N	I	O	C	L	S
B	J	R	Q	T	S	U	F	N	H	I	F	A	T	V	I	N
R	B	O	G	E	N	V	I	L	C	O	H	S	I	D	B	A
I	C	M	S	U	B	R	W	E	T	K	N	E	M	N	Y	L
T	E	C	D	I	S	I	M	B	U	L	B	Z	R	U	F	I
E	N	G	A	O	P	E	Z	E	S	N	P	V	E	A	C	A
N	T	A	E	L	U	W	S	W	E	H	I	P	D	D	O	H
S	W	R	P	K	I	D	A	L	Y	O	L	F	N	U	N	
W	E	S	N	U	B	R	I	T	E	N	I	A	P	A	N	E
R	E	I	Y	X	N	M	C	F	O	I	M	G	P	S	B	T
T	N	M	S	W	A	I	O	B	N	C	V	F	P	T	C	S
S	A	U	T	E	N	H	A	I	L	A	N	S	O	R	O	I

Painim ol dispela provins bilong yumi:

MANUS	NU AILAN	IS NU BRITEN
WES NU BRITEN	BOGENVIL	MOROBE
MILEN BE	NCD	WESTEN
ORO	IS SEPIK	SANDAUN
MADANG	ENGA	SIMBU
GALP		

**ANSA BILONG LAS WIK...**

A	I	R	N	I	U	G	I	N	I	K	A	G	O	A	R	I
P	S	S	I	A	L	E	T									
L	E	K														
E	A	K														
S	I	I														
B	I	P	N	I	P	I	P	T	E							
A	I	J	A	T	I	J	K	S								
L	T	J	A	L	A	T	I	E	P							
U	I															
S	R															
U																
Y																
K	A															
E	L															
S																
J	I	U	S	E	A	N	O	S	T	E	S					

**ANSA BILONG LAS WIK...**

2	4	3	8	7	5	9	1	6
8	1	6	9	3	4	7	5	2
5	7	9	6	1	2	3	8	4
7	8	5	2	9	3	6	4	1
1	9	2	7	4	6	8	3	5
3	6	4	1	5	8	2	9	7
9	5	1	3	6	7	4	2	8
6	3	8	4	2	1	5	7	9
4	2	7	5	8	9	1	6	3

Puzzle by websudoku.com

1				9	8	3	
	4		5		7		
	6	7				4	2
				2	4	9	
2		4	7		8	1	5
		1	6	3			
4	7					6	9
		3			6		7
	8	9	2				1

Puzzle by websudoku.com


Ol ansa bai kamaut long neks wik so putim was long neks wik pepa!!

## EMTV TVGAID

<p>(2003) Drama/Western/Thriller/Adventure - A woman forms an uneasy alliance with her distant father to search for her daughter, who has been kidnapped.</p> <p>Stars: Tommy Lee Jones, Cate Blanchett, Evan Rachel wood.</p> <p>10.30PM G EMTV NEWS REPLAY</p> <p>11.00PM G PRAISE</p> <p>12midnight EMTV PRIME TIME LINE UP</p> <p>MANDE OGAS 27, 2006</p> <p>5.27AM STATION OPEN</p> <p>5.30AM G JOYCE MEYER</p> <p>Religious programme</p> <p>6.00AM G TODAY</p> <p>9.00AM G CREFFLO DOLLAR</p> <p>Religious Program</p> <p>CLASSROOM BROADCAST</p> <p>9.30AM Mathematics - Grade 8</p> <p>10.20AM Science - Grade 8</p> <p>11:10AM Social Science - Grade 7</p> <p>12:45PM Personal Development - Grade 6</p> <p>1.15PM Making A Living - Grade 7</p> <p>2.59PM STATION RE-OPEN</p> <p>KIDS KONA</p> <p>3.00PM G BANANAS IN PYJAMAS</p> <p>3.30PM G HI-5</p> <p>4.00PM G Y</p> <p>4.30PM G THE SHAK</p> <p>4.57PM G EMTV TOK SAVE</p> <p>5.00PM G HOT SOURCE</p> <p>5.29PM G EMTV NEWS UPDATE</p> <p>5.30PM G BERT'S FAMILY FEUD</p> <p>6.00PM G NATIONAL EMTV NEWS</p> <p>6.30PM G A CURRENT AFFAIR</p> <p>6.59PM G NEWS UPDATE IN TOK PISIN</p> <p>7.00PM G TEMPTATION</p> <p>7.30PM G RUGBY LEAGUE</p> <p>Round #17 - Raiders v Bulldogs</p> <p>8.27PM G EMTV TOK SAVE</p> <p>8.30PM PG YOU ARE WHAT YOU EAT</p> <p>9.00PM PG TURN BACK YOUR BODY</p> <p>CLOCK</p> <p>9.30PM G PRAISE</p> <p>10.30PM M COLD SQUAD</p> <p>11.30PM G EMTV NEWS REPLAY</p> <p>MIDNIGHT EMTV PRIME TIME LINE UP</p> <p>TUNDE OGAS 28, 2006</p>	<p>5.27AM STATION OPEN</p> <p>5.30AM G JOYCE MEYER</p> <p>6.00AM G TODAY</p> <p>9.00AM G CREFFLO DOLLAR</p> <p>Religious Program</p> <p>CLASSROOM BROADCAST</p> <p>9.30AM Mathematics - Grade 8</p> <p>10.20AM Science - Grade 8</p> <p>11:10AM Social Science - Grade 7</p> <p>12:45PM Personal Development - Grade 6</p> <p>1.15PM Making A Living - Grade 7</p> <p>2.00PM Assessing &amp; Reporting Achievement of Outcome (DEPI)</p> <p>2.59PM STATION RE-OPEN</p> <p>KIDS KONA</p> <p>3.00PM G BANANAS IN PYJAMAS</p> <p>3.30PM G HI-5</p> <p>4.00PM G Y</p> <p>4.30PM G THE SHAK</p> <p>4.57PM G EMTV TOK SAVE</p> <p>5.00PM G HOT SOURCE</p> <p>5.29PM G EMTV NEWS UPDATE</p> <p>5.30PM G BERT'S FAMILY FEUD</p> <p>6.00PM G NATIONAL EMTV NEWS</p> <p>6.30PM G A CURRENT AFFAIR</p> <p>6.59PM G NEWS UPDATE IN TOK</p>	<p>PISIN</p> <p>7.00PM G TEMPTATION</p> <p>7.30PM G HAUS &amp; HOME</p> <p>8.27PM G EMTV TOK SAVE</p> <p>8.30PM PG TORVILL AND DEAN'S DANCING ON ICE</p> <p>10.00PM M C.S.I.</p> <p>11.00PM G EMTV NEWS REPLAY</p> <p>11.30PM PG KING OF QUEENS</p> <p>12midnight EMTV PRIME TIME LINE UP</p> <p>TRINDE OGAS 29 2006</p> <p>5.27AM STATION OPEN</p> <p>5.30AM G JOYCE MEYER</p> <p>Religious programme</p> <p>6.00AM G TODAY</p> <p>9.00AM G CREFFLO DOLLAR</p> <p>Religious Program</p> <p>CLASSROOM BROADCAST</p> <p>9.30AM Mathematics - Grade 8</p> <p>10.20AM Science - Grade 8</p> <p>11:10AM Social Science - Grade 7</p> <p>12:45PM Personal Development - Grade 6</p> <p>1.15PM Making A Living - Grade 7</p> <p>2.00PM Assessing &amp; Reporting Achievement</p>	<p>of Outcome (DEPI)</p> <p>2.59PM STATION RE-OPEN</p> <p>KIDS KONA</p> <p>3.00PM G BANANAS IN PYJAMAS</p> <p>3.30PM G HI-5</p> <p>4.00PM G Y</p> <p>4.30PM G THE SHAK</p> <p>4.57PM G EMTV TOK SAVE</p> <p>5.00PM G HOT SOURCE</p> <p>5.29PM G EMTV NEWS UPDATE</p> <p>5.30PM G BERT'S FAMILY FEUD</p> <p>6.00PM G NATIONAL EMTV NEWS</p> <p>6.30PM G A CURRENT AFFAIR</p> <p>6.59PM G NEWS UPDATE IN TOK PISIN</p> <p>7.00PM G TEMPTATION</p> <p>7.30PM PG HEY HEY BY REQUEST</p> <p>8.29PM G EMTV TOK SAVE</p> <p>8.30PM M WEDNESDAY NIGHT MOVIE: RUSH HOUR 2(2001) Action/Comedy - It's vacation time for Det. James Carter and he finds himself alongside Det. Lee in Hong Kong wishing for more exciting.</p> <p>Stars: Jackie Chan, Chris Tucker.</p> <p>10.30PM G EMTV NEWS REPLAY</p> <p>11.00PM G SOUTH PACIFIC MUSIC</p> <p>12midnight EMTV PRIME TIME LINE UP</p>
---	--	--	---



# Junia Insects kirapim das gen



AM BEK GEN: D-EM Kawai. Man husat em i Jnr Insects

WANPELA rekoding tis i wokim bikipela k lukaut olsem em i ave i gat ol pairt kopi ilong namba wan lbam bilong-em we ol an i wok long salim ong Bogenvil na abaul. Dispela albam m 704 A LOKLOK (CR we i wok mekim ikpela nem bilong em stap.

Ol produsa bilong disela albam, Cyclone Digital Studio i gat ikpela wari tru long disela samting bikos em i en bagarapim sindaun ilong namba tu albam re Chin H Meen i bin usim i no long taim i go

pinis.

Fran man bilong Jnr Insects, D-Em Kawai i givim strongpela tok lukaut olsem em i save husat i wok mekim dispela kain stil pasin na Cyclone Digital Studio bai kisim ol i go long kot long stopim ol long mekim stil insait long ol taun long Niugini Ailans.


Na em i gat as long komplek bikos em i wok long abrus long ol royalti winmani bilong en.

"Mipela i save olsem ol i wok long hait na mekim kopi na salim long Buka na Rabaul long CD we i no kamaut yet long produsa.

Produsa yet i wok long rilisim long kaset tasol. I no kamap long CD yet," D-Em i tok.

Nau em i save was gut tru na em i kros olsem namba tu albam em i gat kopi pinis, bipo long ol i lonsim gut. Dispela em i no gutpela tru.

Em i klostu 4-pela yia pinis bihain long taim Jnr Insects bilong Is Nu Briten i bin kamap wantaim namba wan albam bilong ol. Planti i no bin ting olsem ol bai mekim nem na kisim luksave, tasol sampela singsing bilong ol i bin brukim ol lokal musik sat long



EM NAU: Kaset kava bilong nupela albam-bilong Jnr Insects, NCD Iwalingoto.

2003 na 2004.

### Sekim nupela albam

Nau ol i redi wantaim nupela albam bilong ol we ol i laik bai em i wokim gut tru wankain olsem namba wan albam.

Nem bilong nupela albam bilong ol em NCD Iwalingoto we i tok NCD i wok long kirapim das gen insait long musik indastri.

Ol fens i wok long sikirap tru long dispela nupela albam bikos ol i laik lukim sapos Jnr Insects i ken wokim namba tu taim o nogat.

"Mi wok long stretim namba tu albam stat yet long namel long 2004 na las yia tasol mi painim taim long lukluk moa long pinisim gut." D-Em Kawai i tok. "Em i longpela taim liklik, na mi tok sori long ol fen bilong mi, tasol mi bin laik mekim gut tru long dispela namba tu albam long givim moa kwalati long en."

Na mi ken luksave we D-Em Kawai i wok long toktok long en. Namba tu albam bai gat 12-pela nupela singsing long en. Planti long ol em Kawai yet i railim.

"Mi ting olsem ol fen bai amamas wantaim dispela nupela albam bikos mi putim sampela singsing bilong Goroka, Bogenvil, Is Nu Briten, Tufi long Oro provins na sampela long tok pinis."

### Wanpela man ben ya

Jnr Insects em i wanpela wan man ben bilong Westen Provins we D-Em Kawai yet,

wanpela man Tolai i save wok olsem plama namel long ol Gogodala pipel.

Taim bilong em long mekim albam em i longpela taim liklik, bikos em i mas painim taim bilong lusim wok bilong em long Westen provins long plai i go long Mosbi long rekod long Cyclone Studios, na i no bikipela taim tumas bilong em long pinisim gut.

"Mi laikim wok bilong mi stret na mi amamas long gutpela pasin bilong ol Gogodala pipel, tasol long wankain taim mi i laik mekim moa musik bilong ol fen bilong mi na em i gutpela as long mi long bihainim bai mi ken painim taim long rekot gut."

Taitol trek em NCD Iwalingoto na em i wok pairap long Yumi FM na i wok long pulim planti manmeri i go antap inap top 5 long redio kaundaun.

12-pela nupela singsing long dispela albam em wanpela i kam long Balimo, we ol i rekodim wantaim hap musik stail bilong Afrika, na ol as ples Sesarama mangi bilong Westen provins yet i singsing.

Jnr Insects i rekotim wanpela Goroka singsing em i kolim Namae we i soim strong bilong em long dispela hap bilong kantri. Wanpela Bogenvil singsing tasol long albam em Mamana Poata, we em i wanpela duet. Em i singsing wantaim Bernard Hanga bilong NiuAge Ben.

Tok ples Bogenvil em ol i rekodim long Buka yet. D-EM i gat wanpela Tufi singsing tu em Eri

long soim olsem em i gat strong long singsing long olgeta hap long kantri.

"Nupela albam em i olsem namba tu bilong dispela i kamap pastaim 704 A Loklok NCR, we NCD Iwalingoto i gat ol musik olsem i bihainim tasol na mi ting ol manmeri bai laikim tru," D-EM i tok. "Musik long nupela albam i gat wankain mejik na strong olsem namba wan albam. Na em i ron gut tru bikos mi namba wan taim bilong mi long rekod."

### As ples Tolai

D-EM Kawai em bilong ples Ramele long Not Kos Rot long Is Nu Briten. Em i save railim singsing we ol arapela manmeri i ken laikim tu. Musik bilong em i save stori long laip long ples, ol tingting bilong ol yangpela, sindaun bilong pipel tude na wan wan taim em i save tromol liklik tok plai i go insait bai ol fens i ken lap long ol yet tu.

Na em i gat bikipela bilip olsem em bai mekim nem gen.

"Mi ken tok olsem dispela nupela albam i gat sampela long ol namba wan wok mi mekim na bai strong na bikipela moa long 704 A Loklok NCD bikos em i gat moa samting bilong olgeta manmeri long PNG."

Strongpela bilip bilong Jnr Insects i bihainim gutpela sindaun bilong namba wan albam bilong em long 2004 we i bin kirapim skin bilong musik indastri. Em i bin sindaun strong long namba tu posisen long

Nesanel Wiki Hit Pareit inap 61 wik olgeta.

Bihain long en tupela arapela singsing K-Town na Pita Pidik wanpela olpela Ramsonik string ben singsing bilong bipo yet i bin kirapim skin.

### I no nupela man long musik

D-EM yet i no nupela man long ol rekoding studio bikos em i bin pilai drams wantaim Insects ben bilong Lae. Em i bin pilai sotpela taim long Bogenvil ben Xerox we i stap long Mosbi na bihain em i go long Buka long kirapim wanpela rekoding studio long hap.

Jnr Insects i gat bikipela tingting long dispela nupela albam we ol bai lonsim long Oktoba 13, 2006. D-EM Kawai bai kisim sapot bilong ol nupela musik atis DAVILLE, wanpela Ridim na Blus grup bilong Daru na Bogenvil husat i rilisim namba wan albam bilong ol tu.

Long lonsim bilong albam, Jnr Insects bai pilaim sampela singsing long NCR Iwalingoto olsem Mosong Pikinini, 548, Zero Mangi, na Scoop Mesu we lit singa na repa Maurice Wainetti i bin rekodim sampela rab a dab sekmen long en.


Mi bilip olsem Jnr Insects bai stap long taim na bai gat planti askim long stori bilong dispela ben. Bikos em i no ben tru tu.

Jnr Insects em i wanpela wan man ben em D-EM Kawai tasol.

Em i wok rekodim musik aninit long nem i makim planti musik man. Kava bilong albam i soim olsem ben em i gat tripela man. Tasol nogat. D-EM Kawai em i lit singa, komposa na man i stretim musik. Long dispela albam, em i haiarim sevis bilong Charmis Mission, wanpela praimari skul tisa husat i bin pilai kibot long namba wan albam. Nau Charmis i singsing long wanpela long ol singsing em Kadiis Mulai.

Narapela poroman, Melky Watabu i stap long kava long singsing long ol singsing Zero Mangi na Kadiis Mulai tu. Lucas Vevut yet em i sindaun long posisen olsem Ben Menesa.

Yu ken ritim dispela stori long tok inglis insait long The National tasol neks wik Mande.



# Wokim stov long dram

**KISIM samting olsem:**

- 1-pela dram wantaim bikpela tuptup o ai bilong en. Ol i save salim kain dram olsem long ol bekari. Sapos i no gat, orait, kisim gutpela dram bilong kersin na rausim antap bilong en i kamap bikpela dua.
- 1-pela olupela dram, olsem dram kersin i gat hul.
- 1-pela hap strongpela akmes na 1-pela hap flet ain bilong wokim ples bilong dis i sanap.
- Sampela pipia kapa bilong banisim ples bilong paia. Yu ken wokim long ston na graun tu.
- 10-pela sotpela hap ain. Kisim 20 mm paip (em i tri kwota ins paip), na katiminap 10 cm, 10 cm.
- 2-pela longpela ain, inap 1 mita. 20 mm paip em i gutpela.
- 2-pela hinsis bilong dua na smok paip.

**Wokim olsem:**

Pasim 2-pela longpela ain insait long gutpela dram na slipim akmes antap. Dispela em i bet bilong flet ain wantaim dis bilong bret. Pasim tuptup wantaim hinsis long gutpela dram. Em i dua bilong stov. Lukim piksa namba 1.

Sapos yu gat narapela dram i gat tuptup, pasim hinsis long sait, olsem poto i soim.

Nau kisim olupela dram. Rausim antap bilong en na as bilong en tu. Katim bel bilong en long wanpela sait long antap i go daun olgeta. Nau katim katim arere bilong en long hekso inap 2.5 cm (em i 1 ins), na krungutim i go insait. Wokim olsem, long antap na long daunbilu (lukim piksa namba 2).

Nau wokim sampela hul long banis bilong dispela namba tu dram na pasim ol sotpela paip. Bai gutpela dram i slip insait long olupela dram na ol dispela paip bai i mekim na i gat spes namel long tupela. Em bilong smok wantaim hat bilong paia i ken holim na hatim gutpela dram. Wokim hul bilong smokpaip tu. Lukim piksa namba 2.

Nau wokim banis bilong paia. Yu ken wokim long pipia kapa olsem namba 3 piksa i soim, o yu ken wokim long ston na graun tu.





Nau bungim olgeta samting. Subim gutpela dram i go insait long dram yu bin katim. Slipim dram i go antap long ples bilong paia. Sait yu bin katim i mas i stap daunbilu.

**Putim smokpaip.**

Nau banisim long graun nating, na hul bilong wokim paia wantaim dua bilong stov tasol i stap ples klia. Lukim piksa namba 4.

Piksa namba 1. Gutpela dram. Em i bel bilong stov. I gat dua na i gat bet akmes bilong putim dis wantaim bret.

Piksa namba 2. Narapela dram i kamap olsem banis. Ol liklik hap paip i mekim, na bai i gat spes namel longtupela dram.



Em i bilong smok na hat bilong paia i ken wokabaut long en.

Piksa namba 3: Ples bilong wokim paia. Ol i banisim long kapa. Namba 2 dram bai i slip antap long en. Sait yu bin katim, em i go daun.

Piksa namba 4: Nau bungim olgeta na karamapim long graun. Nogut hat bilong paia i lus nating.

Tok bilong wokim stov long liklik dram Yu ken wokim liklik stov long 20 lita dram (em i 4 galen). Yu ken wokim wankain olsem 200 lita dram.

Tok bilong wokim stov long dram o sospen

Kisim 20 lita dram na wokim hul long daunbilu. Em i bilong paia. Putim 2-pela strongpela ain long namel. Em i bilong sospen i sanap. Kisim strongpela sospen. Em i olsem stov. Kisim narapela liklik sospen. Em i olsem tin bilong kukim bret. Lukim piksa hia.

**Kukim bret**

Taim yu laik kukim bret, yu mas tanim plaua wantaim yis na wara. Yu mas holim long han na krungutim planti, inap long wara nay is i ken holim plaua olgeta. Bihain, pulimapim long plet na larim i sanap na i solap pastaim. Bihain kukim long stov.

Yu ken putim kain kain samting long plaua na mekim bret i swit. Kain samting olsem susu, na majarin, na plaua kon, plaua kaukau, pinat, na kain samting olsem.

Sapos yu no gat plaua wit na yu laik kukim bret long plaua kon o plaua kaukau tasol, orait, yu mas putim kiau kakaruk i go wantaim bilong holim pas plaua.

**Wait Bret**

Kisim samting olsem:

- hap kap wara i hat liklik tasol,
- 2-pela spun yis,
- 1 na tri kwota kap susu i hat liklik tasol,
- 3-pela spun suga,
- 1-pela tispun sol,
- 5-pela kap plaua,
- 2-pela spun majarin.

**Wokim olsem:**

Tanim yis wantaim wara i hat liklik. Bungim dispela yis wantaim susu na suga na sol, na tanim gut.

Nau putim majarin, bihain putim plaua. Putim 1-pela kap na tanim long spun. Mekim olsem i go i go na plaua i strong, orait, tanim na krungutim long han.

**Krungutim gut.**

Krungutim inap pinis, orait, pulimapim long tin bilong kukim bret. Karamapim long titaul. Larim i stap, na em i solap. Solap pinis, kukim long

stov. Bai yu kukim inap wan aua samting na bai em i tan.

**Witmil bret (holmil bret)**

Ol i wokim long plaua i braun liklik. Em dispela plaua ol kolim witmil. Narapela nem ol i kolim holmil.

As i olsem: Ol i no rausim retpela skin na kru bilong wit, taim ol i wokim plaua. Dispela kain bret i strongpela liklik. Bai yu kaikai olsem taro na kaukau.

**Kisim samting olsem:**

- 8-pela kap witmil plaua
- 4-pela tispun drai yis
- wan kwata lita wara
- wan kwata lita susu
- 8-pela spun majarin

**Wokim olsem:**

Hatim wara na susu liklik. Tanim yis wantaim hap wara yu bin hatim liklik.

Pulimapim plaua long wanpela bikpela dis. Wokim hul long namel bilong plaua na pulimapim yis long dispela hul.


Karamapim long liklik plaua. Larim i sanap na wetim win i kamap insait long yis, olsem spet.

Nau putim hap wara na majarin na sol. Tanim olgeta long han. Putim dispela plaua long tebol na tanim na krungutim planti.

Nau putim plaua i go bek long dis. Karamapim long titaul na putim klostu liklik long paia.

**Em i mas solap planti liklik.**

Nau putim gen long tebol na tanim na krungutim gen. Krungutim inap pinis, orait, pulimapim long tin bilong kukim bret. Larim i sanap gen na em i solap. Solap inap pinis, kukim long stov. Bai yu kukim inap 1 aua o 1 aua na hap.



**OX & PALM**


**MIKS GUT WANTAIM BRETI**

I stap long stua klostu long yu.

**HEINZ Spaghetti**

**HEINZ Spaghetti**

salt reduced



**PEN  
PREN**

**NEM:** Petra Hilda Jackson  
KRISMAS: 24 (meri)  
ADDRESS: P.O. Box CT 556,  
Beach End Plaza, Cape Coast,  
Ghana, West Africa  
SAVE LAIKIM: Mekim haus  
wok, ritim pas na pilai volibol

**NEM:** Jura Bobby  
KRISMAS: 19 (man)  
ADDRESS: P.O. Box 394,  
Popondetta, Oro provins  
SAVE LAIKIM: Pilai soka, ragbi,  
kukim kaikai na go lotu

**NEM:** Ume Thomas  
KRISMAS: 19 (man)  
ADDRESS: Bema High School,  
PMB, Bema, Lae, Morobe  
Provins  
SAVE LAIKIM: Pilai musik, pilai  
soka, go lotu na harim musik

**NEM:** Retchy Krakli  
KRISMAS: 19 (man)  
ADDRESS: P.O. Box 98, Vanimo,  
Sandaun Provins  
SAVE LAIKIM: Go lotu, bisnis  
skul, raun long ovasis na  
mekim pren

**NEM:** Lakias Punian  
KRISMAS: 23 (meri)  
ADDRESS: P.O. Box 1318,  
Rabaul  
SAVE LAIKIM: Mekim pani,  
harim musik na mekim pren

**NEM:** Kimberly Tsimate  
KRISMAS: 15 (meri)  
ADDRESS: Tesipoto Primary  
School, P.O. Box 196, Buka,  
Bougainville  
SAVE LAIKIM: Ritim buk, harim  
musik, mekim pani, pilai spots  
na mekim pren.

**NEM:** Nelson Pinai Kombaku  
KRISMAS: 17 (man)  
ADDRESS: Bareji Provincial  
High School, P.O. Box 156,  
Popondetta, Oro Provins  
SAVE LAIKIM: Ritim buk, pilai  
tas, go lotu, stori wantaim pren  
na raitim pas.

**NEM:** Kelly Mond  
KRISMAS: 26 (man)  
ADDRESS: C/ MI Siwi, SDA  
Church, P.O. Box 77, Banz,  
Westen Hailans Provins  
SAVE LAIKIM: Pilai gita, kukim  
kaikai, go lotu na lukim nupela  
ples.

**NEM:** Stephanie A Karurek  
KRISMAS: 27 (meri)  
ADDRESS: P.O. Box 554, Lae,  
Morobe Provins  
SAVE LAIKIM: Mekim pren,  
serim kalsa na kastom, senisim  
presen na planti moa

**NEM:** Fredah Benjamin  
KRISMAS: 20 (meri)  
ADDRESS: Dodl Unitech, C/  
P.O. Box 1343, Gaulim Study  
Centre, Rabaul, East New  
Britain Provins  
SAVE LAIKIM: Pilai Spots,  
Ritim buk, go raun, lukim TV,  
harim musik, mekim pren na  
mekim pani.

# Nupela kiap mekim wok

## Opisa Pokep, OBE

**N**AMBA wan samt-  
ing Kiap Maina i  
luluk long en em  
ol dispela projek Kiap  
Braun i statim pinis.  
Bikpela tru em long pin-  
isim gavman stesin long  
Kukukuku na wokim rot  
long Mumeng -Kapin i go  
long Kukukuku. Pepa  
wok bilong rot i stret  
pinis. Na nau i stap sam-  
bai tasol long stat wok  
long dispela rot. Masta  
Maina i tokim ol Woks  
Dipatmen long hariap na  
statim rot na em tu i  
laikim PTC i mas joinim  
telepon namel long  
Mumeng-Bulolo na Lae.

Dispela bai i mekim wok  
bilong kiap na polis long  
Mumeng i isi. Wantaim long  
dispela Kiap Maina tu i laik  
mekim gut sindaun bilong  
ol polisman bilong em. Em i  
laik wokim wanpela ples  
bilong pilai basket bol na  
narapela bilong net bol.

Bihain long tripela wik  
long Mumeng ol polisman i  
stat long tok pilai wantaim  
Kiap Maina. Em i luksave  
nau long Lens Kopul Reu  
bilong Talasia olsem wan-  
tok bilong en, na ol polis-  
man bilong Niu Ailan na  
Manus em i kolim ol 'sol-  
wara' bilong en. Lain bilong  
Kopul Gawi ol 'doti wara'  
bilong en. Taim em i bin  
stap long Kimbe long lainim  
tok pisin em i lain long  
kaikai buai tu. Nau planti  
taim Kiap Maina i stap long  
ol single polisman long  
kaikai buai bihain long wok.  
Ol viles pipel klostu long  
Mumeng stesin i save long  
em bikos long Sarere na  
Sande em i save wokabaut  
nambaut long lukim ol ples.  
Taim ol mangi i lukim em ol  
i save bihainim em. Na  
planti taim em i save stop  
na kaikai buai wantaim ol  
lapun bilong ples. Ol pipel i



amamas long nupela kiap  
bilong ol, tasol ol i no laikim  
em long kaikai buai olsem  
ol kanaka.

Kiap Maina na Kiap  
Braun i gat wankain prob-  
lem. Skin bilong tupela i  
wait tasol pasin na kastam  
bilong tupela i narakain  
olgeta long ol waitman long  
Papua Niugini.

Kiap Braun i poromanim  
gut ol polisman bilong en  
na Kiap Maina i bihainim  
wankain pasin. Tupela i no  
bos tasol, tupela tu i wan  
pilai bilong planti wokman  
bilong tupela. Long opis  
Kiap Maina i waitman, tasol  
bihain long po kilok em i  
olsem ol narapela man long  
Mumeng stesin.

Taim em i stap long  
Taliasia em i harim olsem  
planti kiap bilong bipo i  
kamap spakman taim ol i  
stap long aut stesin olsem  
Mumeng. Ol i kamap olsem  
bikos sindaun bilong ol i  
wanpis. Planti kiap na pater  
na pasta tu i kisim bagarap  
bikos ol i no save kam daun  
long ol pipel bilong ples. Ol  
yet i save sindaun long  
haus bilong ol long patrol  
pos o misin stesin na poro-  
manim botol.

Kiap Maina i harim ol  
stori bilong Kiap Braun na  
em i bihainim pasin bilong

en. Long opis sampela taim  
Kiap Maina i krosim gut ol  
polisman bilong en tasol  
bihain long siks pas po em  
i narapela kain man olgeta.  
Planti taim Kiap Maina i  
save stap long hap bilong  
ol single polisman inap siks  
klök. Em olsem Kiap  
Braun, tupela i save gat bia  
long haus tasol tupela i no  
man bilong mekim nating  
long botol. Kiap Maina i  
baim sampela presen na  
kaikai na i bringim long ol.  
Kaikai bilong en i wankain  
olsem bilong ol polisman  
bilong en, rais, abusim tin-  
pis o tinmit. Ol waitman i  
givim em nupela nem,  
"Kanaka" Maina. Kiap  
Maina i no wari long dispela  
rabis toktok bilong ol,  
bikpela tingting tru bilong  
en long mekim gut wok  
bilong en long Mumeng.

Saiten Pokep i save  
givim bikpela sapot tru long  
Kiap Maina olsem em i  
givim long Kiap Braun.  
Long dispela taim em na  
Kiap Maina i wok long stre-  
tim opim bilong Kukukuku  
patrol pos. Saiten Pokep i  
givim tingting na Kiap  
Maina i putim long tok inglis  
na raitim long pepa.

Taim Kiap Maina i toktok  
em i save tokim ol man se  
em i man bilong toktok nat-

ing. Save na aidia tru i stap  
long Saiten Pokep. Olgeta  
wok i pinis long mun  
Januari yet na ol Kukukuku  
i stat long lainim ol singsing  
na danis bilong dispela  
opening. Ol Kukukuku tu i  
save pinis long nupela kiap.  
Pastaim tru ol i ting em i lik-  
lik brata bilong Kiap Braun.

Long las wik bilong mun  
Januari ol masin bilong  
wokim rot i kamap long  
Mumeng. Saiten Pokep na  
Kiap Maina i tokim ol wok-  
man long stat long brukim  
rot. Insait long tupela wik  
tasol ol buldosa na katapila  
i brukim tenpela kilomita  
rot. Ol masin i no stretim  
gut tumas antap long rot  
tasol ples nau i klia long  
wokabaut. Wanpela mun  
bipo long opening, ol kago i  
kamap long Mumeng.  
Saiten Pokep i putim Kopul  
Gawi long lukautim ol kago  
bol long bringim dispela  
kago i go long Kukukuku.  
Hamat tu i salim sampela  
man bilong Kukukuku i kam  
halivim long karim kago i go  
long nupela gavman stesin.  
Taim ol kago i kamap Kopul  
Gawi i tokim ol man long  
putim arinit long nupela  
haus bilong kiap.

Tupela wik bipo long  
opening bilong patrol pos  
long Kukukuku, Kiap Maina

na Saiten Pokep i lusim  
Mumeng na go stap long  
nupela stesin. Ples i kol na  
nupela stesin i luk nais gut  
tru. Ol man i katim ras na ol  
i karim ol liklik ston long  
wara na putim long rot long  
mekim rot i strong.

Ol gaden banana,  
kaukau, suga, pitpit na aibi-  
ka ol wokman i planim tu i  
kamap gut. Suga i redi pinis  
long kaikai. Kiap Maina na  
Saiten Pokep i kamap na  
bung wantaim Hamat na ol  
bikman bilong Kukukuku  
long plenim de bilong open-  
im stesin. Ol Kukukuku yet i  
laikim opening bilong patrol  
pos i makim tu pinis bilong  
kain kain pait namel long ol.  
Olgeta lida bilong ples i laik  
bai ol pipel bilong ol i mas  
kam wantaim na mekim  
ples bilong ol i kamap  
olsem Lae na Bulolo. Ol i  
no mo laikim kros na pait  
namel long ol pipel.

Kiap Maina na Saiten  
Pokep i amamas tru long  
dispela tingting bilong ol  
bikpela man bilong ples.  
Saiten Pokep i kisim Hamat  
na ol arapela bikman i go  
long haus bilong kiap long  
nait na ol i mekim mo toktok  
long dispela tingting.  
Hamat i luluk long Kiap  
Maina, Saiten Pokep na ol  
narapela lida bilong  
Kukukuku na i tok, "Mi  
Hamat na mi bilong dispela  
ples. Taim mi yangpela mi  
wanpela man bilong pait na  
kilim man. Mi save mekim  
dispela long lukautim pamili  
na ples bilong mi."

Taim mi harim yupela ol  
narapela lida i toktok mi  
pilim olsem yumi olgeta i  
pait na kilim yumi yet long  
wan kain risen. Mi ting  
sapos yumi olgeta i bung  
wantaim na kamap olsem  
wanpela pipel bai i no gat  
pait insait long Kukukuku.  
Long taim yumi opim patrol  
pos yumi mas kamap wan-  
pela pipel tasol bilong  
Kukukuku."

**NEKS WIK: Kukukuku  
patrol stesin i op nau...**

## Mi karim hevi bilong HIV/AIDS na mi nidim helpim

**Dia Laiplain,**  
*Mi bin gat bel na bebi  
bilong mi i dai. Mi painim  
aut olsem mi gat AIDS.*

**Dia Pren,**  
Mipela i ting save olsem  
yu bin gat bel tasol bebi  
bilong yu i dai.

Yu tok yu dispela sik ol i  
kolim AIDS (Akwalet Imun  
Difisensi Sindrom).

Wanem samtng i mekim  
yu ting yu gat AIDS? Yu bin  
go long haus sik na kisim  
ol tes we wanpela medikel  
opisa i givim yu long tok yu  
gat AIDS?

Mipela laik helpim yu  
long save moa long dis-

pela sik ol i kolim AIDS.  
AIDS em fainal hap rot  
long Humen Imun Difisensi  
Vaires (HIV).

A i sanap long Akwalet, I  
sanap long Imun, D sanap  
long Difisensi na S sanap  
long Sindrom. Dispela i  
min olsem bodi i nogat  
strong long pait egensim ol  
sik.

Taim wanpela i kisim  
HIV, em bai i no inap kisim  
AIDS long sampela yia i  
kam bihain.

Bodi bilong man o meri  
husat i gat HIV i ken stap  
orait sapos ol i lukautim ol  
yet.

AIDS em sik we i bungim  
ol arapela olsem luksave



sik olsem pneumonia, TB,  
malaria na pekpek wara.

Bikos ol imun sistem  
bilong ol husat i gat AIDS i  
kisim bagarap long  
binatang bilong HIV, i  
nogat strongpela banis  
insait bodi bilong ol long  
pait agensim ol dispela sik,

Long planti kain situesen,  
olsem, planti pipel i save  
dai o sampela i save

kamap orait gen na sin-  
daun wantaim HIV long  
sampela yia i kam bihain.

Mipela bai strongim yu  
long go lukim ol non-gav-  
man ogenaisesen senta  
husat i ken helpim yu wan-  
taim kaunseling.

Wanpela kaunsela husat  
i ken helpim yu long givim  
stia long wanem kain tes  
yu ken kisim long painim  
aut sapos yu gat HIV o  
nogat.

Dispela kain helpim em  
Volantri Kaunseling Testing  
(VCT) bilong Pri tes kaun-  
seling.

Dispela sevis i nogat sas  
na i stap redi long yu long  
yusim taim yu redi.

Pliis ringim mipela sapos  
yu laikim sampela moa  
infomesen o helpim.

**- Laiplain**  
Sapos yu gat wari,  
rait i kam long Lifeline,  
P O Box 6047, Boroko,  
NCD. **Telepon:**  
3260011. Raitim tru-  
pela nem na etres  
bilong yu na bai  
mipela i ken salim  
bekim long pas bilong  
yu. Bai mipela i no  
inap putim trupela  
nem bilong yu long  
atikel.

**- Lalplain**



# Saveman Plak pait agensim sik bilong poteto

James Kila i raitim

WANPELA saveman o agrikalsa saintis bilong Nesenel Agrikalsa Risets Institut (NARI) i wok long mekim gutpela wok tru long daunim hevi bilong dispela sik nogut we i bin kamap long yia 2003 na givim bikpela pret tru long poteto industri long Papua Niugini.

Nem bilong dispela saveman em Robert Plak na em i wok hat tru wantaim ol lain long ovasis long painim rot long kamapim ol gutpela poteto we i ken daunim dispela sik nogut long poteto em ol i kolim 'Poteto Leit Blait'.

Dispela sik PLB long dispela taim i bin givim bikpela pret tru long K15 milien poteto industri long kantri.

Dispela saveman Mista Plak wantaim ol narapela lain saintis i bin wok hat tru long wanpela leboratori long Aiyura long Isten Hailans provins long kamapim wanpela kain teknologi ol i kolim "tisiu kalsa" long kamapim klinpela ol poteto we i nogat ol sik long en. Dispela ol klinpela kain yangpela poteto

em ol i givimaut long ol lain stekholda bilong poteto industri.


Mista Plak i tokaut olsem taim ol i bin wokim kamap ol tisiu insait long leboratori bilong ol long Aiyura ol i bin givim aut samting olsem 3000 poteto plentlets o liklik ol kuru poteto i go long ol lain bilong Fres Prodius Dvelopmen Ejensi (FPDA).

Em i tokaut olsem ol dispela kain poteto ol i karimaut wok stadi i go long kamapim ol nupela em ol "sequoia" varaiti o kain poteto.

"Dispela poteto em mipela i karimaut ol tes long en pinis na mipela i givim i go long FPDA na ol i ken givimaut long ol lain netwok bilong ol," Mista Plak i tokaut.

Long stat bilong dispela yia Mista Plak i bin go long Melbon long Australia na i wok klostu wantaim ol saveman long ovasis long Victoria Dipatmen ov Praimeri Industri long wanpela ples ol i kolim Toolangi na Knoxfield.

Dispela trening em hap bilong wanpela projek ol i kolim "Menesman ov Poteto Leit Blait insait long



POTETO MAN: Saveman Robert Plak bilong NARI i sekim wanpela poteto fam long Toolangi, Victoria long Australia.

Papua Niugini"

Mista Plak i tokaut olsem em i lainim planti gutpela samting long dispela trening em i bin kisim long

Melbon long lukluk i go insait long hevi bilong PLB long PNG na wanem gutpela rot wok bilong em i ken helpim long daunim dispela

hevi.

Mista Plak i tokaut olsem long wok bilong em olsem leboratori menesa long Aiyura wantaim NARI ol i save wok strong long kamapim ol liklik kuru poteto we i nogat sik long en. Dispela ol kuru poteto em ol i save kamapim insait long leboratori tasol taim ol i yusim ol kain kain marasin na teknologi ol i kolim long 'tisiu kalsa'.

Em i tok olsem wok bilong em long wantaim ol tim bilong em long NARI em long kamapim ol tisiu o liklik ol poteto kuru we i nogat sik long en na bihain ol i save testim gut tru na mekim kamap planti bilong ol dispela kru ol i save kolim "plentlets" na ol i save saplaim i go long FPDA husat i save kamapim i go planti ol dispela plentlets na kamapim ol poteto sids na givimaut long ol fama insait long PNG.

Mista Plak i tokaut tu olsem wok bilong tisiu kalsa i no bilong kamapim planti sid tasol insait long leboratori. Nogat. Ol i save kamapim ol nupela na klinpela ol kru poteto long planim we planti taim ol dispela

kuru poteto i no inap long painim dispela sik nogut PLB.

Dispela raun bilong Mista Plak long Australia i bin givim em planti gutpela save long rot bilong wok bilong em olsem saintis na tu em i gat moa save long mekim wok olsem leboratori menesa long Aiyura.

Mista Plak i tokaut olsem nau yet dispela leboratori long Aiyura i wok long wokim kamapim planti 3-pela kain poteto. Ol dispela 3-pela kain poteto ol i wok long en em 'Spunta' Sebago na Kennebec.

Em i tokaut tu olsem ol i redi pinis long kisim 12-pela narapela kain poteto gen long Intanesinol Poteto Senta long kantri Peru long Saut Amerika na sampela long Australia long mekim moa wok painimaut i go insait long ol sapos ol i ken stap strong agensim dispela sik nogut PLB.

Mista Plak i tok olsem planti ol liklik fama long ol ples na hauslain nau i luksave pinis long kain ol wok bilong kamapim ol gutpela kru poteto we i klin na planti i wok long askim moa yet long ol kru poteto.

## Wit kamap bikpela long Enga

Peter Sowaip Pia i raitim

WIT (long tok inglis ol i kolim wheat) i wok long gro bikpela moa long Kandep insait long Enga provins.

Wanpela saveman wantaim Nesenel Agrikalsarel Risets Institut (NARI) bes kem long Kandep, Nao Ulane i tokim Wantok Niuspepa olsem wit nau i kamap bikpela na gutpela moa.

Mista Ulane i bin lukluk raun long Enga Kalsarel So taim Wantok Niuspepa i bin bungim em. em i bin wok wantaim ol Saina husat i bin go pas long kamapim Kandep wit faktori. Em bin go long Enga so long soim pablik wanem samting ol i wok mekim.

Em i tok NARI na ol Saina i wok bung wantaim long planim, prosesim na mekim wit i go kamap ol arapela kaikai samting.

Mista Ulane i tok i gat wanpela ten siks (16) wit spisis (kain kain wit) tasol ol i bin painim aut 2-pela kain tasol we i gro gut.

Long Enga So, Mista Ulane i tokaut olsem as tingting bilong ol em long mekim awenes long pipel long rot wit i save gro, wok bilong prosesim o stretim

na kamapim long pinis prodak bilong salim insait long Kandep yet.

Em i tok wit em wanpela komesel krop o kaikai we i gat mani long en na i save gro gut long kol ples na ol manmeri long ples i mas i gat tingting long planim.

Mista Ulane i tok tu olsem ol i wok long givim aut ol wit sids long ol pipel husat i gat laik long planim wit.

Tasol nau yet, Kandep wit faktori i no salim aut ol wit bek ol i bin mekim long en.

Dispela em bilong wanem provinsal na nesenel gavman wantaim i no tok orait long ol i salim i go aut na ol pepa bilong salim i no redi yet.

Long wankain taim planti manmeri bilong ol arapela hap insait long provins i bin amamas tru long lukim sampela piksa na sid plastik ol i soim long pablik.

Ol manmeri i tok tru tumas ol narapela kain kaikai olsem kopi, ti, suga na kopra i save gro long narapela hap na ol i save putim long faktori, tasol nau Enga i groim na kamapim namba wan wit.

Ol i tok ol i amamas bikos wit i gro long ples Kandep yet insait long provins bilong ol.

## CIC pairap namba wan taim long Wabag

Peter Sowaip Pia i raitim

KOPI Industri Koporesen (Coffee Industry Corporation o CIC) i bin paia lait namba wan taim tru long Enga Kalsarel So long wik i go pinis.

Planti manmeri i bin go lukim CIC eksibisen stol we ol i rostim kopi na soim rot bilong planim na salim i go aut long ol arapela kantri.

Smel bilong kopi i bin pulim Wantok Niuspepa i go lukluk na

long hia. painim aut olsem planti kopi groa i pulap kapsait i stap.

Man husat i go pas long autim tok long wok bilong CIC em Kopi Inspekta bilong Westen rjen, Sailas Otiye. Em i tokim Wantok Niuspepa olsem as tingting bilong ol em long luksave long planti moa pipel i mas wok kopi.

"Mipela kam hia long tokim pipel na ol fama long lukautim kopi diwai. Kopi em i namba wan kes krop long Hailans. Yu ken groim okenik kopi

long hia. "Gol bai pinis tasol kopi bai stap helpim ol manmeri long ples. Yumi mas lukautim kopi," Mista Otiye i tokim ol pipel bilong Enga.

Em i tok CIC i no amamas tru long lukim ol man nating long ples i katim kopi diwai long taim bilong bikpela birua pait.

CIC Opisa bilong Enga, Pii Ipara i autim tok amamas bilong em long ol lokol fama husat i bin go lukluk long eksibisen so bilong ol.

## Taim bilong 'Kavivi' long Kainantu

James Kila i raitim

PLANTI manmeri husat i save laikim tru kaikai buai nau i wok long guria long lukim olsem buai tru tru i wok long sot na planti lain i wok long salim na baim 'kavivi' o wel buai.

Sapos yu raun long Kainantu taun bai yu lukim olsem planti lain i wok long salim kavivi long maket na tu planti lain i wok long kaikai kavivi na raun i stap long taun.

Planti ol manmeri long hap bilong Gadsup insait long Obura-Wonenara distrik long Isten Hailans i wok long stat long salim kavivi nau long ol liklik buai na smuk maket long ol han rot long ples bilong



BUAI SOT: Itude Aufa i holim tupela rop 'kavivi' em i baim na laik salim i go long ples bilong em long Lufa.

ol. Planti bilong ol tu i wok long karim ol rop kavivi bilong ol i go salim long Aiyura na Kainantu maket.

Tru tumas nau yet saplai bilong buai long planti hap bilong Isten Hailans i wok long go sot na ol manmeri i kalap i go

long kaikai kavivi.

Kavivi em i wankain olsem buai tasol mit bilong em i lukluk na tu mit bilong em i save pas tru wantaim skin bilong en. Narapela samting tu em skin bilong kavivi i gat planti spet o wara bilong em na sapos yu nupela man long kaikai bai yu ken kisim sua long maus bilong yu. Olsem na noken traim kaikai skin bilong kavivi.

Wanpela man bilong Kako viles long Lufa distrik long Isten Hailans i bin baim sampela rop kavivi buai na salim i go pinis long hauslain bilong em na ol lain bilong em bai salim.



Bisnis bilong Groim Diwai insait long PNG - Planim diwai long ol renfores eria

Rot bilong groim ol spisis diwai i save groa insait long PNG

### Antiaris Toxicaria

Nem bilong en: Numa (PNG)

Nem bilong en long wok diwai: Antiaris

Wanem kain diwai:

Bikpela diwai we i save gro i go inap 50 mita samting. Bikpela bilong namel bun bilong en inap long 1.6mita raunim. Long ol yangpela diwai, het bilong en i sap. Long ol diwai i bikpela pinis het bilong em i save op i go aut. Bikpela bun bilong em i stret na i longpela tasol.

Skin diwai bilong en:

Bikpela bilong skin diwai bilong en em 2.5 sentimita. Kala bilong ausait skin diwai em i gre na em i smut. Namba tu skin bilong en, kala bilong em i grin na i go yelo. Namba tri skin diwai bilong en i wait na i gat planti rop.

Diwai:

Timba bilong em i yelo liklik. Em i lait liklik na i no hevi tumas. Ol i save yusim olsem mit bilong plaiwut.

Lip bilong en:

Lip bilong em i gat sap nus na i gat graus ausait. Lip i save kamap wan wan. I no bikpela tumas, tasol em i strong. Antap sait bilong en i dak grin, na aninit bilong en i lait grin, i gat liklik gras na sapos yu pilim wantaim pinga em i olsem sanpepa.

Ol plaua bilong en:

Ol man na meri plaua bilong en i ken stap long wanpela diwai tasol. Wan wan plaua i gat 4-pela perian hap we i save karamapim 4-pela ai bilong en. Ol meri plaua i save sanap ol yet na i gat wan wan ovaria wantaim tupela longpela stail.


Prut bilong en:

McCARTHY & ASSOCIATES (FORESTRY) PTY. LTD.  
National & International Forest Consultants  
mccaf@datec.net.pg

"Long kisim tok stia long olgeta wok diwai"



Bodi bilong diwai Antiaris



Lip na sit bilong Antiaris

Em i wanpela bikpela beri. Longpela bilong en inap long 2.3 sentimita. Bikpela bilong en 2 sentimita raunim. Nus bilong em i sap, na antap bilong en i smut. Taim em i mau em i save tanim i go ret pastaim na bihain em i tanim i go bilak. Em i gat wanpela bikpela pikinini.

Em i save gro we:  
Em i save gro insait long olgeta lolen renfores eria insait long Papua Niugini.

Arapela stori:  
Ol Antiaris diwai i save gat planti ol liklik sidling i gro aninit long en.

## Patnasip long rurel developmen em gutpela rot - Mista Api

James Kila i raitim

PLANTI gutpela wok developmen insait long ol rurel eria o bus ples long PNG i ken kamap strong sapos olgeta lain gavman ejensi, sios na ol NGO husat i wok didiman i wok bung wantaim na givim sevis.

Wok bung wantaim i ken helpim ol dispela lain gavman o non gavman ogenaisesen (NGO) long bungim gut ol risos bilong ol wanwan na givim sevis i go long manmeri i stap long ol rurel eria.

Kopi Industri Koporesen Risets na Groa Sevises Divisen Fama Ekstensen Menesa Fabian Api i bin givim dispela bikpela toktok bihain long gutpela wok bung o patnasip em CIC wantaim ol lain long Isten Hailans provinsal Dipatmen bilong Agrikalsa na Laipstok (DAL) wantaim sampela ol lain i save givim sevis i bin kari-maut wanpela wok painimaut namel long wanpela ples fama grup insait long Kabiufa viles klostu long Goroka long wik i go pinis.

Ol dispela lain bilong CIC wantaim ol lain DAL na sevis-provaida i bin kari-maut wanpela wok painimaut ol i kolim Preparatory Rurel Apraisal na Plening (PRAP) namel long ol lain fama grup long Kabiufa.

Mista Api i tokaut olsem PRAP em wanpela kain rot bilong plening we ol i save lukluk stret long ol hevi we i stap daunbilo na wok i go antap long helpim na daunim dispela ol hevi. Dispela wok painimaut



Foto: James Kila

LAINIM: Mista Api i sanap na givim toktok long ol famas long Kabiufa insait long PRAP.

ol sevei i save lukluk i go insait stret long hevi ol fama i save gat na bungim long wok bilong ol long agrikalsa na tu wanem kain sindaun bilong ol long ples na haus-lain komyuniti.

Mista Api i tok olsem bihain long dispela PRAP ekasesais i kamap ol lain husat i laik givim sevis long ol lain long rurel o viles na haus-lain komyuniti i ken kamapim ol gutpela plen o disain bilong wok long helpim na daunim sampela bilong ol dispela hevi ol manmeri long rurel eria i save bungim.

Mista Api i tok olsem dispela wok patnasip CIC i gat wantaim ol narapela lain ejensi olsem DAL i wok long kisim gutpela luksave i kam long planti ol fama grup insait long Isten Hailans provins na ol narapela provins we CIC i wok nau i stap long en.

Em i tokaut olsem wok-patnasip o wok olsem tim em wanpela gutpela tul long kamapim gutpela wok na narapela samting tu em bai daunim kos o hevi bilong mani.

"Bikpela samting em mipela ol lain long agrikalsa developmen ejensi i wok long sevim wanpela ol lain tasol em ol fama o manmeri long ples. Olsem na maski mipela CIC, DAL sios ogenaisesen o NGO grup, mipela i mas wok bung wantaim olsem patnasip long givim sevis i go long ol liklik manmeri long ples na haus-lain komyuniti," Mista Api i tokaut.

Insait long dispela PRAP ekasesais we i bin kamap long Isten Hailans provins i bin gat 6-pela opisa bilong CIC, 6-pela opisa bilong DAL na 6-pela lain sevis-provaida i bin wok bung wantaim. Ol i bin tilim ol yet i go long 3-pela tim na i wok bung wantaim long 3-pela distrik insait long Isten Hailans provins.

Mista Api tokaut olsem planti taim ol lain long nesenel gavman na ol gavman lida i save tok tok planti tumas long ol rot bilong bringim sevis i go long ol rurel komyuniti long PNG. Tasol planti taim ol i save toktok tasol na i no save plenim

gut wanem gutpela rot tru dispela ol rurel developmen sevis i ken go na stretim sindaun bilong ol liklik manmeri long ol bus ples long PNG.

Mista Api i tok system bilong pablik sevis long givim sevis long ol rurel eria long kantri nau yet i luk olsem em i no rot stret. Ating sapos ol lain long gavman sistem long Waigani i luksave gut olsem ol bikpela lain tru we i save givim han long helpim ekonomi bilong kantri i stap long rurel eria na ol dispela lain i nidim tru gutpela teknikel stia long helpim ol long bringim gutpela ekonomik developmen long kantri.

Em i tokaut tu olsem nau yet planti ol bus komyuniti insait long kantri i stap wantaim bikpela hevi long sait bilong gutpela rot, bris, ples balus na tu mani helpim i kam long nesenel gavman. Dispela ol samting i mekim na turangu planti ol opisa bilong gavman olsem ol ekstensen opisa i no kari-maut gut wok bilong ol insait long ol rurel eria.

## Cat® D3G, D4G, D5G, Track-Type Tractors

Rugged construction, outstanding reliability - everything you expect from Caterpillar and more!




Outmanoeuvre every job you tackle.

A single lever joystick controls speed, direction and steering on Cat® "G" Series III Hystat Track-Type Tractors. Full powerturn capability is made possible by maintaining power to both tracks at any ground speed or turning radius.

- Power Train - Offering powerful six-cylinder Cat® 3046 engine that provides the power you expect from Cat tractors, and the productivity you need to increase your profitability.
- Undercarriages - Undercarriages are rugged with strong, durable components for long wear life and lower costs.
- Operator Stations - Excellent visibility down to the cutting edge, ergonomically designed controls and fully adjustable armrests for optimum comfort and productivity.

Hastings Deering



PORT MORESBY  
Spring Garden Road, Hohola, PNG  
Ph: (675) 300 8300 - Fax: (675) 325 0141

	PHONE	FAX
LAE	472 2355	472 1477
TABUBIL	548 9162	548 9155
RABAU	982 1244	982 1129
LHIR	986 4105	986 4107
KIMBE	983 5144	983 5144

Product People Commitment.

We deliver.



**RAGBI LIG**  
**SP KAP**  
**Raun 17**

**Sande 27 Ogas, 2006**  
 3:00 Bombers vs Gurias (Lae)  
 3:00 Lahanis vs Warriors (Kdwa)  
 3:00 Muruks vs Mioks (Madang)  
 3:00 Raiders vs Bulldogs (POM)  
 Bai: Cowboys

**RAGBI YUNION**

**POM**  
**Raun 19 - fainol raun**  
**Sarere 26 Ogas, 2006**  
**Oval 1**  
 9:30 Harlequins vs Medics U19  
 10:30 Harlequins vs LaSallians U19  
 11:30 Harlequins vs Medics B  
 1:15 University vs LaSallians A  
 2:30 Harlequins vs Medics A  
 4:00 Brothers vs Wanderers Primia  
**Oval 2**  
 10:30 Wanderers vs Chiefs U19  
 11:30 University vs LaSallians B  
 1:15 Wanderers vs Chiefs B  
 2:30 Wanderers vs Chiefs A  
 4:00 Medics vs Defence Primia

**Sande 27 Ogas, 2006**

**Oval 1**  
 11:35 Diggers vs Kone U19  
 12:35 Diggers vs Kone B  
 1:45 Diggers vs Kone A  
 3:00 Harlequins vs Kone Primia  
**Oval 2**  
 11:35 Defence vs POMIS U19  
 12:35 Defence vs Brothers B  
 1:45 Defence vs Brothers A

**RAGBI LIG**

**POM SP LIG**  
**Fraide Ogas 25, 2006**  
**PRL 1**  
 01:00 West vs Waliya U19  
 02:00 Royals vs Puma U19  
 03:00 Brothers vs Butterflies U19  
 04:00 Taranagu vs Souths U19  
 05:00 Kone Togers vs D/Warriors U19

**Sarere Ogas 26, 2006**  
**PRL 1**  
 09:00 Paga Panthers vs Defence U19  
 10:00 Wests vs Waliya A  
 11:30 Paga Panthers vs Defence A  
 01:00 Kone Tigers vs D/ Warriors A  
 03:00 Royals vs Puma A  
 04:30 Tarangau vs Souths A  
**PRL 2**  
 09:30 Kone Tigers vs D/Warriors B  
 11:00 Tarangau vs Souhs B  
 12:30 Brothes vs Butterflies B  
 02:00 Paga Panters vs Defence B  
**PRL 3**  
 09:30 Magani vs Hawks B  
 11:00 Royal vs Puma B  
 12:30 Wests vs Waliya B

**Sande Ogas 27, 2006**  
**PRL 1**  
 10:30 Magani vs Hawks U19  
 11:30 Brothers vs Butterflies A  
 01:00 Magani vs Hawks A  
 03:00 MV Raiders vs BB Bulldogs SPC

**Round 24 Washout Games**  
**Mande Oges 28, 2006**  
**PRL 1**  
 03:00 Magani vs Butterflies U19  
 04:00 Souths vs Waliya A

**Trinde Ogas 30, 2006**  
**PRL 1**  
 04:00 Paga Panthers vs Hawks A

**BASKETBOL**  
**CBL-**  
**Priliminari fainol- Hohola Kot**

**Sande 27 Ogas, 2006**  
**Kot 2**  
 9:00 Titans vs Chariots U19B  
 10:15 Souths vs Chariots U19G  
 11:30 Jazz vs Exodus RW  
 12:45 Titans vs Chariots RM  
 2:15 Exodus vs Souths AW  
 3:30 Souths vs Saints AM

**FAIRFAX**  
**Gren Fainol**  
**Sande 28 Ogas, 2006**  
**Taurama Lesa Senta**  
**Kot 1**  
 8:30 Ti vs Vearimo MB  
 10:30 Highway Dust vs Lagoons MA  
 2:30 Vearimo vs Fire Defence MP  
**Kot 2**  
 09:00 Snax Mermaids vs Esco Telstars 1  
 09:00 Esco Telstars 2 vs Snax Mermaids 2  
 09:00 Snax Mermaids 3 vs Sevese Morea Primary  
 10:00 Esco Telstars 1vs Snax Mermaids  
 10:00 Kingston Sparrows vs Aroma Coast  
 11:00 Esco Telstars vs PRK Amoana



**YU KAM:** CBL i go insait long priliminari fainol bilong em-olsem yu ken lukim hia we Jazz pilaia i putim gutpela was long Exodus pilaia. Exodus i strong na win33-30.



**TENK YU:** Dispela ol manki nogut bilong BOC Bullets long Goroka Lig i amamas long nupela yuni-fom we Pacific Helikota kampani helpim long sponsaim.

8:30 Freeway Hox vs Fire Defence WB U17B  
 10:30 Vearimo vs Ti Doria WA 11:00 Gavuone vs Sevese Morea 3  
 12:30 Telkom vs Dolphins WP U21A 12:00 M/Paramana vs PRK Amoana 2  
 12:00 Veupunama vs K/Sparrows 3

**NETBOL**  
**POMNA**  
**2nd Semi Fainol**  
**Sarere 19 Ogas, 2006**  
 Sinia Primia  
 2:30 Kingston Sparrows vs City Pharmacy Rebels 2  
 Div 1 1:00 Kawaimini vs City Pharmacy Rebels 2  
 Div 2 2:00 KIS 1 vs Saturday 2 Ltd 1 2  
 Div 3 1:00 Esco Telstars vs Poinimo 3  
 Div 4 2:00 Veupunama vs Aroma Coast 2 3

**Divisen**  
**Junia**  
**Taim Tim**  
 U10A  
 08:00 City Pharmacy Rebels vs Monier Paramana 1 2  
 U10B  
 08:00 Monier Paramana 2 vs Esco Telstars 2 3  
 U13A  
 09:00 Snax Mermaids vs Esco Telstars 1 2  
 09:00 Esco Telstars 2 vs Snax Mermaids 2 3  
 09:00 Snax Mermaids 3 vs Sevese Morea Primary 4  
 10:00 Esco Telstars 1vs Snax Mermaids 2 2  
 10:00 Kingston Sparrows vs Aroma Coast 3  
 11:00 Esco Telstars vs PRK Amoana 2  
 11:00 Gavuone vs Sevese Morea 3  
 12:00 M/Paramana vs PRK Amoana 2  
 12:00 Veupunama vs K/Sparrows 3  
 Sinia Primia  
 2:30 Kingston Sparrows vs City Pharmacy Rebels 2  
 Div 1 1:00 Kawaimini vs City Pharmacy Rebels 2  
 Div 2 2:00 KIS 1 vs Saturday 2 Ltd 1 2  
 Div 3 1:00 Esco Telstars vs Poinimo 3  
 Div 4 2:00 Veupunama vs Aroma Coast 2 3

**Div 5**  
 1:00 Marokele vs Lucky Stars 4  
**Div 6**  
 2:00 Veupunama vs Tipuhe 4

**SOKA**  
**PMSA**  
**Sarere 26 Ogas, 2006**  
**Bisini 1**  
 08:00 Aigob vs DBTD3  
 09:10 Hills Naniu vs Sobou W1  
 10:20 University vs Cosmos P/Res  
 11:20 Kurti Andra vs B Mobile D1  
 12:30 LBC Defence vs M/Momase U21  
 13:20 Souths Utd vs PNG Gardener WP  
 14:30 Hills Naniu vs Cosmos Premier  
**Bisini 2**  
 08:00 LBC Defence vs M/MomaseP/Res  
 09:10 Badili Utd vs Mungkas D1  
 10:20 Guria vs B/Kumuls U21  
 11:20 PS Rutz vs Telkom WP  
 12:30 Hills Naniu vs PS Rutz P/Res  
 13:20 Tawala vs Sunset D1  
 14:30 Guria vs Souths Utd Premier

**Sir John Guise Stadium**  
**Oval 1**  
 08:00 PNG Gardener vs Sobou U21  
 09:00 Markham Yarangs vs Jaha W1  
 10:00 POMTECH vs B Mobile U21  
 11:00 Badili Utd vs M/Yarangs U21  
 12:00 Maset vs Jovu Extracts D3  
 13:00 DBTI vs W1  
 14:00 Lus Prutz vs UBOG D2  
**Oval 2**  
 08:00 Apex vs Moonbi D3  
 09:00 Sunset vs LBC Defence W1  
 10:00 POMIS vs Manambu U21  
 11:00 Eastern vs Raitman W1  
 12:00 Niuan vs Sobou D3  
 13:00 Mungkas vs Bavaroko U21  
 14:00 Maclaran vs Tarangau D2  
 15:00 DBTI vs Watuluma D3

**Sunday 27 Ogas, 2006**  
**Bisini 1**  
 08:00 Ela Utd vs Murat D2  
 09:10 Verave vs Manambu D1  
 10:20 Hills Naniu vs PS Rutz U21  
 11:20 Los Negros vs University WP  
 12:30 Guria vs B/Kumuls P/Res  
 13:20 Reccos WMI vs Lamana WP  
 14:30 Mirel Momase vs B/Kumuls Premier  
**Bisini 2**  
 08:00 Rapatona vs Souths Utd P/Res  
 09:10 University vs Cosmos U21  
 10:20 Bavaroko vs Los Negros D1  
 11:20 Rapatona vs Souths Utd U21  
 12:30 Guria vs Rapatona WP  
 13:20 University vs Rapatona Premier  
 14:30 LBC Defence vs PS Rutz Premier

**Sir John Guise Stadium**  
**Oval 1**  
 08:00 Thrillers vs Nomads D3  
 09:00 M/Yarangs vs Telkom D2  
 10:00 PNG Gardener vs Jaha D2  
 11:00 Badili Utd vs Manambu U21  
 12:00 Murat vs Mungkas W1  
 13:00 L/Negros vs PNG Gardener U21  
 14:00 Papita Utd vs Moonbi D3  
**Bye: Femor (D2), Manambu (W1), Markham Yarangs (U21)**

**VOLIBOL**  
**NCD**  
**Gren Fainol**  
**Taurama Lesa Senta**  
**Kot 1**  
 08:00 Marawaone vs Peteru MD2  
 11:00 Viriole vs Magpies MD1  
 03:00 Melona Scorpions vs Mabey & Johnson U-Mi Yet MP  
**Kot 2**  
 08:00 NFA Dolphins vs A/CrusadersWD  
 09:30 Peteru vs Kisere WD1  
 01:00 Paceman Grass Hoppers vs Mabey & Johnson U-Mi Yet WP

**BRONCOS**  
bikpela birua:  
Hindmarsh



**SORI TUMAS:** Nathan Hindmarsh i redi long mekim wanpela hit bilong em long taim ol Eels i pilai egensim St George Illawarra Dragons long pilai bipo.

PARAMATTA Eels bekroua Nathan Hindmarsh i bilip pilai bilong ol egensim Brisbane Broncos bai wanpela bikpela pilai tru. Na ol i lukim ol Broncos olsem bikpela birua bilong ol long pilai egens long winim ples na go moa long painim fainol pilai. Sapos ol inap long winim Broncos dispela em Hindmarsh i ting bai givim tingting long ol olsem ol inap long mekim i go moa long primiasip taitol. Eels i mekim planti manmeri i kirap nogut long win bilong ol bihain long ol i no mekim gutpela stat long stat bilong sisen. Tasol nau olsem ol samting i ples klia we ol i winim 9-pela pilai bilong olgeta we wanpela win i bihainim arapela planti manmeri i senisim tingting bilong ol na lukluk long ol long win. "I gat ol pilai em mipela i mas winim... ol tim we i stap long gutpela fom olsem ol Storm na Bulldogs na Brisbane i gat dispela strong we mipela i mas win sapos mipela i laik save long strong bilong mipela," Hindmarsh i tok.

**Strong bilong Melbon Storm i go daun**

DISPELA em tingting bilong NRL historien David Middleton. Em i mekim dispela toktok long IRL Dilaks so long Mande nait long Brad Fittler na anel 9 niusman Russell Barwick. Dispela em bihain long ol Storm husat i wok long go gut tasol apsait long Sande pilai taim ol i go daun long ramba 10 tim Nu Silan Warriors 24-20 long Oklen long Nu Silan. Moa yet bikos ol Storm husat i gat 0 we i stap 6-pela ples longwe long narapela tim-bulldogs we i stap bihain long ol i ting ol i winim les pinis long maina primiasip na olsem ol i no an wari tumas moa long pilai strong. Kain tingting Middleton i ting i save mekim planti ol gutpela n i lusim pilai bilong ol.

**Turner no go bek: NRL**

MELBON i no kamap wantaim wanpela tingting apos em i mas kisim kot egensim NRL gavman odi long em i tok nogat long kontrak bilong infom inga Steve Turner wantaim ol. Dispela em long anem Turner long pastaim i bin tok orait pinis long pilai long nupela NRL tim Gold Coast Titans long 2007. Na olsem dispela pait long kisim umer i wok long stap namel long ol Titans na torm. Em i tru Turner i bin tok long pilai wantaim tasol nau i sensim tingting na i laik pilai yet wantaim ol Storm long narapela sisen.

**Eagles save long hevi**

MANly prop George Rose i no laik long weit ng lokim kom wantaim ol Dok long tumora nait. Ol Eagles i save olsem gutpela ol manki bilong ol ok olsem Roy Asotasi, Willie Tonga na Tony rimaldi i gat bagarap, Willie Mason i kisim aspensen na olsem Rose i bilip nau em i taim long kaikaim ol gut long graun bilong ol.

**Bikpela pilai i kamap**

James Kila i raitim

**OL BIKPELA** pilai bilong SP Inta-siti Kap resis long dispela wiken bai skelim stret posisen bilong husat ol tim bai bukim sit bilong ol insait long top foa ples insait long resis bilong dispela 2006 sisen.

Tupela tim husat gem bilong ol dispela wiken bai skelim stret sindaun bilong ol insait long poin lata bilong kompetisen em Toyota Enga Mioks wantaim Pagini Simbu Warriors.

Dispela tupela tim i ron long namba foa na faiv posisen insait long poin lata bilong SP Kap resis na ol i mas putim olgeta strong na pawa bilong gem plen gut tru long winim ol birua bilong ol.

Long dispela wiken bikpela salens tru bai kamap long Dicksons oval long Kundiawa taim Coca Cola Goroka Lahanis i traim strong bilong en egensim Pagini Warriors.

Tupela tim i bin pilai pastaim pinis long dispela fil long Kundiawa long taim bilong seleksin bilong tim bifo long SP Kap resis i stap na Lahanis



**MI BAI GO:** George Aba, Lahanis senta i karim bal na i laik ronawe long Bulldogs pilaia long pilai bilong ol las Sande. Lahanis win 34-22.

i bin win. Bihain long en tu tupela tim i bin pilai long Goroka na Lahanis i bin win gen. Tasol dispela gem long Kundiawa long dispela wiken bai i strong tru bikos Warriors bai traim strong tru long go insait long top foa ples long poin lata bilong kompetisen na em bai givim olgeta samting em i gat long winim gem.

Bikpela salens tru bilong Toyota Enga Mioks bai kamap long dispela wiken long Madang taim ol i bungim Mabey & Johnsons Muruks.

Long las wiken Muruks i bin lus long Agmark Rabaul Guria long Kokopo, tasol nau yet ol i pilai long Madang we i kamap olsem hom-graun bilong ol na ol bai givim olgeta tingting long

Foto: ANDREW MOLE

pilai long holim yet top posisen bilong ol long poin lata.

Muruks i gat planti ol gutpela pilaia husat i save gut long gem bilong ol yet na ol bai bung gut tru long stopim ol boi Mioks.

Long narapela pilai long Lae bai lukim tu narapela gutpela salens taim Agmark Gurias i bungim LBC Lae Bombers.

Bombers i gat planti ol gutpela pilaia olsem faiv eit Randal Kaupa wantaim hapbek Nime Kapo wantaim ol fowat olsem John Milba husat bai traim strong tru long daunim ol boi bilong Guria.

Long narapela sait tu Guria i gat ol strongpela save lain long pilai olsem Menzie Yere, Ricky Sibia long beklain wantaim ol Rolly Matalau na ol fowat bilong ol long traim stopim ol boi bilong Bombers.

Insait long narapela gem long dispela wiken bai lukim ol Brian Bell Bulldogs i traim strong bilong Wari Vele Raiders long Lloyd Robson oval long Mosbi.

Tim we bai i stap bai long dispela wiken em Chemica Cowboys.

**Mioks bai bekim dinau**

Peter Sowaip-Pia i raitim

**TOYOTA Enga Mioks** i wok long redi gut long bekim dinau taim ol i bungim ol Mabey na Johnson Muruks long Madang long dispela Sande.

Ol Muruks i bin winim ol Mioks 24-18 long graun bilong ol yet long Wabag long raun 8 na long dispela taim ol "kaimo" laik bekim dinau.

Na dispela win bai kam bikpela taim ol i tok i kamap olsem gavana bilong ol Peter Ipatas wantaim sampela Enga Memba bilong Palamen bai haiarim ol bas na kisim ol sapota wantaim na go long Madang long givim sapotim. Sapos dispela i kamap tru, Madang Ron Albert bai paia long

ragbi lig pilai long dispela wiken.

Mioks siaman Robert Ganim i tokim Wantok nius long dispela wike olsem ol bai i no inap long go bilong pilai kaskas. Ol i tok long go insait long fainol na olsem ol i laik mekim samting tru.

Na long givim tok long ol pilaia long karimaut wok dispela bai stap long han bilong kosa Sutherland Yore

Yore i mas kamap wantaim wanpela gem plen we i ken "brukim" lek bilong ol Muruks.

Mioks i bin soim wanpela stall pilai taim ol i wilwim Rabaul Agmark Guria 40-6 na olsem ol inap long mekim wankain long ol Muruks husat nau i save stap long Lae na Madang.

Ol i bin malolo long las wik na dispela i mas givim ol inap taim long stretim bodi bilong ol na kisim strong.

Kosa Yore long taim em i lukluk long dispela pilai i tok: "Mipela i bai kisim dispela pilai olsem em i gren fainol bilong mipela."

"Wanem strong em mipela i bin gat long en em mipela bai autim nau," em i tok.

Tasol ol Muruks tu i gat nem long pilai na olsem ol bai i no inap long kam isi.

Madang em olsem hom graun bilong ol na olsem ol bai kisim strong long dispela.

Kosa Joe Kereme i hapman long staim ol tim na olsem em bai tokim ol manki bilong em long sanapim gutpela banis.

**Kumuls bai pilai wantaim Australia PM 13**

**PAPUA Niugini Ragbi Futbol Lig** long dispela wik i bin tokaut olsem PNG bes Kumul pilaia bai pilai wantaim Australia PM 13 long Semptemba 30 long narapela mun.

Sif eksekutyutiv opisa Jeff Wade i tok dispela pilai i kisim ples bilong pilai we ol bai pilai wantaim Australia Junia Kangaroo long Oktoba 22.

Pilai bai kamap long Sarere bipo long ol Australia pilaia i go bek long lukim NRL gren fainol.

Dispela pilai i wanpela bilong ol pilai we PNG i mas pilai long redim ol yet long 2008 Wol Kap pilai we bai kamap long Australia na Nu Silan. Kosa em bipo Kumul pilaia Adrian Lam.

Narapela pilai we ol i mas pilai long em em long egensim Maltese. Dispela pilai bai i no inap long kamap bihain long Maltese tim i gat hevi bilong mani long wokabout. Jeff i tok PNGRFL bai lukluk moa long ol arapela pilai long 2007 long redim em yet.



**MI KAM:** Toua Kohu, Mioks huka husat inap long givim planti hetpen long ol Muruks na husat em ol Muruks mas putim bikpela was bipo long em i soim ol Mioks long kalapim ol Muruks long-pilai bilong tupela tim long Madang long dispela Sande. Mioks i mas winim dispela pilai.

Foto: ANDREW MOLE

**WIKEN MAK**

Lahanis 34 winim Bulldogs 22  
Gurias 18 winim Muruks 12  
Bombers 44 winim Raiders 26  
Cowboys 23 winim Warriors 22  
Bai: Mioks

**SP KAP 2006 POIN LATA**

Klab	P	W	D	L	B	T	PTS
Muruks	15	11	0	4	1	121	24
Guria	14	10	0	4	2	116	24
Lahanis	14	9	0	5	2	120	22
Warriors	14	8	0	6	2	4	20
Mioks	14	8	0	6	2	95	20
Bulldogs	14	5	1	8	2	-19	15
Cowboys	15	6	0	9	1	-78	14
Bombers	14	4	1	9	2	-120	13
Raiders	14	2	0	12	2	-239	8

Tok klia: P = namba bilong pilai, W = win, D = dro, L = Lus, B = bai, T = total namba bilong ol poin bilong foa na egensim tim na PTS = poin.

# PHC helpim Bullets ragbi tim

ragbi

James Kila i raitim

PACIFIC Helicopters Limited, wanpela kampani we i save stap long Goroka, Isten Hailans provins long las wik i bin givim wanpela set yunifom i go long wanpela ragbi tim- BOC Bullets.

Dispela tim B.O.C. Bullets em tim we ol yuts insait long wanpela setelmen yet i kirapim long pilai insait long ol lokal kompetisen wantaim ol arapela yangpela.

Fainensel Kontrola bilong Pacific Helicopters Limited (PHL), Ben Ignas i bin go long Banana Blok setelmen long Goroka long givim dispela ol yunifom long wan-

pela liklik seremoni. Em i makim CEO bilong PHL, Ken Blaine, husat i no inap mekim bikos em i gat bagarap long wanpela lek bilong em.

Ignas, long taim bilong givim yunifom i go long yut lida Francis Seu i tok em i amamas long ol yut long kirapim wanpela tim we i ken pilai spot na helpim ol yet long kamapim gutpela sindaun insait long setelmen eria bilong ol.

Em i tok planti taim ol yangpela i save stap nating na go insait long planti ol kain pasin nogut olsem raskol na ol arapela bikhet pasin. Tasol spots em wanpela gutpela rot we i ken kirapim bel bilong ol long pilai strong na tu long makim

ol yet insait long ol bikpela gem insait long kantri na tu long ovasis.

Dispela sponsasip long yunifom i bin kamap bihain long wanpela boi husat i bikpela tu long BOC blok yet i bin go na lukim CEO bilong Pacific Helicopters, Ken Blaine na tokaut long hevi ol lain yut long blok i gat long en long kisim nupela yunifom.

Dispela man husat i luksave long kain sindaun na pasin bilong ol yuts long blok em Kussy Boropi, husat i save wok tu long PHL. Em yet i pilim olsem ol yut i mas kisim luksave na helpim we i ken givim gutpela sindaun. Planti ol narapela yut lidas husat i bin bung long dispela taim i bin givim bikpela tok amamas bilong ol i go long PHL

long luksave long hevi ol yut i gat long en.

Wanpela yut lida Danny Seski i tokaut dispela donesin PHL i givim em namba wan taim tru wanpela kampani insait long Goroka i bin soim sapotim bilong em long ol yuts insait long setelmen we ol i stap long en.

Ol sampela lain mama husat i bin gat taim long toktok insait long dispela seremoni i tok kain helpim olsem bai i ken stopim ol yuts long go insait long ol trabel olsem simuk mariwana, dring spak na kamapim ol hevi bilong lo na oda insait long setelmen komyuniti.

Regina Maniha, wanpela mama i givim bikpela tok amamas bilong em i go long PHL.

## SPOT RAUN

wantaim

## SCOTT VAVINE



### Spot risos manmeri

PAPUA Niugini spot i bin kisim planti trening bilong spot edukesen long ol samting olsem spot etministresen, kosing, refering, ampaaring, spot marasin na spot saiens stat long ol 1960s i kam inap nau.

Na olsem olgeta kona bilong kantri i pulap long kain savemanmeri.

Na ol kain opis olsem Nesanel Spot opis, Divisen bilong spot, Nesanel Spot Institut, PNG Spot Komisen, PNG Spot Federesen na wan wan ol provinsel spot opis i givim ol skul.

Tasol bikpela askim nau i olsem dispela ol manmeri husat i kisim kain ol skul olsem ol i mekim wok o nogat? Moa yet ol i go moa long skulim komyuniti bilong ol yet long kain samting ol nogat?

Dispela em wan wan ol manmeri husat i go aninit long kain ol skul olsem i ken bekim na ol komyuniti bilong ol.

Planti taim ol komyuniti i save abrusim kain gutpela ol skul long spot long wanem ol lain husat i go aninit long ol skul i les tasol long mekim wok, i lus tingting, i nogat mani o trenspot samting long go aut long givim skul, i nogat strong long autim tok o i pret long sampela samting olsem ol i no go aut. I gat planti as long bilong wanem ol lain husat i kisim skul i no save givim tok long komyuniti bilong ol.

Olsem mi rait nau mi makim tok bilong mi i go long ol manmeri husat i stap long ol rurel eria bilong mipela.

Na olsem long taim mi tok long sampela taim ol lain husat i kisim skul we i no mekim wok bikos long sampela as mi save wanpela bikpela hevi em ol rurel manmeri i save bungim em long sapot sevis. Ol i nogat inap mani long ronim na kamapim ol skul, kos, woksop o pilai.

Tasol gen mi ken tok gutpela etministreta, kosa, trena o menesa bai i no inap long wari tumas long dispela ol samting. Em i ken givim skul o kamapim pilai maski i nogat gutpela sapot sevis olsem mani samting.

Gutpela etministreta i save long wanem samting em bai mekim maskim em i kisim liklik sapot long komyuniti.

Narapela samting em sapos i gat inap ol manmeri husat i kisim skul bilong spot etministresen, kosing, ampaaring na refering we ol i bilong o stap long wanpela hap tasol i moa gutpela ol i bung na yusim dispela save ol i gat long en sapos ol i painim hevi long mani samting long givim skul o kamapim ol pilai.

Moa long dispela sapos ol spot oganaisesen o komyuniti i painim hevi long mani orait ol i mas mekim sampela samting long mekim fanresing.

Ol i no ken wetim ol arapela manmeri long givim mani o helpim i go long ol. Ol i mas traim long painim mani.

Taim komyuniti i helpim em yet em i save long wei bilong stap long taim nogut we i nogat mani o i nogat save lain i kam long go pas long ol mekim ol samting ol yet i save long mekim wok na kamapim pilai.

# RD Tuna helpim Madang kikboksing

kikboksing

Andrew Molen i raitim

SAPOT bilong kikboksing insait long Madang i strong yet na dispela i lukim RD Tuna Cannery i sponsaim Madang tim long dispela yia.

Dispela em i namba 3 taim dispela kenari kampani i sponsaim Madang Kikboksing Asosiesen (MKA) tim insait long 4-pela yia asosiesen i stap long Madang provins.

Dispela taim RD Tuna i givim 12-pela set inap long moni mak olsem K500 long MKA.

Maketing kodineta, bilong RD Tuna Nelson Gabriel i givim ol dispela set long presiden bilong MKA na vais presiden bilong PNG kikboksing asosiesen, Christopher



FAIL FOTO

REDI: Madang meri kikboksa i amamas long sapot na redi long pait.

Papiali long Divain Wot Yunivesiti long 2004 we ol i givim ol 25-pela long Trinde las wik. Namba wan set na tupela katen tin pis long go taim RD Tuna i sposaim MKA em long namba 6 Nesanel semp-

onsip long Lae. Long fes hap bilong dispela yia kampani i helpim tu long givim na putim ol bena o sain long Momase rijinel tonamen long Madang yet.

Papiali, taim em i tok tenk yu long RD Tuna i tokaut olsem ol ofisol bilong Hailans Rijinel Tonamen long Nondugl long Septemba dispela yia bai putim ol dispela set. Em i tok sapot bilong RD Tuna long ol long provins i wanpela rot we ol i helpim long daunim hevi bilong lo na oda.

"Em i helpim tu long luksave long ol gutpela yangpela spotsmanmeri bilong kantri insait long dispela kikboksing na ol arapela spot," Papiali tok. Papiali i tok dispela spot i save strongim pasin bilong harim tok. Namba bilong ol memba bilong MKA i bikpela moa long ol arapela insait long provins.

## Vali laik swim gut



Foto: PNGSI

TEMIS sumatin Barbara Leana-Vali i kisim gen long namba tri taim long winim PNG Swimming Inc Nesanel Swimming rekot long 2006 long ol manki husat krismas bilong ol i stap long 9 na i go daun. Bihain long em gutpela swim bilong em long TEMIS skul kanivol i no long taim i go pini long 50m brestrok long 46.49 seken long Sarere 12 Ogas long Boroko Swimming Klub kanivol aninit long referi Sarenah Pini, Vali i swim long 50m brestrok gen we em i kamap long taim 44.64 seken. Em i brukim dispela rekot we i stap inap long 23 krismas. Olpela rekot em Alexie Johnstone husat i kamapim long 1983 we em i kamap long taim 46.18 seken.

Vali i wok long swim gut long 50m brestrok na 25m na 50m pul na 100m medli long olgeta 8-pela mun bilong dispela yia.

Ol tingting Vali i gat long en em: winim ples long PNG Developmen skwat taim long Septemba Nesanel sempionsip, winim ples long Septemba/Oktoba Brisben, Australia Spring Kanivol na kwalifai long 2007 Darwin Arafura Gem.

Em i tok tenk yu long ol kosa Tony Sari na Elizabeth Wells na bipo kosa Sue Babao.

# Sentrel provins soka tonamen

soka

INAP olsem 40 tim bai kamap long 2-6 Oktoba Sentrel provins soka sempionsip.

Dispela ol soka tim i stap insait long Sentrel provins tasol. Scott Vavine husat i opisel bilong PNG Spot Komisen i founda na oganaisa bilong tonamen i tok em i amamas long lukim bikpela namba bilong ol tim long kamap long dispela pilai.

Em i tok bikos long bikpela namba bilong ol tim long kamap spirit biiong pilai i go antap na planti ol manmeri i redi long kamap na lukim. Em i tok as tingting bilong kampaim disela

pilai em long bungim ol pipel wantaim na namba tu tingting em long makim tim we bai makim provins na go long 2007 PNG Gem long Lae.

"Long taim ol tim i kamap mipela i laik long kamapim gutpela soka netwok long provins we bai helpim mipela long kamapim wanpela asosiesen we bai afiliat i go long PNG futbol Asosiesen," Vavine i tok.

"Moa yet mipela i laik lukim ol manmeri i yusim tu soka long developim ol yet, long pilai, wok na stap bilong ol."

Long dispela em i singaut i go long olgeta Memba bilong Palamen long

Sentrel provins long givim sapot bilong ol i go long dispela pilai. Tim nominesen fi em K100 na pilaiia registresen fi em K2.

Ol tim husat i givim nem long kamap em Ganimarupu, Mt Brown, Alepa, Gemo, Hula, Kamali, Karawa, Gomavo Youth, Ago Settlers, Kupiano, Mix Vanagi, Alewai, Irupara, Paramana, Kalo, Amazon Bay, Vabukori, Babagarubu, Koupa, Lower Sogerl, Kaloa, Gailala Blue Hills, YMC Koreko, Makerupu, Sivitatana, Babaka, Matairuka, Mukunarouka, Cloudy Bay, Sekode, Ameias, Alukuni na Keapara.

# POM ragbi makim tren-on-skwat

ragbi

LAS wik ol selekta i makim Southern Traders tren-on-skwat tim.

Ol bai makim fainol tim bihain long ol trening. Dispela tren-on-skwat em Richard Pangkatana (prop-Harlequins), Carl Hoot (prop-Harlequins), Sova Amet (prop-Uni), Shane Amean (prop-Wanderers), Simon Erere (prop-Harlequins), Anthony Pangkatana (huka-Harlequins), Mal Giheno

(huka-Defence), Willie Rikis (lok-Uni), Jonathan Kairu (lok-Harlequins), Henry Levi (lok-Kone), Starron Siaguru (lok-Harlequins), Aaron Miai (lus fowet-Defence), Jason Gilai (lus fowet-Harlequins), Cecil Davani (lus fowet-Harlequins), Danny Khaizer (lus fowet-Kone), Joe Koel (8-Harlequins), Alex Haija (8-Cheifs), Lawrence Acanufa (hap bek-Uni), Jack Maraha (hap bek-Harlequins), Keith Puaria

(faiv eit-Brothers), Francis Genia (fes faiv-GPS Brisbane), Raymond Romalus (senta-Uni), Graeme Sakora (senta-Defence), Roland Namu (senta-Harlequins), David Erie (winga-Uni), Emmanuel Auru (winga-Harlequins), Michael Vineval (winga-Defence), Jesse Mono (winga-Harlequins), Douglas Guise (fulbek-Brothers) na Tisa Kautu (fulbek-Wanderers). Het kosa John Susuve na trena Robert Dellman.

**LAE BISCUIT CO.**

LAE BISCUIT CO.  
BIKPELA NA STRONGPELA

# WANTOK SPOTS

**LAE BISCUIT CO.**

LAE BISCUIT CO.  
BIKPELA NA STRONGPELA

**NRL NIUS**  
Broncos bikpela birua, Gren fainol pilai i op  
*Lukim stori pes 30*



• Goroka ragbi kisim helpim,  
• Sentrel provins soka  
*Stori pes 31*

Warriors/Mioks mas winim pilai,  
Lahanis laik win  
*Lukim stori pes 30*



**HAMARIM:** Dispela wiken bai gren finol bilong NCD volibol na ol tim i hatim skin pinis long dispela bikpela de. Magpies long divisen wan bai givim strongpela salens olsem ol pilai long hia egensim narapela tim long tupela wiken i go pinis.

## Lam Kumuls kosa

Paul Zuvani i raitim

**PAPUA Niugini Ragbi Futbol Lig i tokaut long dispela wik olsem Adrian Lam i PNG Kumuls kosa.**

PNGRFL sif eksekutiv opisa Jeff Wade i tok Lam i kisim ples bilong bipo kosa Bob Bennett.


Bennett nau i stap olsem wanpela opisel bilong PNGRFL husat i helpim long giivim skul long ol arapela ragbi man long sait bilong teknikal wok.

Lam husat i kepten bilong PNG Kumul long 1995 na 2000 Lincoln Wol Kap amamas long helpim PNG Kumuls.

*Wantok Niuspepa* i bin salim imel i go long Adrian Lam long kisim tingting bilong em tasol i no kisim bekim hariap.

Pastaim long dispela yia nius i bin kamap long makim bilong Lam olsem Kumul kosa we wanpela niuspepa i kisim tingting bilong Lam long dispela makim we em i tok em i kirap nogut long harim dispela nius na olsem em i no bin redi long toktok.

Lam husat mama bilong em i bilong Is Nu Britan na



**MIPELA YAH:** Adrian Lam (rait han) na Stanley Gene long 2000 Ingaln Wol Kap pilai taim ol Kumuls i redi long kwata fainol pilai wantaim ol Wales. Wales i win long dispela pilai.

papa bilong Australia i bin pilai wantaim NRL tim Sidni Siti Roosters wantaim biknem NRL ragbi lig pilaia olsem Brad Fittler na pilai long Kwinslen Stet ov Orijin tim tu. Em i bin kepten bilong Maroons tu long sampela taim.

Bihain long em i pilai wantaim ol Roosters em i go long Inglan we em i pilai wantaim Wigan ragbi lig tim na em i pilai long Inglan Supa Lig resis long 2001.

Em i stap pilai long hap inap long las yia we em i go bek long Australia.

Long dispela sisen em i stap olsem namba tu kosa bilong Cronulla Sharks.

Long taim em i stap pilai wantaim NRL em i makim PNG long ol bikpela pilai tu.

Kumul kepten. Long dispela taim Bob Bennett i bin

Long 2000 Wol Kap pilai Lam i go pas long Kumul tim inap long kwata fainol we ol i bin inap long go moa tasol i lus long ol Wales.

Long dispela taim tu em i namba wan taim tu bilong ol Kumuls long pilai i go inap long dispela mak.

Long pilai bilong ol egensim Wales ol Wales i bin makim Lam na Gene olsem tupela birua pilaia we ol i mas rausim bipo long ol i lus long han bilong ol Kumuls.

Tasol ol i no bin inap long stopim tupela.

2000 Kumuls tim em David Buko, John Wilshere, Eddie Aila, Alfred Songoro, Marcus Bai, Stanley Gene, Lam, Karl, Mark Mom, Mondo, Naawi, Bruce Mamando, Tom O' Reilly, Elias Paiyo, Alex Krewanty, Andrew Norman na Makali Aizue.

**World Class Products from PNG's No.1 Automotive & Marine Dealer**


**Ela Motors**  
TOYOTA



**15 BRANCHES NATIONWIDE**

[www.elamotors.com.pg](http://www.elamotors.com.pg)

*Your First Choice*



# The Catholic Reporter

OGAS, 2006


Issue 41

## A warm welcome in Fiji for Bishops



**FIJIAN WELCOME:** A traditional kava ceremony welcomed the Bishops of Papua New Guinea, Australia, New Zealand and the Pacific to the Assembly of the Federation of Catholic Bishops Conferences of Oceania.

## New Archbishop for Mount Hagen



**OLD AND NEW BISHOPS:** Archbishop Michael Meier SVD and new Archbishop Douglas Young SVD with Pope Benedict during last years ad limina visit to Rome.

**BISHOP** Douglas Young SVD has been appointed the new Archbishop of Mount Hagen in the Western Highlands Province. His installation will take place at Holy

Trinity Cathedral at Rebiambul on September 1, 2006.

Archbishop Doug Young succeeds Archbishop Michael Meier SVD who has served the Archdiocese since 1984

when he was first appointed coadjutor Archbishop and then in 1987 as Archbishop.

Archbishop Doug Young will be the third Archbishop of Mount Hagen.

**THE Bishops of Papua New Guinea have arrived home after attending the recent assembly of the Federation of Catholic Bishops Conferences of Oceania.**

The assembly, which met in Suva, Fiji, is made up of the Bishops of the various Conferences from the Pacific, Papua New Guinea, Solomon Islands, New Zealand and Australia. Previously they had met in 2002 in Rabaul, in Rome during the Synod for Oceania in 1998, in Auckland in 1994 and in Sydney in 1990.

The Bishops received a warm welcome for the Fijian people, which included a solemn welcoming ceremony. At the opening Mass, the Federation Chair, Bishop Denis Browne, noted the diversity of the Church throughout the region and called on the Spirit of God to make the Church more faithful, more hopeful and more loving.

A range of topics surfaced in

the discussion, such as greater sharing of resources within the Federation and better communication between the Bishops' Conferences, the Church presenting the life-giving Gospel of Jesus Christ as an alternative to secular ideologies, pastoral care for people in remote areas, and HIV/AIDS.

The Bishops voiced great concern about climate change and its implications for the low-lying islands of the Pacific. World Youth Day 2008 was a particular focus of attention. Bishops and their diocesan teams will be working together to ensure that the youth of Oceania offering a fitting welcome to the youth of the world in July 2008. During the two years leading up to the World Youth Day, the Church will focus on the evangelization of youth and ways that youth can feel more at 'home' in the church. The Bishops are particularly concerned about how to use media and appropriate lan-


guage to lead young people to a personal relationship with Christ.

Despite the diversity of the Church throughout the region, Bishops found common concern in the way secular ideas have had a significant impact on society in Australia and New Zealand, but are also affecting Papua New Guinea, Solomon Islands and the Pacific communities. They also found common concern in the promotion of vocations throughout the region. The Bishops see growth in good vocations to priesthood, permanent diaconate and religious life as part of an overall renewal of the church.

Bishop Peter Ingham of Wollongong, Australia, was elected President of the Federation for the next four years. Bishop Alphonse Chaupa, of the Diocese of Kimbe, was elected as Papua New Guinea's representative on the executive committee.



Proud to be associated with The Catholic Reporter



**TOKSAVE**  
Sapos yu gat sampela stori  
o nius yu laik putim long  
dispela pepa ringim o salim  
feks i go long Fr Geoff long  
telipon 479 5007 o  
email: [socom@global.net.pg](mailto:socom@global.net.pg)  
o go lukim em.

*OL Bisop bilong Katolik na Angliken Sios long PNG i bin tok oraitim dispela join Pastorel Pas long Marit na Famili Laip long stat bilong dispela yia. Asbisop James Ayong na Asbisop Douglas Young i bin lonsim pas long Maun Hagen.*

## PASTOREL PAS LONG MARIT NA FAMILI LAIP

### Tok bilong Katolik na Angliken Sios

#### Tok i Go Pas

LONG Julai 20, 2003, Katolik na Angliken Sios long PNG i kamapim wanpela Kavanen o Agrimen olsem bai ol wok bung wantaim long painim rot bilong kamap wanpela olgeta long bilip i sut long Famili Laip. (Dispela Kovenan i wanpela spesel kain kontrak iye laik pasin i stap as tingting bilong bung wantaim long dispela wok.) Tupela Sios i pasim tok "long wok bung wantaim long olgeta samting sapos em i no samting tupela i mas mekim long laik bilong wan wan sios yet." Olsem na tupela Sios i laik wok bung wantaim moa yet long strongim famili laip. I no gat narapela taim we nid i bikpela moa olsem long nau, bai yumi olgeta manmeri long sios na long kantri wantaim i mas sanap olsem strongpela witnes long trupela marit na famili laip na tu, rispektim sampela kastam na pasin bilong marit i gupela we ol tumbuna bilong Melanesia bipo i bin bihainim.

#### Lo bilong God

Mipela, Angliken Sios wantaim Katolik Sios, i laik tokaut strong olsem ol yangpela na singel manmeri i mas tambu long mekim marit pasin. Na manmeri i marit i mas pas tru na stap gut wantaim man o meri ol i maritim long en. Dispela tupela pasin i gupela na stretpela olgeta bilong painim amamas long laik hia long graun. Dispela tupela pasin i gupela pasin bikos tupela i kastam bilong tumbuna na moa yet, tupela i lo bilong God.

Dispela tupela pasin i no inap bagarapim pasin bilong stap fri. Na tu, yumi no ken tingting olsem ol yangpela i mas tambu long mekim marit pasin long wanpela as tasol na dispela em bilong abrusim HIV/AIDS. Nogat. Dispela tupela gupela pasin i gat moa mining long en. Man i save maritim meri bikos em i laik givim em yet olgeta long meri bilong em. Na wankain long meri. Laik pasin i save kirapim gupela sindaun na amamas long laik. Na tu, as tru bilong pasin ol yangpela i mas mekim long tambu long mekim marit pasin i no bilong abrusim HIV/AIDS tasol. Nogat. Em i bilong rispektim ol yet na ol narapela wantaim na long stap gut na amamas long laik bilong ol inap long taim ol i redi long marit na kamapim nupela famili.

#### Witnes long Trupela Marit na Famili Laip

Sampela manmeri i no laik bilipim dispela tupela tok we ol yangpela i mas tambu long mekim marit pasin na marit manmeri i no ken bagarapim

marit. Sori tumas, ol lain husat i no laik bihainim dispela tupela pasin i no inap senis sapos ol i ting olsem em i hat na i no gat we long bihainim. Tasol i gat rot long soim ol. Ol inap bilip sapos i gat sampela yangpela man na meri husat i rispektim bodi bilong ol yet na ol i tambu long mekim marit pasin inap long taim ol i marit. Na tu, sapos i gat sampela marit manmeri husat i pas tru long laik pasin na long marit bilong ol wantaim. Kain manmeri i stap gupela witnes. Ol i save soim olsem, dispela pasin ol i mekim long laik bilong ol i save kamapim gupela sindaun na amamas long laik. Sampela lapun marit manmeri husat i pas tru long laik pasin na long marit bilong ol planti moa yia em ol i gupela witnes tru.

Laikpasin. As bilong Trupela Marit na Famili Laip

Long trupela marit, man i pas olgeta long laik pasin wantaim wanpela meri tasol inap long indai. Na long trupela famili laip papamama wantaim ol pikinini i pas tru long laik pasin na gupela sindaun. Taim trupela marit na famili laip i stap long olgeta lain, orait nau i gat wanpela gupela komyniti we olgeta manmeri i ken gro na sindaun gut. Marit i stap bilong dispela as na man wantaim meri bilong em i ken kamapim pikinini. Marit i stap bilong man na meri i ken poroman tru na amamas long mekim marit pasin bilong soim laik pasin. Marit i stap bai man na meri i marit i ken wok bung wantaim na serim olgeta samting long laik long dispela graun. Long dispela laik pasin ol marit manmeri i save karim pikinini na ol i lukautim ol insait long gupela sindaun long gupela famili laip.

Taim man i maritim meri, tupela i pas tru long wanpela spesel laik pasin i no gat pinis long en bikos tupela i promis pinis long i stap wanpela tasol, inap long indai. Dispela spesel kontrak bilong marit i kamap taim tupela i sekan long haus lotu na tokaut klia long en long ai bilong Kristen komyniti. Tupela i long serim laik wantaim, ol kain samting bilong graun, ol wari na amamas bilong laik, olgeta samting ol i holim tingting long en bipo na nau, i go inap long taim tupela i dai.

#### Mekim Maritpasin

Taim marit manmeri i mekim marit pasin, tupela i soim spesel laik pasin bilong marit bilong tupela. Long dispela tasol, wanpela tok long Buk Baibel i stap ples klia, "Olsem na dispela pasin i kamap. Man i save lusim papamama na i pas wantaim meri bilong en, na tupela i kamap

wanpela bodi tasol" (Stat 2:24, lukim Matyu 19:6) Mekim marit pasin i holi. God yet i putim dispela pawa long man na meri. Taim marit manmeri i amamas na mekim marit pasin bilong soim laik pasin na bilong karim pikinini em i gupela samting tru.

Sampela marit manmeri i no inap karim pikinini bikos ol i marit taim ol i lapun o ol i gat sik o long sampela arapela as. Ol marit manmeri husat i no inap karim pikinini i ken soim laik pasin bilong kamapim laik long ol arapela rot tu olsem givim spesel sevis long ol sik manmeri na ol lapun. Ol i ken kisim pikinini i no gat papamama na holim ol olsem pikinini bilong ol yet. Planti marit manmeri long Papua Niugini i save mekim olsem.

Tasol taim ol yangpela i mekim marit pasin ol i no inap soim trupela mining bilong laik pasin i karim laik olsem ol marit manmeri i save soim long laik bilong ol. Taim ol yangpela i pilai nabaut long mekim marit pasin, ol i bagarapim gupela presen God i givim long ol marit manmeri bilong yusim long soim laik pasin insait long marit na long karim pikinini.

#### Trupela Marit i Kamapim Trupela Famili Laip

Trupela marit i kamapim na strongim trupela famili laip na tupela i wok bung long kamapim laik pasin i nogat pinis long en na gupela sindaun wantaim. Tru tumas, laik pasin bilong ol marit manmeri i gat pawa bilong kamapim nupela laik long en. Laik pasin bilong marit manmeri i narapela kain olgeta. Taim man na meri i karim pikinini na kamap papamama, pikinini i soim bikpela laik pasin bilong tupela.

Long trupela famili laip, haus bilong famili i olsem wanpela klasrum we papamama na ol pikinini, wantaim ol arapela husat i stap long dispela haus i kisim save long ol kain gupela samting bilong laik. Insait long famili laip ol i kisim save long pasin luksave long wanpela narapela, bilong tok tru long ol arapela na pasin bilong serim ol samting long laik. Ol dispela samting papamama na pikinini wantaim ol arapela i stap long haus long en ol i save kisim pastaim long famili laik na ol i ken serim long komyniti bilong ol bihain tu.

#### Papamama na Pikinini

Papamama i mas laikim tru ol pikinini bilong ol. Ol i mas redi long stretim ol samting bilong lukautim ol pikinini, olsem bilong baim skul fi o lukautim ol pikinini taim ol i kisim sik. Papamama na ol

pikinini i mas kisim save long pasin bilong pogiv bikos sampela taim belhat na kros i kamap namel long ol. Papamama na ol pikinini wantaim ol arapela i stap long famili i mas save tru long wanem wok na wanem pasin wan wan i mas mekim bilong helpim famili long sindaun gut.

#### Gavman na Famili Laip

I no gat narapela samting i winim trupela famili laip bilong sapotim na strongim ol gupela pasin. Olsem na gavman i mas wokim ol gupela lo bilong was gut long marit na famili laip. Ol lida i no ken mekim ol lo i save bagarapim marit na famili laip. Gavman tu i mas save olsem avman em wanpela yet i no inap long kirapim gupela sosaiti. I gat planti samting long komyniti we trupela famili laip bai lukautim na sapotim ol gupela pasin na strongim gupela sindaun. Long ples we famili laip i strong, orait pasin bel isi na ol kain developmen bilong manmeri na ples i save kamap.

#### Trupela Marit - Piksa long Krai i Laikim Sios

Ol dispela tok antap i gat moa mining insait long Kristen bilip na pasin. Yumi ol Katolik na Angliken, wantaim planti arapela Kristen sios, ol manmeri i kisim baptais pinis, yumi gat strongpela bilip long trupela marit. Yumi save bilip olsem, trupela marit i olsem piksa long we God i laikim yumi na long we Jisas i stap wantaim yumi sios. "Yupela man, yupela i mas laikim tumas ol meri bilong yupela, olsem Krai i laikim tumas sios na i givim laik bilong em yet bilong helpim sios" (Efesus 5:25). Ol Katolik na Angliken i bilip olsem taim man na meri i marit long haus lotu aninit long Sakramen bilong Marit, tupela i pasim tok pinis na God i blesim dispela marit long holim tru oltaim dispela marit long gupela taim na long taim nogut wantaim.

#### Las Tok

Mipela Katolik na Angliken i pre olsem, ol pipel bilong Papua Niugini i ken painim gen mining bilong trupela marit na bilong mekim marit pasin.

Ol yangpela i tambu long mekim marit pasin inap long taim ol i marit pinis. Dispela tambu i stretpela long ai bilong God husat i bin putim pawa bilong karim nupela laik long man na meri bilong kamapim trupela famili laip. Marit manmeri i mas holim tru promis tupela i mekim pinis long marit, bung wantaim na stap poroman stret long laik pasin olgeta de inap long indai.

Mipela pre tu bai gavman i ken wokim na sapotim ol lo na pasin i save was gut long trupela marit na famili laip. Long dispela we gavman bai lukautim gut ol famili na sapotim human developmen bilong wan wan manmeri wantaim gupela sindaun bilong olgeta pipel long kantri.

## Financial Managers gathering held in Pom

THE Catholic Church Institutional Strengthening Program (CISP) recently held a National Finance Manager's Meeting at Don Bosco Conference Centre, Port Moresby.

This gathering has grown from financial management needs identified in the Church, and is supported by the Churches Partnership Programme as part of the CISP.

Twenty-two Finance Managers from Catholic Dioceses around the country, the Solomon Islands and key Church institutions, spent the

week prioritizing needs in the Church, identifying skills gaps, opportunities for further training under the program, and sharing experiences and lessons learnt.

Key presenters also covered topics such as Financial Governance, Tax Law, Superannuation, Land Titling, and the roles of Financial Boards.

Facilitators of the workshop were Emanuel Koimo from the CBC and Robert Losema of the CISP based at the CBC.

## Officers from CBC move on



FAREWELL: Lazarus Sopalei, Tas Maketu, Virginia Molok and Lawrence Stephens farewelled from CBC at a special luncheon.

THREE people from three commissions under the Catholic Bishops' Conference (CBC) have moved on.

They are Mr. Tas Maketu from Caritas PNG, Mr. Lazarus Sopalei from Laity and Mrs. Virginia Molok from the Laity Womens' Desk. The two latter people have moved on from the organization due to changes and decentralization of the commission while Mr. Maketu has resigned from the organization.

Joining them to move out from CBC organization was former CBC General Secretary Mr. Lawrence Stephens who announced his resignation in early July.

A small farewell luncheon was hosted for them at the CBC premises, in which all of the departing staff expressed sentiments of content working for their respective organization within in the CBC structure.

The General Secretary of CBC Fr. Nick de Groot SVD bid farewell to the departing staff. Fr. de Groot said it was great that each person took up the challenge in their respective work and contributed towards the running of the Church's organizations.

Mr. Lawrence Stephens as the former General Secretary also expressed that it was a challenge as a lay person working for CBC head office. He went on to salute the other three staff for their contribution towards their respective organizations. Mr. Stephens made specific comments about each

of the three departing staff and wished them all well in their other endeavors.

Mean while Mr. Maketu said, he was glad that he took the challenge to contribute to the church in PNG. He said he has left feeling a sense of satisfaction that he has contributed towards Caritas work in the country and other Caritas network in the Oceania region.

He extended his gratitude to the Caritas PNG National office staff, Diocesan Caritas Coordinators right around PNG and also his gratitude to the Caritas Oceania region partners.

He went on to challenge the remaining staff that there should be better communication, consultation and cooperation between the different commissions of CBC.

He reminded the staff that it was a challenge that each one to took to contribute to the running of the church in PNG and urged them to continue their service.

On the other hand Mr. Sopalei and Mrs. Molok said they started in the Laity offices with very little knowledge but have made good progress over the years. The two went on to express their gratitude to Bishops and other people that have supported them during their engagement with the Laity office.

The farewell luncheon ended with appreciation gifts from the CBC office.

# Namba tri hap bilong Pastorel leta bilong ol Bisop aninit long Nesenel Pastorel Plen

## LETA I GO PAS LONG NESENEL PASTOREL PLEN

### 3 Go Insait long Kalsa na Tumbuna Pasin

YUMI mas wok strong long soim pes na mak bilong Sios bilong Papua Niugini bai kamap long Melanesia. Dispela i min olsem: ol tingting, na driman na gutpela pasin tumbuna na gutpela valyu bilong laip bilong yumi i mas kamap ples klia long Sios. Dispela em i wanpela presen bilong Sios bilong Papua Niugini long Sios i go bilong olgeta hap bilong graun.

Pasin tumbuna i stap strong long laip bilong ol pipel bilong yumi. Olsem Sios i laik kalsa mas bungim gutpela tingting bilong Gutnius bilong Jisas Krai bai kalsa inap long painim amamas long gutpela tingting bilong Gutnius na Gutnius bai inap long painim gutpela sindaun insait long laip bilong ol pipel na kamap samting bilong pipel yet. Yumi mas skelim pasin bilong kalsa na glasim ol dispela pasin wantaim Gutnius na sapos sampela samting i no fit long em i mas senis na mas bihainim Gutnius bilong Krai. Sios i mas lukluk long kalsa na mekim progrem bai evangelisesen i ken go insait tru long laip na bel bilong ol pipel. Dispela yumi kolim inkalsaresen.

Baibel serim long ol Liklik Kristen Komyuniti em i wanpela we long glasim kalsa wantaim Gutnius na kirapim gutpela tingting na senisim wanem samting i no gutpela. Sios tu i mas respektim kalsa na helpim ol pipel bai isi isi ol i painim rot bilong kam klostu moa long Krai na gro strong long Kristen bilip.

Wok bilong inkalsaresen i no isi. Ol bisop, ol save manmeri na ol pipel mas wok wantaim. Dispela wok bai kisim taim tasol em mas go het. Long wok bilong inkalsaresen yumi olgeta mas wokabaut isi isi wantaim ol pipel.

### 4. Go Insait long Kalsa bilong Tude

Taim yumi toktok long inkalsaresen yumi no ken ting em i samting bilong tumbuna kalsa na pasin tasol. Nogat. Gutnius mas bungim kalsa bilong yumi tude.

Evangelisesen bilong kalsa bilong tude em i narapela hap bilong nupela integrel evangele-

sesen. Yumi mas go insait long kalsa bilong tude na helpim em long tok yesa long gutpela tingting bilong Gutnius na senisim pasin i no sindaun gut wantaim Gutnius. Kalsa bilong tude i gat dispela pasin ol i kolim 'secularisation'. Dispela em i pasin bilong wokabaut long laip na putim God ausait long laip. Planti kain toktok i save go insait long tingting bilong ol

universiti long tingim dispela wok bilong evengelesesen bilong kalsa bilong tude olsem ol katolik manmeri i ken sanap strong long bilip na gutpela kalsa na pasin tumbuna.

### 5. Helpim ol Pipel

Pasin bilong evangelisesen na pasin bilong helpim ol pipel i ken kamap gut i mas bung wantaim. Tupela em i wanpela gutpela rot bilong helpim ol pipel long kam klostu na bung wantaim Gutnius. Pasin bilong respektim ol manmeri na fridom bilong ol na wok long mekim nupela gutpela Sosaiti bai kamap long wok bilong mekim kingdom bilong God bai kam. Sios em i gat wok long sanap strong long ol gutpela samting namel long ol pipel na long holim stretpela tingting bilong Gutnius. Dispela wok Sios i mas mekim na em samting bilong em stret bikos em i mas bihainim tok bilong Krai 'long laikim olgeta manmeri olsem yu laikim yu yet'. Na kantri tu i gat wok bilong em long lukautim bai sindaun bilong ol pipel long ples i kamap gut.

Bilong helpim ol pipel, evangelisesen i mas go insait we i nogat jastis, bilong mekim laip i mas kamap moa beta, long sanap long ol rait bilong ol pipel i tarangu, long tokaut long pasin korapsen, na long politiks na long givim tingting bilong helpim Sosaiti.

Mipela i wanbel tru long Pop Benedik 16 husat i bin tok yumi mas redi long wok bung wantaim ol arapela Kristen manmeri long mekim mekim wok marimari bilong helpim ol tarangu, na lapun na ol maupas na aipas na ol husat i nogat namba insait long komyuniti bilong yumi.

Jenerel Asembli bilong Katolik Sios i gat bikpela wari long helt, na long HIV/AIDS, na long jastis, pis na long lukautim olgeta samting God i bin mekim, na long edukesen long strongim bilip Katolik bilong ol yut. Ol dispela i kaikain rot katolik Sios i kisim long autim Gutnius. Ol dispela i wok bilong evangelisesen.

Yumi mekim wok bilong evangelisesen taim yumi helpim ol pipel bai sindaun gut na yumi helpim gutpela sindaun bilong ol pipel taim yumi mekim wok bilong evangelisesen.



Sapotim rait bilong ol turangu

manmeri na ol i no gut tumas. Ol media olsem radio o TV o nuspepa i soim sampela pasin bilong ol manmeri i no gut tumas. Evangelisesen i mas go insait long ol dispela media na yusim ol long tokaut gen Gutnius bilong Krai long gutpela progrem na piksa.

Yumi mas gro na tingting long femili, long skul, long sosel laip, long kalsa bilong yumi, long ples bilong wok, long politiks, long helt na pasin sik. Ol dispela i mas bung tude wantaim Gutnius bilong Krai na ol Kristen manmeri i mas soim witnes bilong ol long senisim dispela Sosaiti bilong yumi tude. Tude olgeta gutpela manmeri i mas sanap na lukaut long gutpela valyu bilong laip na sanap wantaim valyu bilong Gutnius bilong Jisas.

Mipela i singautim ol Katolik skul, kolis na

## Nupela Pater bilong Bogenvil

LONG las mun, Bogenvil Daiosis i bin witnisim odinesen bilong wanpela yangpela man, Fr Eugene Hanait.

Fr Eugene i kam long Hanahan Paris long Buka I Ailan.

Em i namba tu bilong famili bilong Blaise na Margaret Hanait. Papa i bin lusim ol long yia 1986 na mama tasol i lukautim em wantaim ol arapela brata susa bilong en.

Fr Eugene i Daiosesan Pater na bai i wok long Deomori Paris long Sentrel Bogenvil.

Bisop Henk Kronenberg SM i bin givim sakramen bilong ordo wantaim helpim bilong tupela Dikon, Gilbert na Austin SM.

Ol Pater bilong Daiosis olgeta i bin-stap tu long dispela odinesen.

Fr Eugene Hanait i bin wokim nambawan misa long Hanahan Paris long pestode bilong peris.

## Vanimo Statim Famili Laip Intenesenel

### Mathilda Gimbo

Tupela maus-meri bilong Famili Laip Intenesenel (FLI) long Australia i bin ronim wanpela woksop long St. Paul's Pastoral Center, Lote long Vanimo.

Tupela i bin kam long Vanimo bihainim wanpela askim bilong Fr. Marian Faliszek, SVD, husat i seplin (pris I lukautim spiritual wok) bilong FLI long PNG na Rekta bilong St. Charles Borromeo Meija Seminari long Vanimo.

Planti manmeri i bin kamap long harim ol gutpela toktok bilong strongim na lukautim laip em Gail Instance na Wanda Skowronska i mekim. Hetok bilong dispela woksop em

"Plen bilong God Long Laik na Laip".

Narapela as bilong tupela meri i kam long Vanimo em long givim sampela helpim long kamapim wanpela sapta o han bilong FLI long Vanimo. Planti manmeri i bin soim laik bilong ol na i givim nem long kamap memba bilong FLI-Vanimo ofis.

Famili Laip Intenesenel em wanpela pro-laip grup long Australia we i save toktok strong egensim ol pasin nogut olsem abosen, ol rot bilong stopim pikimini (contraceptives), pasin bilong kilim arapela man o meri husait i gat bagarap long bodi o i sik na i no inap long lukautim ol yet (euthanasia) na ol arapela pasin nogut i save bagarapim laip.

FLI i statim pinis ofis bilong ol long Madang na Alotau na nau long Vanimo.

Planti manmeri i amamas olsem dispela ofis nau bai i kamap long Vanimo bikos i gat planti kainkain marasin na pasin em ol manmeri i save kisim long hapsait bilong boda. Vanimo i stap long boda bilong Indonesia na i isi tru long ol manmeri i traim ol marasin na ol prodak bilong Indonesia we i save kamapim bagarap long bodi. Ol i tok planti manmeri insait long ol kominiti bilong Vanimo i wok long yusim ol marasin bilong Indonesia long bodi bilong ol na sampela i wok long kisim bagarap long ol dispela marasin (contraceptives).

Planti lain i givim nem long stap insait long dispela nupela FLI ofis hia long Vanimo na nambawan bung bilong ol bai i kamap long Fonde 27 Julai.

## The Catechism of the Catholic Church

Bishop Francesco of Goroka writes:-

Let's continue the exploration of our faith taken from the Catechism of the Catholic Church.

### The morality of human acts

All human beings are responsible for his or her own acts. When such acts are done by a free choice as an evaluation of conscience then the person acting in this way is morally responsible for his actions. They are either good or evil.

To evaluate the morality of a human action there is a need to see:

- the object chosen
- the intention of the person
- the circumstances of the action.

The object chosen. All human beings act by following their will in achieving a particular object. In exercising their will and using their reason, they judge if the object is according or not to the true good. This is to show that within human beings, in their own consciences, there is an order of good and evil; to them they direct their choice.

The intention of the person. Human person is not in charge of the existence within himself or herself of a conscience guiding them in choosing between good and evil. Human beings are in charge of the intention by which they choose either good or evil. Intention belongs to the will wanting to achieve an object.

There is a need to purify always one's own intention and see if the intentions are genuine and aiming at goodness or are directed towards selfish reason. For example if someone want to help his neighbor out of love of God or for his own glory (selfish). In the first case the action is good but in the second it becomes evil because of a bad intention.

The circumstances. Any moral action may be evaluated according to the circumstances in which it occurs. Circumstances increase or diminish the moral responsibility of an action. For example if someone steals a big

amount on money or a very small amount. They may also increase or decrease the responsibility of the person like when someone acts out of fear.

The circumstances themselves cannot change the acts themselves; they cannot make good an action which is in itself evil or vice versa.

Good acts and evil acts.

A morally good act requires that the object to which the act is directed is good, that the end of such act is also good, together with the circumstances.

An action becomes evil when it is directed towards an evil end; for example praying just to be seen by others (selfish reason).

There are acts that are always wrong like blasphemy, perjury, fornication and adultery.

### The morality of the passions

Passions are emotions, within a human being, which incline us to act or not to act in regard to something felt or imagined to be good or evil.

Passions are part of our human make up. There are many passions. The most fundamental one is love, which tends towards goodness. Love is a desire for goodness and moves towards achieving it. Once achieved it brings joy and pleasure.

Love must always seek the good in general. And in relation to people it must seek the good of the persons. Passions become evil when they are directed towards objects in order to respond or possess them for selfish reasons. Passions are good when they are expressed out of a genuine love.

### Passion and moral life

Passions in themselves are neither good nor evil. They become good or evil only when they are directed by our reason and will to act towards goodness or not. It is good to control the passions by our rational judgment.

Passions are morally good when they move towards a good action, and are evil when doing the opposite.

# Family Life Coordinators Empowered

By Dulcie Amoniu

**THE Catholic Family Life coordinators from all dioceses of Papua New Guinea including one from the Solomon Islands attended a nine day workshop from the 01st - 09th of August at the Kefamo Conference Centre in the Eastern Highlands Province.**

The workshop which was facilitated by Fr. Alfred Maravilla - LCI, Hennie Kama - Save the Children, Amanda Watson-DWU and Sr. Zelia SSpS - NCFLA covered topics such as Monitoring and Evaluation, Reporting, Child Rights, Pastoral Plan and Radio Scripting.

The main aim of the workshop was to help the diocesan family life coordinators to draw up a diocesan pastoral plan for their respective dioceses and to produce five (5) radio program scripts of 5 to 8 minutes in length, on family violence, HIV/AIDS and other topics that are of interest to the participants.

**Pastoral Plan**

On Pentecost Sunday, 4 June there were celebrations around the Catholic Church in PNG as the Church's National

Pastoral Plan was launched. The plan is the culmination of work that began in 2003 with a General Assembly of the Church. The Assembly consisted of consultations and discussions throughout the country about key issues facing the Church as it enters the 21st Century. Over eighteen months people from all parts of the Church contributed their analyses, hopes and ideas. At a gathering of 150 delegates and 1000 pilgrims in Rabaul, the wealth of contributions were explored and brought together in a statement of mission, vision and priorities for the mission of the Church. This great work was taken to its completion in March this year when the Heads of Commissions of the Catholic Bishops Conference came together in Goroka for a planning workshop. Utilising the Appreciative Inquiry approach, over ten days they delved into the fruits of the General Assembly and, building on that work, together crafted an integrated plan around pastoral priorities such as family life, youth, serving the poor and people with HIV/AIDS.

Back to the Holy Ground, Kefamo, where the National Plan was compiled, were all the family life coordinators.



**WORKSHOP PARTICIPANTS:** Diocesan Family Life Coordinators from PNG & Solomon Islands with the facilitators Fr Alfred Maravilla from the LCI and Amanda Watson from the DWU. *Photo By: Sr. Zelia, SSpS*

Under the leadership of Fr. Alfred Maravilla, they were invited to draw up a diocesan Family Life Pastoral Plan. For this exercise each coordinator was invited to take into account the National Catholic Family Life Pastoral Plan and the Diocesan Pastoral Plan of their respective Dioceses. According to Fr. Maravilla, to improve the quality of our activities we need to create / adopt the idea of a "Planning Mentality".

The Diocesan Family

Life Pastoral Plan would enable the coordinators and people of the Church to speak with "one voice" about the issues confronting Family Life and the steps to be taken to respond to them.

**Radio and Family Life making a Difference**

Throughout the world, radio continues to be one of the most popular mediums by which to transmit information and engage large

numbers of people from many parts of society. In recognition of this, the family life apostolate would like to use radio as a powerful tool to achieve a broad range of goals. For this reason the family life coordinators were equipped with the skill of creating an effective radio program. Topics covered in the workshop included:

- " Scripting
- " Creating a radio program
- " Program Branding
- " On - Air Voice

**" Program Promotion**  
**" Radio Drama**

According to the coordinators they were happy with the training and said that it has really helped them to improve their communication skills.

The radio workshop was to equip the coordinators with radio skills for an effective transmission of information especially on important issues affecting families.

With the acquired skills in radio, they will now be able

to communicate with the people in the rural areas as well.

The radio workshop was facilitated by Ms. Amanda Watson of the Communication Arts (Journalism) Department from the Divine Word University.

The nine days workshop was funded by the Churches Partnership Program (CPP) through the National Catholic Family Life Apostolate of Papua New Guinea and the Solomon Islands.

## Choosing well



**MEDIA AWARENESS:** Final year seminarians of Good Shepherd Seminary spent a week discovering about the Church and Social Communications.

**Joseph Kolkia**  
- final year student  
at Good Shepherd

Fr Geoffrey Lee, National Secretary for Social Communication, recently paid a visit to Good Shepherd Seminary, Banz. Each

year Fr Geoff spends a week at the Seminary giving a series of lectures to the final year students on Media and Values. The focus was primarily on the mass media with a particular look at advertising. Fr Geoff also taught us how to 'read' movies and make critical judgments about them.

## ACPA Conference forges new friendship

By Veronica Hatutasi

TWO Catholic Communicators from PNG have had the privilege of meeting and sharing with colleagues from Australia and New Zealand at a three day conference in Adelaide, South Australia.

Secretary of Catholic Social Communications of PNG, Fr Geoffrey Lee and Wantok Niuspepa's Religious Affairs Reporter, Veronica Hatutasi, attended the annual Australasian Catholic Press Association (ACPA) conference from August 9-11 which brought together about 60 Catholic Media and Communications personnel involved in the print media in the dioceses from Australia, a handful from New Zealand and for the first time, representatives from PNG.

The products by these Catholic Communicators include either weekly, monthly or quarterly productions of highly compatible and renowned church newspapers, magazines and bulletins for the dioceses, parishes, agency schools and the general members of the Catholic



**MEETING FAMILY:** L-R: Fr Geoff and Veronica meet with Fr's family in north Sydney on their return trip to PNG from the conference. Here they pose with nephews young Adam, dad Andy and young Curt who works as Marketing and Promotions Coordinator with Channel 9 TV Network in Sydney.

populace in the respective countries and globally.

As is the practice every year, the ACPA members gather to share the achievements, hardships and difficulties faced, forge new and strengthen already estab-

lished friendships, networking, identify projects to work on and to also give media recognition awards to the best works in terms of reporting, design and layout, photographs, advertising produced by the church's media personnel and communicators.

The conference was very interested to hear the presentation by the two PNG participants about running a church newspaper and media in general in PNG and all that is involved.

The two participants are pleased to have forged new friendship and networking with people involved in Catholic media and communications from neighbours Australia and New Zealand.

## Three Novices join Daughters of Wisdom Congregation

THE congregation of the Daughters of Wisdom, on the feast of Blessed Peter to Rot, accepted three young women as pre-novices, the first step of formation in the Congregation. Sisters and novices along with many clergy came to witness this important day of Beni-

ta Joseph, Paula Namalok and Angeline Onde.

The celebration started with a meal, after which the three went to change into their Pre-novice uniform- a white blouse and a navy blue skirt. The welcoming speech given by Sr. Lois, the Regional Superior

was, as one of the candidates described, 'so touching and meaningful for us.'

As is the custom during ceremony of the entrance to Pre-noviciate, each one of the candidates had to choose a symbol to represent her. Each chose a plant and the first reading taken

from Col 2:6-7 explained the meaning of the symbols: "Since you have accepted Christ Jesus as Lord...keep your roots deep in him" This reading was, said one 'a kind of commitment for us'.

At the end of the celebration, Sr. Lois called each one and

gave a medal of the Foundress, Marie Louise, as a sign that they will follow the footsteps of Jesus through Mary as Marie Louise did.

After this the three were warmly welcomed by all present.



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.